

Ezikiyel

UEzikiyel ya ichumchum aYawe ka ashe alár

¹ Ka ashe ìzun iga ìsəm pà ishatdìng kà ape aga anedìng kà nra ngga ntukun, nna kà n yà uzəngtəng kà ashe onəm vā mmá wur ga izwal. Nna kà n yà datkulung kà awang aKabar, te apabur bol kang n ya oga alár kà atak Inan.

² Kà ilum iga ìtukun kà ape vā ta, kà nvāng ìzun iga ìtukun vā na mmá kpán uponzhi uYehoyakin ga izwal ká,

³ te uYawe là nnap ká uEzikiyel, unəm uga mpyal awop, uya aBuzi, kà mbin oKaldi, datkulung kà awang aKabar, kang awó Inan nna kà yà kà apal ishishi.

⁴ Kang n dər te n ya nyər nkamkam i ba kà asal mpal kà inang ìlulu, kà apər asalsal kang aməlam gáng na, kang kà ishimshe apər vā ta te, iyām iro i məlam wa acham aməlamməlam.

⁵ Kang kà ishimshe apər vā ta te n ya iyām iga irirì pà inedìng wa anəmləbər,

⁶ nnyi te nza uzəngtəng oza nggo ká asal awu pà nedìng ká abasəm pà nedìng.

⁷ Oga ashar oza tong nzwang, kang ashe ashar oza wa ashe ashar iya ìna, i məlam wa acham vā mmá gbəbak.

⁸ Oza kà awo kà avəng abasəm oza aga anedìng wa awo anəmləbər. Kang iyām iga irirì iga inedìng vā ta ká asal awu pà nedìng kang kà abasəm pà nedìng nza uzəngtəng oza nggo,

⁹ oga abasəm oza dok awuwan. Nza uzəngtəng oza nggo chen nzwang, i gabaṇ kaṭ a ya pa oza bən achen á.

¹⁰ Oga iyam iga irirì iga ineding va ta, ka asal awu anəm ka mpyal, ka asal awu ilir ka awo ari, ka asal awu ina ka awo apəram, ka asal awu nkumənggap ka asal nsəm nza uzəngtəng oza nggo.

¹¹ Wa nnà ta, oga asal awu oza. Ko nza azəngtəng nggo ka abasəm pa parəm bol ba ga apal, nza azəngtəng nggo dok abasəm awan wò ka ngbak, kang aga aparəm gún izəzər.

¹² Ko nza izəngtəng nggo i chen nzwang, i gabaṇ kaṭ, i ga nkpaktak ngbak va aruhu ga ka oza kà.

¹³ Oga iyam iga irirì va ta oza wanta, iyam iro wa amor apər kaṭ te wa apər amalmal. I ga mpyal i le nvəng kang apəpər ghan aməlam i fa ka ashishe.

¹⁴ Kang oga iyam iga irirì va ta i chəng i ga mpyal i le nvəng wa aməlam.

¹⁵ Nva n dər oga iyam iga irirì va ta te, n ya oga ikan ajwar pa ineding dok mbin, ikan ajwar pa izəng ka ngbak nza iyam iga irirì nggo.

¹⁶ Nkpaktak oga ikan ajwar aga aneding va ta fa izər, nza azəngtəng nggo mmá kpa məlam wa ipəng iga mbwai, kang i ya ka nggo ka ikan ajwar ikak ka ashishe.

¹⁷ Nva oza səng te, nza azəngtəng nggo i səng i ga i gabaṇ kaṭ i dər isu iga nning va ta.

¹⁸ Oga aləgər akeke va ta rup kang a nəm ayər kang nkpaktak oga aləgər akeke aga aneding va ta iwú gang izər oza.

¹⁹ Nvàngva oga iyam iga irirì vā ta i sēng te, oga ikan ajwar vā ta i sēng nzēng ká oza. A yà pā oga iyam iga irirì vā ta i wong ká mbin te, oga ikan ajwar vā ta i wong kpa.

²⁰ Atak vā aruhu sēng te, oga iyam iga irirì vā ta i sēng, kang oga ikan ajwar i sēng nzēng ká oza, kakul aruhu oga iyam iga irirì nna yà ká ashe oga ikan ajwar vā ta.

²¹ A yà pā oga iyam iga irirì vā ta sēng te, oga ikan ajwar vā ta i sēng kpa, kang a yà pā oza tong pā chək te oza i tong pā chək kpa, kang oga iyam iga irirì vā ta i wong ká mbin te oga ikan ajwar vā ta i wong nzēng ká oza kpa. Kakul aruhu oga iyam iga irirì vā ta nna yà ká ashe oga ikan ajwar vā ta.

²² Ká apal ishi oga iyam iga irirì vā ta te, iyam iro na yà fa izər ká igəlan a məlam wa adədal.

²³ Ká avəng igəlan vā ta, oga abasəm oza aga aparəm tong nzwang pā kwar i dok ava datkulung ká na, kang oza gún izər oza ká oga abasəm aga aparəm.

²⁴ Kang oza sēng te, n fe nnáp abasəm oza wa nnáp ndəng, wa nnáp aga Ichumchum, wa achen oshozha. A yà pā oza tong pā chək te oza i fəng ká oga abasəm oza.

²⁵ Nva oza tong kang oza fəng ká oga abasəm oza te, icù vāng ká igəlan ká apal ishi oza.

²⁶ Ká igəlan vā ká apal ishi oza te, iyam iro nna yà wa itok iponzhi iva mmá nəm ká ipang iro va mí wór pā asapir, a zam wa ndəng izər ivyau, kang iyam iro nna yà təm ká apal itok iponzhi vā ta wa anəm.

²⁷ Kang n ya iyam va bàn ka asal adədək ba ga apal te i məlam wa acham aməlamməlam va ka ashe apər. Iyam va bàn ka adək vāng avəng te i sal wa apər, kang nkpaktak izəzər gang ka atak aghanghan.

²⁸ Wa agampal ka ashe ilulu ka ilum va ivar i pəng, te wa nnà ta aməlam va gāng na i ghan atak.

Ichumchum aYawe wa nva mmá nyám ta. Ka nda va n ya te, n ru, n zəp ka afu, te n fe ichu anəm uro i là nnap.

2

Awór aEzikyel

¹ UYawe là á mi pa, <<Á ya anəm, wong tal ga akul na í là nnap ká bu.>>

² Kang nva uza ka nlà nnap ká mi te, aRuhu tar ka ashe mi a ghap mi n wong ga akul, te n fe na ka nlà nnap ká mi.

³ Te uza là á mi pa, <<Á ya anəm, mmami ka nre bu pa u ga atak onəm olsarila, mbin ngga nfa iyamkak, onəm ova fa iyamkak ká mi. Oza ká opo oza pak nnəm mpat á mi chit a ba chu nda ata.

⁴ Onəm oga nkak ishi ka ntwat igwak. Mmami ka nre bu ka atak oza. Là oza pa, <Iyam va ta uNəm uga nzhi uYawe là.>

⁵ Mwote oza i fe, kat te oza i fe kat nggo, kakul oza onəm oga nfa iyamkak. Te oza i nyi pa unəm uga nlà ichu Inan uwa ka ashe oza.

⁶ Te mmabu, á ya anəm, kang wa ra ayər oza kat, kat te wa ra ayər nnap-nlà oza kat, káp ká nva pa oga izú, ka oga nkpakshi gāng bu ka ishimshe, kang mmabu ka ntəm nzəng ká oga inyinyang á.

Kang wa ra ayər nnap-nlà oza_kaṭ, kaṭ te icìgwak a ləp bu kaḱul ndər və oza_i dər bu kaṭ, kaḱul oza_onəm oga nfa iyamkak.

⁷ Bu là nnap-nlà mi ôza, mwote oza_i fe, kaṭ te oza_i fe kaṭ, kaḱul oza_onəm oga nfa iyamkak.

⁸ Te mmaḃu, á ya anəm, fe iyam və mi là a bu, kang wa fa iyamkak wa njo onəm oga nfa iyamkak və ta_kaṭ. Bol anung bu na u ri iyam və mi na a bu.>>

⁹ Kang n dər, te n ya mmá yichi awo á mi ka_nlir ngga apal awa nchəndərchəndər.

¹⁰ Uza_bol nlir ngga awa nchəndərchəndər və ta ka_mpyal mi. Iyam və mmá lir ka_ashe ká_nsəm te nnap-nlà ngga adər, ka_ayəng, kang ká_nlak igwak.

3

¹ Kang uza_là á mi pa, <<Á ya anəm, ri iyam və u ya ka_mpyal bu. Ri nlir ngga apal awa nchəndərchəndər və ta, te wa ga, là nnap ka_onəm oIsarila.>>

² Te m bol anung mi, kang uza_na nlir ngga apal awa nchəndərchəndər á mi pa_n ri.

³ Te uza_là á mi pa, <<Á ya anəm, ri nlir ngga apal awa nchəndərchəndər və n na a bu a, ri yəl afu bu ka.>> Te n ri kang a chàng ká_mi ka_anung wa mmàl irizhe.

⁴ Te uza_là á mi pa, <<Á ya anəm, ga atak onəm oIsarila na u là nnap-nlà mi ôza.

⁵ Mmami ka_nre bu ka_atak onəm ova achu agafak ka_atak bu kaṭ. N re bu ka_atak onəm oIsarila.

⁶ N re bu ka atak onəm ova achu oza i mat nlà kaṭ, ova nnap-nlà oza bu kpán ipipir kaṭ á. Ká yà pa n re bu ka atak oza na te, oza ka fe bu fe.

⁷ Te onəm oIsarila i fe bu kaṭ, kakul oza ka nfe mi kaṭ, kakul oza onəm oga nkak ishi ká ntwat igwak.

⁸ Dər, n nak asal awu bu ká isu bu chit kám wa njo oza na kpa.

⁹ N nak isu bu chit kám wa ipang, va kám ji ipang ji. Kang wa ra ayər oza kaṭ, kaṭ te icigwak a ləp bu kakul ndər va oza i dər bu kaṭ, kakul oza onəm oga nfa iyamkak.>>

¹⁰ Uza là á mi kàdī pa, <<Á ya anəm, fe pa dakdak ka achwang bu, te re nkpaktak nnap-nlà mi a təm ka ashe igwak bu.

¹¹ Nna chit te ga ka atak onəm bu va ka ashe izwal na u là ôza. <Iyam va ta uNəm uga nzhi uYawe là,> mwote oza i fe, kaṭ te oza i fe kaṭ nggo.>>

¹² Te aRuhu ghap mi n wong, kang n fe inang ichu iro ka nsəm mi ka nlà pa, <<Re izhàn aYawe a ya ashep ka atak ntəm wò.>>

¹³ Te n fe nnáp abasəm oga iyam iga irirì va i gbàk owan oza, ka nnáp oga ikan ajwar va nna datkulung ka oga iyam iga irirì va ta, wa atak apyeppep akamkam.

¹⁴ Te aRuhu ghap mi n wong, kang a ga ká mi, te n ga ka nlak igwak, n fe nsusur ka ashe aruhu mi, kang awo aYawe na yà kám ka apal ishi mi.

¹⁵ Te m ba ka atak onəm oga ngga izwal ka anung awang aKabar ka aTelabib. Kang n təm ka ashe oza nra pa nfangshat, n lang iyam va pa n là.

UEzikyel tēm unēm uga mpángchí aIsarila

¹⁶ Ka nkur nra ngga nfangshat te, uYawe là nnap ká mi pa,

¹⁷ <<Á ya anēm, n nak bu chit unēm uga mpángchí nzhi aIsarila. Awalang va wa fe nnap-nlà ka anung mi te, wa na iwón ôzā wa va u fe ka atak mi.

¹⁸ A yà pa n là ûnēm uga nnēm iyām inga pa, <Nkpak bu kú,> kang mmaḃu nnyi te u won na ka apal ingēnga na u kaḃshi iriririri kaṭ, te unēm va ta a kú ka ashe inga wò, te mi ram nchìchēr ka ashe awo bu.

¹⁹ A yà nnyi pa u won unēm won ka apal inga wò, kang a yáng ká nre inga wò kang uza kú ka ashe inga wò, te u fa ishi bu chit.

²⁰ <<A yà pa unēm unēnan re nnēm iyām inēnan, a le i nēm iyām ibángbāng, te mi nak iyām iga nlèp ifang ka mpipyāl, uza i kú. Uza i kú kaḃul nnap mbángbāng wò, kaḃul pa u won na kaṭ, kang mi yà ká nrēng iyām inēnan va uza nēm kaṭ. Te mi ram nchìchēr ka ashe awo bu.

²¹ A yà nnyi pa u là ûnēm unēnan pa kang uza a nēm iyām ibángbāng kaṭ, kang uza nēm iyām ibángbāng kaṭ, te nkpak uza i lár, kaḃul uza fe iwón va ta fe, te u fa ishi bu chit.>>

²² Te awo aYawe nna yà ka apal ishi mi, kang uza là á mi pa, <<Wong ga agbagba cho, na n là nnap ká bu ka ta.>>

²³ Te n wong, n ga, agbagba, kang n ya ìzhàn aYawe tal ka ta wa iva ka n ya ka anung awang aKēbar á. Te n ru, n zēp ka afu.

²⁴ Kang aRuhu vàng ka apal mi, a ghap mi n tal ka apal ashar mi, te a là á mi pa, <<Ga, kuk ishi bu ka ashe nzhi bu.

²⁵ Á ya anəm, mí ran bu ka oga asang le kang wa atar ashe onəm kať.

²⁶ Te mi nak abələm bu i bal ka adángdang bu, na nlà nnap a mat bu, le kang wa ran ka oza, kakul oza onəm oga nfa iyamkak.

²⁷ Awalang va mi là nnap ká bu te, mi bol anung a bu, te bu là ôza pa, <Iyam va ta uNəm uga nzhi uYawe là.> Unəm va i fe te uza a fe, unəm va nnyi i yáng ka nfife te uza a yáng, kakul oza onəm oga nfa iyamkak.

4

Iyam va ta i yà nnyám ipir nnàp aUrushelima

¹ <<Á ya anəm, yar amè abitbit nak ka mpyal bu, na u cha alakan itong aUrushelima ka apəpal.

² Te nyám asal va mmá gáng itong va ta ka ikum, me akamsəlang a gáng na, kang bu but mbin i gáng na. Te pak apak, pak oga anung akun kakul nshin akamsəlang va ma kuk ishishi ka acham á gáng itong va ta.

³ Te yar asu acham nak na wa akamsəlang acham ka ishimshe bu ká itong aUrushelima. Kang bu gaban asal awu bu ka isusu, kang i tal na mmá gáng ká ikum, te bu gáng na ká ikum. Nva ta i yà nnyám ipir nnàp ôlsarila.

⁴ <<Ka nvang va ta te, ra ka awo apam bu, kang mi nak nnap mbángbang oIsarila ka apal bu. Bu yar nnap mbángbang oza ka apal mmak nra va u ra ka á.

⁵ Kaḱul n nak oga nra a bu chit igbaḷ pa ishatḱing ka isəm pa ifangzəngtəng, a mal ka nra izun iga idumdùm nnap mbángbàng oza. Ka asal va ta bu yar nsur idumdùm onəm oIsarila ká.

⁶ <<Ka nvəngvə u yəl oga nra və ta te, bu le bu ra kàḱi ngga mparəm ka awo ari bu, nra isəm pa ineding kaḱul na u yar nsur nnap mbángbàng oYahudi. Nra pa nzəng kaḱul izun pa izəng.

⁷ Te gaḃan asal awu bu á dər aUrushelima va mmá gáng ká ikum, te ghaḃ awo ikum ka apal, kang bu na iwon á na ka apal iyəm və i ga nfa.

⁸ Mi ga mpak bu ka oga asang le kang wa gaḃan ngbaḱ ata kaṭ te nva cho kaṭ, i ga i chu nkür nra və u gáng na ká ikum kang.

⁹ <<Yar izangzəng, ka ibəshi, ka aso, ka aso asoya, ka imar, ka apil, nak oza ka ashe iḱeri kang bu kpaḱ bu pək iyəm-nrì ka. Iyəm va ta bu ri ka ashe nra ngga igbaḷ pa ishatḱing ka isəm pa ifangzəngtəng və bu nəm á.

¹⁰ Məl na a yà dakdak ka nnəm nya nzənkəng kang bu ri ka apal awalang və mmá nak á.

¹¹ Tok ndəng ka ashe agudu pa aparəm kang bu wa ka apal awalang və mmá nak á.

¹² Bu mək apər ka aməng anəmləbər awom-wom, te wəng nzəngkəng ibəshi ka ashishe na u ri ka iwu nggatək.>>

¹³ UYawe là pa, <<Wa nnà te, onəm oIsarila i ri nzəngkəng oza ngga nnəm ajan, ka ashe mbín və mi lyangshin oza kà.>>

¹⁴ Te n là pa, <<O'o, aNəm uga nzhi uYawe, nna n vyap ishi mi chit nḱa nro kaṭ. Bən ka ngwong mi uyen a ba achu nḱa və ta te, nna n ri izhé ikúkù

iro chit kaṭ, kaṭ te izhé va izhé iga anyin gbaḷ kaṭ. Izhé imwánmwan iro ya atar anung mi chit kaṭ.>>

¹⁵ Te uza là á mi pa, <<Dər, n nak aməng ina a bu chit kaḍor aməng anəmləbər na ú wang nzəngkəng bu kà.>>

¹⁶ Te uza là á mi pa, << Á ya anəm, mi ga nnak iyaṃ-nrì i kùn ka aUrushelima, nzəngkəng pa ḍap mí ma kang mí ri ka ashe ayər. Ndəng pa ḍap mí tok kang mí wá ka nggām.

¹⁷ Kaḱul nlang iyaṃ-nrì ka ndəng nwa te, oza i dər izər, i fa ka igwak, i pak inok nkú pa shìriri kaḱul mpat oza.

5

UEzikyel kpat ishi wò

¹ <<Á ya anəm, yar ndokchi nriri, nəm inok ka wa ikpalshi na u kpat ishi, ká nggyer bu kà. Te mal idək akpap va ta ka apal iyaṃ iga mmàl idək na u kap na nzhi pa nshatḍing.

² Te wa shì nkap ngga nzəng ka apər ka ishimshe itong, ka ilum va nggáng itong ká ikum a kúr chit á. Le te wa yar nkap ngga mparəm zal ka itong kang bu nyat ka ndokchi. Abo nkap ngga nshatḍing te, lyangshin a ga ka ashe ayər, kang mmami nnyi te mi tur ndokchi ka apal oza.

³ Te wa le ka akpap pa ḍap na u ran oza ka aranchwang ilukwan bu.

⁴ Kang kàḍi te, wa kpaḱ akpap aro pa ḍapfinyàng nak oza ka ashe apər a pwak. Ka ta na apər i mal ka nzhi oIsarila pa kpaktak.>>

⁵ Iyam va ta uNəm uga nzhi uYawe là. <<aU-rushelima na ta. M pak na chit ka ishimshe apambin, kang nkpaktak mbín nro gáng na.

⁶ Te aUrushelima fa iyamkak ka apal oga nnap mpakpak mi, uza nyám pa ò bang ò ji mbín nro ji, kang ò kákshi ò ji mbín va ji gáng wò pa kpaktak. Uza yáng ka nkpak oga nnap mpakpak mi, ka oga nnap nkpakpak mi.

⁷ <<Kakul nva ta te, iyam va ta uNəm uga nzhi uYawe là. U mat ká irishi u ji oga aboshi mbín va ji gáng bu, u kpak oga nnap mpakpak mi, kat te oga nnap nkpakpak mi kat. Kadór nva ta te, u le bu kpak oga nnap nkpakpak oga nkpaktak mbin va gáng bu.

⁸ <<Iyam va ta uNəm uga nzhi uYawe là. Te òyangmata mmami, uNəm uga nzhi uYawe, n ta unəm ikùm chit ka atak bu. Kang mi ga nnap-akwali a bu ka mpyal nkpaktak mbín.

⁹ Kakul nkpaktak oga ajan va u nəm te, mi ga nnəm a bu iyam va nna ka n nəm chit kat, kang ka nvəvəng te, mi nəm apipir lap kat.

¹⁰ Iyam va ta nna nak te opon i ga nri ovan oza, ovan nnyi te i ga nri opon oza. Kang mi nap akwali a bu, kang nkpaktak abo oro va i lár te mi lyangshin oza pa dōngdōng ka oga atak.

¹¹ <<Ká nnà te, mmami, uNəm uga nzhi uYawe, uga irirì mi nyám ntàn a bu, kakul nva u vyap atak awop mi chit ka oga ichèr bu, ka oga iyam iga ajan bu. Mi yà ká nkar igwak ka apal bu kat, mi yà ká òya nkun bu kat.

¹² Nkap iyil onəm bu ngga nzəng i kú ka atak arwa ka ayang ka ashe ìtong. Nkap ngga mparəm

onəm bu mí gbáng ka ndokchi ka nsəm itong. Kang nkap ngga nshatding nnyi te, mi lyangshin oza pa dongdong ka oga atak, kang mi tur ndokchi ka apal oza.

¹³ <<Nna chit te, nfəl igwak mi i rusok dak, kang mmən ikum mi ka apal oza i sakam, te izər mi i fən. Kang oza i nyi pa mmami uYawe ka n là nnap ka ashe igwak isursur, ka nvangva n nyám nram igwak mi chit ka apal oza á.

¹⁴ <<Mi nak bu tal agúng ká iyam iga nyilnyil ka mpyal nkpaktak mbín va gáng bu, ka nkpaktak onəm oga nwatar.

¹⁵ Bu tal iyam iga mpwatmpwat, iyam iga nnap avyal, ká iyam iga nnəm ayər ka mpyal oga nkpaktak mbín va gáng bu. Iyam va ta i ya bu nvangva n nyám nram igwak mi chit ka apal bu ka atak nna idumdum á. Mmami, uYawe n là.

¹⁶ Awalang va mi mang bu ka iwár mi ga ikú, ka ayang aga nzhi atak, mi mang pa á zhi bu. Mi ba ka ayang aga nnəm ayər ka apal bu, kang mi gəl asal iyam-nri bu.

¹⁷ Mi re nrè ka ayang ká izhé iga anyin ka apal ishi bu, kang oza i zhi ovan bu. Arwa abángbang ka ntar nchèr i yà ka apal bu, kang mi ba ka ndokchi ka apal bu. Mmami, uYawe n là.>>

6

Nlà anung ka apal oga aBam aIsarila

¹ UYawe là nnap ká mi pa,

² <<Á ya anəm, gaḃan asal awu bu dər oga abam aIsarila ká, na u là anung ka apal oza,

³ là ôza pa, <Mmawo oga abam oIsarila, ó fe nnap-nlà aNēm uga nzhi uYawe, iyām va ta uNēm uga nzhi uYawe là ka apal oga abam ka oga aduktum, ka oga awangsang, ka oga awanggang. Mmami ka mba ka ndokchi ka apal wó mi chwan oga atak awop wó.

⁴ Oga atak nshì iyām awop wó i chwan, kang oga atak awop aga nshì nturari wó i tong agúng. Mi gbáng onēm bu ka mpyal oga ichèr oza.

⁵ Mi nak oga akúm onēm oIsarila ka mpyal oga ichèr oza, kang mi lyangshin nkpaktak oga akup wó i gáng oga atak nshì iyām awop wó.

⁶ Nkpaktak oga atak va ó ra ka, ka oga itong, ka oga atak awop wó i tēm agúng. Te oga atak nshì iyām awop wó i vyap, oga ichèr wó, ka oga atak nshì iyām awop inēngnēng wó mi chwan oza. Kang nkpaktak iyām va ó nēm te i shin.

⁷ Kang ova mí gbáng i tak ka ashe wo, nna chit te ó nyi dak pa mmami na uYawe.

⁸ << <Káp ká nnà te, mi gar oro ka ashe wó ká irirì, kang oro va ka ashe wó ndokchi i pat oza te mí lyangshin oza ka ashe onēm ka mbín.

⁹ Te oro va ka ashe wó lár te, oza i rēng mi ka ashe mbín va oza ga izwal kà. Ka asal va igwak mi lak kakul igwák oza iga ndòm nnēm mmai kap ká mi chit, kang oza dóm ichèr oza ji mi ji. Kang oza i nēm ajan ishi oza kakul iyām íbángbàng va oza nēm.

¹⁰ Kang oza i nyi pa mmami na uYawe, ka anung mwang kang n là nnap mba ka mbæk anung va ta ka apal ishi oza kat.

¹¹ << <UNēm uga nzhi uYawe là pa, Ləp awo bu,

tongchi ashar bu, kang bu là pa, <<Iyam iga nvang mbel,>> kakul nkpaktak iyam iga nnem ajan va onem oIsarila nem, te ndokchi, ka ayang, ka arwa abangbang i gbang oza.

¹² Unem va gbəgbang te, arwa abangbang i gbal na, unem va pa dat te, ndokchi i gbal na, kang unem va lar te, ayang i gbal na. Ka asal va ta mi nyam mmən ikum mi ka apal oza.

¹³ Te oza i nyi pa mmami na uYawe, ka nvangva oga akum oza i ra nzeng ka oga icher oza, gang atak nshi iyam awop oza ka nza aduktum nggo, ka apal nza abam nggo, ka aveng nza ikun ikpärkpär nggo, ka aveng nza ichir iga azang nggo, ka atak va pa kpaktak oza yichi nturari nnəngnəng nchangchəng oga icher oza á.

¹⁴ Kang mi nyam ichumchum ka apal oza, mi nak nkpaktak atak ntəm oza i tal atak alakchi ban ka nzam mmaləng i ga i chu aDipla. Te oza i nyi pa mmami na uYawe.> >>

7

Nkukur dat chit

¹ Te uYawe là nnap ka mi pa,

² <<Á ya anəm, iyam va ta uNəm uga nzhi uYawe là mbin oIsarila, nkur ba chit ka apal oga nggulyangu ngga nneđing ngga mbin va ta.

³ Nyangmata te, nkur bu datkulung chit, mi nyam mmən ikum mi ka apal bu, mi nap akwali a bu ka apal nnap nnəm bu, mi mwa bu kakul nnap nnəm bu ngga nnəm ajan.

⁴ Mi dər bu ka nkun kat, mi nyam nrwa igwak a bu kat, mi pa akwali a bu kakul nnap nnəm

bu, kang bu bæk anung kakul nnap nnəm bu ngga ajan. Nna chit te bu nyi đak pa mmami na uYawe.

⁵ <<Iyam va ta uNəm uga nzhi uYawe là pa, <Nđaktak ka apal ndaktak. Dər, nna i ba ta.

⁶ Nkukur chu chit, a chu chit, a yendał chit ka apal bu, dər, a nəm chit.

⁷ Njuwó ya wó chit, mmawó onəm ga mbin va ta. Awalang nəm chit, ilum rwam chit, ilum iga nzwar atak, iga nchang igwak ká nnap-nshì ka apal oga abam ka.

⁸ Nyangmata mi nyám nlak igwak mi ka apal wó nzəng ká nlak awalang ka, mi nyám nfəl igwak mi ka apal wó, mi pà akwali a wó kakul nkpaktak iyam wó iga nnəm ajan.

⁹ Mi dər bu ká nkun ka, mi nyám nrwa igwak a bu ka. Mi pà akwali a bu, kang bu bæk anung kakul nnap nnəm bu ngga ajan. Nna chit te bu nyi đak pa mmami na uYawe va ka n na idumdùm a bu.

¹⁰ << <Ilum chu chit, á lak ka bu chit, igwong chak chit, nkak ishi tép chit.

¹¹ Nnəm ifan ghak chit a nyáng idari iga nnəm inga. Unəm uro yà ka ashe onəm va ta i le ka, ndur ka atak nsat oza i yà lap ka.

¹² Awalang nəm chit, ilum rwam chit, kang unəm uga nyáp iyam a lan ka, kang unəm uga nyáp ká iyam a nyám nlak igwak ka, kakul mmən ikum mi ka apal nkpaktak nggatək.

¹³ Unəm uga nyáp ká iyam i yà ka nle pa ô kam iyam va uza yáp ka chit ka, a yà pa oza ma yà ká irirì á. Kakul alár va ta ka apal nkpaktak nggatək,

i yà ka nggabaṅ kaṭ. Unəm uro yà uva ka ashe nnap mbángbàng wò i lár kaṭ.

¹⁴ << <Oza bur agbashi chit, kang oza gbar izər chit, ka nna te unəm uro ga ikum kaṭ, kakul mmən ikum mi ka apal nkpaktak nggatək.

¹⁵ Ndokchi ka agbai, kang arwa abángbàng ká ayang ka ashe. Unəm va ka ashe anyin te, ndokchi i gbaḷ na, unəm va nnyi ka ashe itong te, arwa abángbàng ká ayang i gbaḷ na.

¹⁶ Kang ovəngva nnyi a lár te i yà ka apal oga abam wa iləkpár iga abandam, nkpaktak oza i yéng, kakul nnap mbángbàng oza.

¹⁷ Nkpaktak oga awo lang ikam, kang nkpaktak oga irəng rusok wa ndəng.

¹⁸ Oza mwak ilukwan iga nyéng ikú, ayər nəm oza, iwuswa i yà ka nkpaktak asal awú oza, kang ishi oza i təm igbatəng.

¹⁹ << <Oza swang aazurfa oza ka apal asal, azənariya oza nnyi te i yà wa iyam iga adak. Aazurfa oza ka azənariya oza i kamshi oza ka ilum mmən ikum aYawe kaṭ, a nəm ikun ayang ôza kaṭ, a yəl afu ôza kaṭ. Kakul nna sat ipang iga nləp ifang ka atak oza.

²⁰ Mbyen iyam isham oza nak oza ka nngok, kang oza nəm oga alakan ka oga ichər iga nnəm ajan ká. Kakul nva ta te, mi nak iyam isham va ta i yà iyam iga adak ka atak oza.

²¹ Mi na oza i yà iyam iga ngwur ka atak ikum ka ashe awo onəmchən, a va onəm obángbàng ka apambin wur, kang oza i vyap oza.

²² Mi gaḃan asal nsəm ôza kang onəm oga nra anyimnyal i vyap Atak Ayéryər mi. Oza i táng ka

ashishe i lak na.

²³ << <Nəm nzwàr kàkul mbin yəl chit ká ntar nchèr, kang ìtong yəl ká irishì.

²⁴ Mi ba kà mbín va òang ji i kàm nzhí oza. Mi nak nngok onəm oga ikàm i kùr, kang oga Atak Ayéryər oza i vyap.

²⁵ Awalang va mbək anung i ba te, oza i ram ikángkáng kang oza i ya kat.

²⁶ Ndaktak kà apal ndaktak, nfe pa kà apal nfe pa. Oza ram alár kà atak anəm uga nlà ichu Inan, kang nnap mpakpak lar chit kà awo anəm uga mpyal awop, kang ichən i yà kà atak onəmgbak lap kat.

²⁷ UPonzhi i yéng ikú, uya aponzhi nnyi te i fa ká igwak. Awo onəm oga mbin va ta i tán. Mi pyát akəkat ôza i mal dakdak ká inok oza, kang mi nap akwali ôza wa nva oza nap ôro á. Te oza i nyi pa mmami na uYawe.> >>

8

Alár iyam iga ajan va mí nəm kà aUrushelima

¹ Kà nra ngga ntukun kà ashe ape aga akpađing kà ashe izun iga ikpađing iga izwal, kà awalang va mmami kà nzhi mi, kà onəmgbak oga aYahudi kà ntəm kà mpyal mi, te awó aNəm uga nzhi uYawe vang kà apal mi.

² N dər te n ya iyam iro fa izər ká unəm. Bàn kà adək vang asal avəng te a fa izər ká apər, kang kà adək ba ga apal te a ghan wa acham aməlamməlam.

³ Te uza yichi iyam wa awó kpán azhongkong ishi mi. Te aRuhu yar mi wong ká kà ishimshe

m_bin k_a a_pa_bu_r g_a k_a m_i k_a a_Ur_us_he_li_ma k_a a_sh_e
a_lá_r, k_a a_nu_ng a_sa_l a_ga n_ta_r a_ga a_sh_e v_a d_ər a_sa_l
m_pa_l, a_ta_k v_a a_la_ka_n a_ga n_no_k i_kp_ar t_əm k_a.

⁴ Te n ya i_zh_àn I_na_n o_Is_ar_il_a k_a t_a, w_a a_lá_r v_a k_a
n ya k_a a_sh_e a_gb_ag_ba.

⁵ U_za l_a á m_i p_a, <<Á ya a_nə_m, w_ong k_a i_wu b_u,
d_ər a_sa_l m_pa_l.>> K_ang n w_ong k_a i_wu m_i k_a a_sa_l
m_pa_l, t_e n ya a_la_ka_n a_ga i_kp_ar v_a t_a k_a a_nu_ng a_sa_l
a_ta_k a_wo_p k_a a_sa_l m_pa_l.

⁶ Te u_za l_a á m_i p_a, <<Á ya a_nə_m, u ya i_ya_m
v_a y_a o_za k_a n_nə_nə_m d_ò? O_ga i_ya_m i_ga a_ja_n v_a
o_nə_m o_Is_ar_il_a k_a n_nə_nə_m p_a n_a a b_ak m_i n g_ba_ng
k_a n_zh_i m_i. Te b_u g_a ñ_ya o_ga i_ya_m i_ga a_ja_n v_a j_i
v_a t_a j_i.>>

⁷ Te u_za g_a k_a m_i k_a a_nu_ng a_sa_l a_gə_la_n. N d_ər
t_e n ya a_ch_e k_a i_zə_r a_ka_ms_əl_ang.

⁸ Te u_za l_a á m_i p_a, <<Á ya a_nə_m, b_ok i_zə_r
a_ka_ms_əl_ang v_a t_a.>> K_ang m b_ok i_zə_r a_ka_ms_əl_ang
t_e n ya a_nu_ng a_sa_l.

⁹ Te u_za l_a á m_i p_a, <<T_ar n_a u d_ər o_ga i_ya_m i_ga
n_nə_m a_ja_n v_a o_za k_a n_nə_nə_m k_a t_a.>>

¹⁰ N t_ar t_e n ya a_la_ka_n o_ga i_ya_m i_ga n_kp_ang k_a
a_fu, k_a i_zh_é i_ga a_ja_n k_a n_kp_ak_ta_k o_ga i_ch_èr i_ga
n_zh_i o_Is_ar_il_a g_ang i_zə_r a_ka_ms_əl_ang v_a t_a.

¹¹ K_ang o_nə_mg_ba_k o_Is_ar_il_a i_sə_m p_a i_fa_ng_sh_at
o_ma y_a t_ong k_a m_py_al o_za. U_ja_za_ni_ya u_ya
a_Sh_af_an u_wa y_a t_al k_a i_sh_im_sh_e o_za. U_da_ng_go t_e
u_wa k_a a_su a_ga n_sh_i n_jəng n_ch_ang_ch_ang k_a a_wo.
K_ang n_gg_u n_jəng n_nəng_nəng n_ch_ang_ch_ang v_a t_a
w_ong g_a a_pa_l.

¹² Te u_za l_a á m_i p_a, <<Á ya a_nə_m, u ya i_ya_m
v_a y_a o_nə_mg_ba_k o_Is_ar_il_a k_a n_nə_nə_m k_a a_sh_e a_ta_k

akpárkpàr dò? Udanggo ka ashe nzhi ìchər wò. Oza i là pa, <UYawe kà òya yi kat, uYawe yáng chit ká mbin va ta.> >>

¹³ Uza là á mi kàdí pa, <<Bu ga òya oga iyam iga ajan va ji iva ta ji oza ka nnənəm.>>

¹⁴ Te uza ga ká mi ka anung asal aga asal mpal aga nzhi aYawe, kang n ya ochar təm ka ta ka òyóng ikú áTammut.

¹⁵ Te uza là á mi pa, <<Á ya anəm, u ya iyam va ta ya dò? Kàdí te bu ga òya oga iyam iga ajan va ji iva ta ji.>>

¹⁶ Te uza ga ká mi ka agəlan aga ashe aga nzhi aYawe. Kang ka anung asal aga ntar nzhi aYawe, ka ishimshe anung asal nzhi aYawe ka atak nshi iyam awop, ka ta onəm isəm pa iparəm aman pa tukun, oza na asal nsəm n̄zhi aYawe, kang oga asal awú oza ga asal nfa alum, oza i wop alum i dər asal nfa alum ká.

¹⁷ Te uza là á mi pa, <<Á ya anəm, u ya nva ta ya dò? A nyám ɗak pa ka nzhi oYahudi te, nnəm iyam iga ajan a sat iyam ro kat, oza yəl mbin va ta ká irishi, kang oza ka nnak igwak mi pa a làk dò? Dər, oza i shap alur oza ka mpyal mi.

¹⁸ Ká nnà te, mi nyám nlak igwak, mi re kat, mi nəm adər kat, káp ká ayóng oza ka chwang mi te, mi yà ká nfe oza kat.>>

9

Asal va mí ga ngbáng onəm oga nnəm mpal

¹ Te n fe na ka nwór awór ká ichu pa gbángbáng, là pa, <<O səng o ba dat, mmawó onəm oga

nnyám ntàn oga ìtong va ta. Udanggo a yar iyam abang wò ka awó.>>

² Ka ta te onəm fa pa okpađing ka anung asal aga ndər asal mpal. Udanggo ká iyam abang aga ngbaḷ unəm ka awó. Kang unəm uro wa yà taḷ nzəng ka oza á pa ìlukwan alinin, nzəng ka iyam iga nlir iyam ka ngbak wò. Kang oza táng tong ka ngbak atak nshì iyam awop aga acham arəzang.

³ Kang ìzhàn Inan oIsarila wong re atak ntəm wò ka apal akerup, á ga təm ka anung asal aga ntar nzhi Inan. Te uza wór unəm va pa ìlukwan alinin, uva ka iyam iga nlir iyam ka ngbak á.

⁴ Te uYawe là á na pa, <<Tar ka ashe ìtong aUrushelima, te nak iyam iro iga nnyám nnap ka isu nkpaktak onəm va ka òyóng ka apal ndaktak ka iyam iga ajan va mmá ka nnənəm ka ashe ìtong va ta.>>

⁵ Te n fe uza là ôga okpađing pa, <<O wà nvəvəng, o táng ka ashe ìtong, o gbáng, kang o re kaṭ, kang o nəm adər kaṭ.

⁶ O gbáng onəmgbak, ka ovannzam, ka ovan byen, ka ovanbwakan, ka ochar. Kang o dok onəm va ká iyam iga nnyám nnap kaṭ. Te o bàn ka ashe nzhi mi.>> Te oza bàn ka onəmgbak oga mpyal nzhi Inan.

⁷ Te uza là ôza pa, <<O vyap nzhi va ta, kang ó yəl agəlan ka oga akúm. O ga.>> Te oza ga bàn ngbáng onəm ka ashe ìtong.

⁸ Nva oza ma ka ngbáng onəm, kang mmami na n re byet, te n ru n zəp ka afu, kang n yéng pa gbánggbáng, n là pa, <<O'o aNəm uga nzhi

uYawe, bu ga nzhì nkpaktak abo oIsarila, kakul nlak igwak bu ka apal aUrushelima dò?>>

⁹ Te uza là á mi pa, <<Nnap mbángbang oIsarila ka oYahudi mak chit. Ntar nchër mak chit ka mbin, kang itong va ta yà ká nnandër lap kat. Kakul oza là pa, <UYawe kap ká mbin va ta chit, uYawe ka nya yi lap kat.>

¹⁰ Kakul nva ta te iwu mi i re kat, mi nèm ador kat, mi mwa akèkat ôza i mal ka nnap nnèm va oza nèm.>>

¹¹ Te unèm va pa ilukwan alinin ka iyam iga nlir iyam ka ngbak wò, le ba ka nnap-nlà pa, <<N nèm chit wa nva u là á mi.>>

10

Ìzhàn aPonzhinan kap ka nzhi Inan nchum-chum

¹ N dər igəlan va ka apal ishi oga akerup, te n ya iyam iro fa izər ka itok iponzhi iva mmá nèm ka ipáng asapir ka apal igəlan.

² Te uza là ûnèm va pa ilukwan alinin pa, <<Ga ka ishimshe ikan ajwar va ka akum akerup, te yəl awo bu ka amor apər va ka ishimshe oga akerup, kang bu lyangshin ka apal itong va ta.>> Te uza ga kà iwu mi.

³ Te oga akerup oma ka tong ka ngbak ka asal nkwandal nzhi, awalang va unèm va ta tar. Te, ilulu gang agəlan aga ashe.

⁴ Te ìzhàn aYawe wong ka atak oga akerup ga anung asal nzhi Inan, te ilulu gang nzhi, kang atak aghanghan aga ìzhàn aYawe gang agəlan.

⁵ Te mmá fe nnáp alyang oga akerup va ta ka agəlan aga agbai wa ichu Inan iChumchum awalang va uza i là nnap á.

⁶ Nva uza là ûnəm va pa ilukwan alinin pa, <<Kpak amor apər ka ishimshe oga ikan ajwar va ka ishimshe oga akerup,>> te uza ga sat ka ngbak ikan ajwar iro.

⁷ Te akerup yichi awó wò ka ishimshe oga akerup ga ka atak apər va ka ishimshe oga akerup va ta, á kpak apər va ta, a nak ka ashe awó anəm va pa ilukwan alinin á. Te uza kam kang à fa agbai.

⁸ Ka avəng oga alyang akerup va ta te, iyam iro na yà wa awó anəm.

⁹ N dər te n ya oga ikan ajwar pa ineding ka ngbak oga akerup va ta. Nza akerup nggo te nna yà ikan ajwar pa izəng ka ngbak wò. Kang oga ikan ajwar va ta məlam wa apir ipáng iga mbwai.

¹⁰ Nkpaktak oza nfa izər oza iyam zəngtəng, wa ikan ajwar ka ashe ikan ajwar.

¹¹ Oza i wong nchen te, oza i chen ká nza ngbak nggo, nkpak pa oza a gaban kang kat. Isu va pa kpaktak ikan ajwar iga mpyal i wòl, te abo aga aro i wòl ka ta na kpa, nkpak pa oza a gaban kang kat.

¹² Iwú gang nkpaktak izər oza, ka asəm, ka awo, ka oga alyang oza, wa nva nkpaktak oga ikan ajwar aga aneding va ka á.

¹³ N fe mmá wór oga ikan ajwar va ta pa ikan ajwar nvivil.

¹⁴ Nza akerup nggo ka asal awu pa neding. Asal awu aga nggəshi te aji akerup, asal awu aga aparəm te aji anəm, asal awu aga ashatding te aji ilir, asal awu aga aneding nnyi te aji nkumànggap.

¹⁵ Oga akerup va ta wong ka apal. Oza mà oga iyam iga iriri pa ineding va ka n ya ka anung awang aKeb̄ar.

¹⁶ Awalang va oga akerup va ta i ga te, oga ikan ajwar va ta i ga nzəng ka oza. Awalang va oza i wong ka oga alyang pa na o wong ka mbin ô ga apal te, oga ikan ajwar va ta i re oza kat.

¹⁷ Awalang va oza i tong pa kwák, te oga ikan ajwar va ta i tong pa kwák kpa. A yà pa oza wong ka apal, te oga ikan ajwar va ta i wong nzəng ka oza kpa, kakul aruhu iyam iga iriri va ta nna yà ka ashe oga ikan ajwar va ta.

¹⁸ Te izhàn aYawe wong fa ka anung asal aga nzhi Inan, a ba sat ka apal oga akerup va ta.

¹⁹ Kang oga akerup va ta ghap oga alyang oza, oza wong ka mbin, oza wong ga apal ka iwu mi, ka oga ikan ajwar kà ngbak oza. Te oza ga tong ka anung asal aga ndər nfa alum aga nzhi aYawe, kang izhàn Inan oIsarila na ka apal oza.

²⁰ Oga iyam iga iriri va ta ka n ya ka avəng Inan oIsarila ka anung awang aKeb̄ar, te n nyi pa oza oga akerup.

²¹ Nza uzəngtəng nggo ka asal awu pa neding, ka alyang pa neding. Kang oga awó wa aji anəmləbər ka avəng oga alyang oza.

²² Kang asal awu oza fa izər ka oga asal awu va ka n ya ka anung awang aKeb̄ar. Nza uzəngtəng oza nggo kpán asal nzwang.

11

Onəm oga mpyal obángbāng ka aUrushelima

¹ Te aRuhu ghap mi ga apal, kang á ba ka mi ka anung asal nzhi aYawe va dər asal nfa alum. Te n ya onəm isəm pa iparəm aman pa tukun ka anung asal va ta. Kang n ya uYazaniya uya aZur, ka uPelatiya uya aBenaiya, onəm oga mpyal.

² Te uza là á mi pa, <<Á ya anəm, onəm va ta oma onəm oga nggwai iyam ibángbang, oma onəm oga nna ichən ibángbang ka ashe itong.

³ Ova là pa, <Awalang aga mme oga nzhi na achu chit kat. Itong va ta ngbət, kang mmayi na izhé.>

⁴ Ka kul nva ta te, là anung abángbang ka apal oza, là anung á ya anəm.>>

⁵ Te aRuhu aYawe vang ka apal mi, kang á là á mi pa, n là pa, <<Iyam va ta uYawe á là, nrəng nnap wó na ta, mmawó onəm oIsarila. Ka kul n nyi iyam va nyi ka ashe igwák wó.

⁶ O gbáng nggatək chit ka itong va ta, kang o yəl oga asal chit ka akúm.>>

⁷ <<Ka kul nva ta te, uNəm uga nzhi uYawe là pa, oga akúm va ó pəl ka ashe itong va ta, te oma izhé va ta, kang itong va ta i yà ngbət, nnyi te mi ga nfa ka wó ka ashishe.

⁸ Ayər nəm wó ka kul ndokchi, te mmami ka ngga mba ká ndokchi ka apal wó, uYawe uwà là.

⁹ Kang mi ga nfa ka wó ka ashe itong va ta, mi na wó ka awó onəmchən, mi pa akwali a wó.

¹⁰ Mí gbáng wó ka ndokchi. Kang mi pa akwali a wó ka aswari mbin oIsarila, nna chit te o nyi pa mmami na uYawe.

¹¹ Itong va ta i yà ngbət a wó kat, mmawó nnyi te ó yà ka ǹyà izhé ka ashishe kat. Nnyi te mi pa

akwali a wó ka aswari mbin oIsarila.

¹² Te ó nyi đak pa mmami na uYawe, kakul ó kpak oga nnap mpakpak ka oga nnap nkpakpak mi kať, kađor nva ta te ó kpak oga nnap nkpakpak oga aboshi mbin va gáng wó á.>>

¹³ Ka awalang va mmami ka nlà nnap va i ga nfa te, uPelatiya uya aBenaiya kú. Te n ru, n zəp ka afu, n tul ayəng pa gbəngbəng, n là pa, <<O'o aNəm uga nzhi uYawe, bu gbəng abo onəm oIsarila i kùr pa chatchat dò?>>

UYawe yar nsar nnap ôIsarila

¹⁴ Kang uYawe là nnap ká mi pa,

¹⁵ <<Á ya anəm, ogənanəg bu, ka onal bu, ka onəm bu, ka nkpaktak onəm ga nzhi oIsarila va kà ntəm ka ashe aUrushelima là pa, <Ó gbəng ká uYawe, mbin va ta mmá na mmayi.>

¹⁶ <<Kakul nva ta te, là pa, <UNəm uga nzhi uYawe là pa, káp ka nva pa n ga ka oza pa gbəngbəng ka ashe oga mbin kang n lyangshin oza ka ashe mbín nro te, ká nnà te na n tal nya nzhi Inan ka atak oza ka apal awalang pa đap ka ashe mbín va oza ga á.>

¹⁷ <<Kakul nva ta te, là pa, <UNəm uga nzhi uYawe là pa, mi ga mbut wó ka ashe onəm ka mbín va n lyangshin wó kà, te mi na mbin oIsarila a wó.>

¹⁸ <<Ka awalang va oza i le ashe mbin va ta te, oza i fa ka nkpaktak iyam va nak mbin va ta vyap, ka nkpaktak iyam oga ajan va ka ashishe.

¹⁹ Kang mi na igwak ôza pa izəng, mi nak aRuhu apipyə ka ashe oza. Mi tur igwak ipáng ka ashe oza, te mi na igwak ilukutlukut ôza,

²⁰ ka_kul na oza á kpak oga nnap mpakpak ka oga nnap nkpakpak mi, oza á nəm inok ká. Oza i tong onəm mi, kang mi yà Inan oza.

²¹ Te oro va igwak oza gaḅan ga ka nnəm oga iyaḡ iga adak ka ajan te, mi mwa akəkat ôza i mal dakdak ka nnap nnəm oza. UNəm uga nzhi uYawe à là.>>

²² Te oga akerup ghap oga alyang oza nzəng ka oga ikan ajwar va ka ngbak oza, kang izhàn Inan oIsarila iya yà ka apal oza.

²³ Te izhàn aYawe wong fa re itong ga sat ka apal abam va ka gbai itong ka asal nfa alum.

²⁴ Te aRuhu yar mi ka ashe alár, ba ká mi ka aKaldiya ka atak ozwal. Nna chit te alár va n ya te á kap ká mi.

²⁵ Te n là ôzwal nkpaktak iyaḡ va uYawe nyám á mi.

12

Nnyám ipir nnap ká ngga izwal

¹ UYawe là nnap ká mi pa,

² <<Á ya anəm, mmaḅu ka ntəm ka ishimshe onəm oga nfa iyaḡkak, va ka iwú iga nya atak, ká nnà te oza i ya kaṭ, oma ka achwang aga nfe nnap, ká nnà te oza fe kaṭ, ka_kul oza onəm oga nfa iyaḡkak.

³ <<Ka_kul nva ta te, á ya anəm, ḁamshi iyaḡ achen bu ka_kul ngga izwal, te ga ká alum ka iwu oza. Bu ga wa azwal, bu re atak bu, bu ga atak ro ka iwu oza, mwote aghan a ga oza, káp ka nva oza onəm oga nfa iyaḡkak.

⁴ Bu fa ka iyam achen bu ka alum ka iwu oza, wa iyam achen aga ngga izwal, kang bu ga ka arurong ka iwu oza, te ga wa ngga izwal.

⁵ Bu tul izər nzhi ka iwu oza, te bu fa ka mbubol.

⁶ Ka iwu oza bu yar iyam achen, bu nak ka gar bu, bu ga ka ya atak kpār chit. Bu gún asal awu bu, le kang wa ya mbin va ta kat, kakul n nak bu chit iyam iga nyám ipir nnàp n̄zhi aIsarila.>>

⁷ Te n nəm wa nva mmá là á mi. N fa ka iyam achen mi ka alum, wa iyam achen aga ngga izwal. Ka arurong te n tul izər nzhi ka awó mi. Te n fa ka atak akpārkpār ka iyam achen mi ka agar ka iwu oza.

⁸ Ká ipin te uYawe là nnap ká mi pa,

⁹ <<Á ya anəm, nzhi àIsarila ngga nfa iyamkak bəp bu pa, <Iza bu nəm yà?>

¹⁰ <<Là ôza pa, uNəm uga nzhi uYawe là pa, <Nnap nlà va ta yar unəm uga mpyal aUrushe-lima ka nkpaktak onəm oIsarila va ka ashishe.>

¹¹ Là ôza pa, <Mmami iyam iga nnyám ipir nnap ka atak wó.>

<<Wa nva n nəm te, wa nnà ta mí nəm ka oza, oza i ga izwal.

¹² Unəm uga mpyal uZedekiya va ka ashe oza te, i yar iyam achen wò, i nak ka agar wò, i fa ka atak akpārkpār. Oza i tul izər akamsəlang á na i fa ka. Uza i gún asal awu wò, le kang uza á ya mbin va ta ká iwu wò kat.

¹³ Mi mang icha mi á na, mi kpán na. Mi ga ka na ka aBabel, ka mbin oKaldi ka nna kpa te uza i ya mbin va ta kat, kang uza i ga nkú ka ta.

¹⁴ Mi lyangshin nkpaktak onəm oga nkamshishi ka nkpaktak oshozhashozha va gáng

na ka ayér kà nza asal awu nggo. Mi tur ndokchi mi bak nvaṅg oza.

¹⁵ <<Ka nvaṅg va mi lyangshin oza ka ashe mbín ka apambin, te oza i nyi pa mmami na uYawe.

¹⁶ Te mi re ka ashe oza pa dap i lár ka atak ndokchi, ka ayang ka arwa abángbang kakul na oza a pwa nkpaktak oga ajan va oza nèm ka ashe onèm, ka atak va oza ga kà. Te oza i nyi pa mmami na uYawe.>>

¹⁷ Te uYawe là nnap ká mi pa,

¹⁸ <<Á ya anèm, ri iyam-nrì bu ka ntán izèr, wá ndəng bu ka nggam ka ayèr.

¹⁹ Là ônèm oga mbin va ta pa, uNèm uga nzhi uYawe là pa, <Onèm oga aUrushelima ka mbin aIsarila, oza i ri iyam-nrì oza ka ntán izèr, oza i wá ndəng oza ka ayèr. Kang mbin oza i ra agúng, kakul irishì nkpaktak onèm oga ntəm ka ashishe.

²⁰ Oga ítong va mmá ka ntəm ka ashishe, te i ra agúng, mbin va ta i təm atak alakchi. Te oza i nyi pa mmami na uYawe.> >>

Ntar achu va mmá nyinyi ka nnap-nlà nrwarwa

²¹ Te uYawe là nnap ka mi pa,

²² <<Á ya anèm, ntar achu va mí là ka ashe mbin aIsarila pa, <Oga nra ka ngga, kang alár aro yà yél kat, te iza yà?>

²³ Là ôza pa, <UNèm uga nzhi uYawe là pa, ò ga nnap ntar achu va ta i kùr, kang mí là ntar achu va ta ka ashe aIsarila lap kat.> Là ôza pa oga nra rwam chit nva nza alár nggo i yél.

²⁴ Kakul alár aga nlàm atak ká ivak i yà ka ashe nzhi aIsarila lap kat.

²⁵ Ka₁kul mmami, uYawe, mi ga nlà nnap, kang nnap-nlà va₁ mi là te i ga òyél, i gbàng nva₁ng kat. Ka₁ ashe oga nra wó, á nzhi ngga nfa iyam₁kak, mi là kang mi nak i yél, mmami, uNəm uga nzhi uYawe, n là.>>

²⁶ UYawe là nnap ká mi kàdī pa,

²⁷ <<Á ya anəm, dər, onəm oga aIsarila kà nlà pa, <Alár va₁ uza₁ kà òyiya te aga nra va nna bur nggbəgbàng ka₁ mpyal, kà nlà iyam₁ va i ga nfa nna nggbəgbàng.>

²⁸ <<Kakul nva₁ ta te là ôza₁ pa, uNəm uga nzhi uYawe là pa, nnap-nlà wò nro yà i kali lap kat, iyam₁ va ò là te i yél, uNəm uga nzhi uYawe à là.>>

13

Mmá vyap onəm oga nlà ichu Inan oga akwam

¹ Te uYawe là nnap ká mi pa,

² <<Á ya anəm, là ichu ka₁ apal onəm oga nlà ichu Inan ka₁ aIsarila, ova i là iyam₁ va i ga nfa iga ògwak oza. Là pa, <Ó fe nnap-nlà aYawe.

³ UYawe là pa, á lak ká wó chit, onəm oga nlà ichu Inan oga mpərək, ova i nəm nnap ngga ògwak oza, ká nnà te oza₁ ya alár aro kat.

⁴ ÓIsarila, onəm oga nlà ichu Inan wó wa oga ncham ka₁ ashe agúng alakchi.

⁵ Ó wong ó ga pa₁ ó dāmshi atak va₁ akamsəlang shin kà kat, ó le ó me akamsəlang nzhi aIsarila kakul pa₁ na á tal₁ ka₁ ashe nra ikum ka₁ ilum aYawe kat.

⁶ Oza₁ ya alár aga akwam, kang oza₁ i vak₁ ivak₁ iga akwam, oza₁ là pa, <<uYawe là pa,>> nnyi te

uYawe à re ozạ kaṭ, káp ká nnà te ozạ nak ìgwak pạ nnap-nlà wó i ga òyél.

⁷ Alár aga akwam ó ya, kang ó nəm ivaḵ iga akwam. Ó là pa, <<uYawe à là,>> kap kạ nvạ pạ mmami uYawe, n là kaṭ á.

⁸ << <Iyaṃ va tạ uNəm uga nzhi uYawe là ôzạ. Á là pa, ó là nnap nlakchi, kang ó nəm ivaḵ iga akwam. Kaḵul nvạ ta te, mi nəm ìkum kạ wó, mmami, uNəm uga nzhi uYawe, n là.

⁹ Awó mi i ga nnəm ìkum kạ onəm oga nlà ichu Inan ova i ya alár aga akwam, kang ozạ i nəm ivaḵ iga akwam. Ozạ i yà ká ntəm kạ ashe onəm mi kaṭ, mí yà ká nlir ozạ kạ ashe nlir nzhi aIsarila kaṭ, ozạ i yà ká ntar kạ ashe mbin aIsarila kaṭ. Kang ó nyi pạ mmami na uNəm uga nzhi uYawe.

¹⁰ << <Iyaṃ va tạ i yà kaḵul ozạ zwar onəm mi chit, ozạ kạ nlà pa, <<Ikángkáng,>> káp kạ nvạ pạ ikángkáng yà kaṭ, kạ nvaṅ vạ onəm me akamsəlang akamkam kaṭ, te onəm oga nlà ichu Inan va tạ i bəl na ká ipang ìləfər.

¹¹ Là onəm vạ kạ bəl akamsəlang vạ ta ká ipang ìləfər pạ i ga nshin. Mí ga mpəng ivaṛ kạ adədal kạ òyər ivaṛ nkamkam i dan na i ru.

¹² Kang kạ awalang vạ akamsəlang vạ ta i shin, te onəm i là pa, <<Izạ ya ipang ìləfər vạ ó bəl yà? >>

¹³ << <Kaḵul nvạ ta te mmami, uNəm uga nzhi uYawe n là pa, <<Kạ ashe nraṃ kạ nlak ìgwak mi, mi nak òyər ivaṛ nkamkam kạ adədal i shin akamsəlang vạ ó bəl kạ ipang ìləfər á.

¹⁴ Kang mi shin akamsəlang vạ ó bəl kạ ipang ìləfər, i ga i chu mbin, na mmá ya mbəbang. Kạ

awalang va i ru, te ó zhì ka ishimsheshimshe. Te ó nyi dak pa mmami na uYawe.

¹⁵ Ka asal va ta mi ga nnyám nlak igwak mi ka apal akamselang va ta ka onəm va bəl na ká ipang iləfər á. Te mmami ka nlà a bu pa, akamselang ka onəm oga mbəbəl yà lap kaṭ.

¹⁶ Onəm va ta ka là ichu Inan áYərushalem pa, ó ya alár aga ikánkáng ka apal ishishi, káp ká nnà te ikánkáng yà kaṭ. Mmami, unəm uga nzhi uYawe, n là.>> >

¹⁷ <<Nyangmata, á ya anəm, nak ishi ka ochar onəm bu, ova ka nlà ichu Inan ka apal iyam va i ga nfa iga igwak oza á. Là ichu ka apal oza,

¹⁸ là pa, uNəm uga nzhi uYawe là pa, á lak ka ochar oga ndán oga alai i mwak ka igwal kang i gún ishi nza apir anəm nggo, kakul nram oga irirì. O ram irirì onəm mi, kang o gar irirì iji wó dò?

¹⁹ O dak adin mi ka ashe onəm mi, kakul ibəshi ka iyam-nrì pa dap. Mmawo ka ngbáng irirì va mal pa á kú kaṭ, kang mmawó ka nggar irirì va mal pa á lár kaṭ, ka atak nnáp oga akwam onəm mi, va ka nggong achwang ka.

²⁰ <<Kakul nva ta te, unəm uga nzhi uYawe, là pa, mmami ka mmən ikum ka apal oga alai wó va mmawó ka nram irirì onəm ká wa inyil á. Mi pang oza i le ka awó wó, kang mi re oga irirì va o ram i fa i ga ka ikánkáng wa oga inyil va ka ashe nkuk.

²¹ Mi cha oga iyam iga nggún ishi wó iwang-wang kpa, kang mi kamshi onəm mi ka ashe awó wó, oza i yà ka ntong iyam-nrì ka ashe awó wó lap kaṭ. Te ó nyi dak pa mmami na uYawe.

²² Kakul akwam ó nak ìgwak anəm nənən lak, káp ka nva pa mmami n nak igugwak lak kat. Kang ó na nkam irəng ûnəm uga nnəm íbángbàng, le kang uza á gabañ ka atak íbángbàng uza á ya irirì kat.

²³ Kakul nva ta te ó yà ka ñya alár aga akwam lap kat, ó nəm ivak lap kat. Mi kamshi onəm mi ka ashe awó wó. Nna chit te ó nyi ñak pa mmami na uYawe.>>

14

UYawe vyap ngwop ichər ka aIsarila

¹ Kang onəmgbak oIsarila oro ba ka atak mi, təm ka mpyal mi.

² Te uYawe là nnap ká mi pa,

³ <<Á ya anəm, onəm va ta na ìgwak oza chit ka ngwop ichər, oza nak iyam íbángbàng iga nləp ífang oza chit ka mpyal, te mi məman ôza pa oza á bəp nnap-nlà ka atak mi dō?

⁴ Nyangmata là ôza pa, <UNəm uga nzhi uYawe là pa, nkpaktak unəm uga aIsarila va nak oga ichər ka ìgwak wò, kang a nak iyam íbángbàng iga nləp ífang ka mpyal wò, kang a ba atak anəm uga nlà ichu Inan te, mmami uYawe mi na aman ûnəm va ba i mal ka atak ñyél oga ichichər.

⁵ Mi nəm pa na n kpán ìgwak nzhi aIsarila, kakul nkpaktak oza kap ká mi chit ka atak oga ichər oza.>

⁶ <<Kakul nva ta te là n̄zhi àIsarila pa, <UYawe là pa, ó gabañ ó re nnap mbángbàng, ó kap ka oga ichər wó, ka nkpaktak oga iyam wó iga ajan.

⁷ << <Nkpaktak unəm vā uga aIsarila, ka nkpaktak unəm uchən vā ka ntəm inəmchən ka ashe aIsarila, uva kap ká mi, kang á fəkchi ichər wò ka igwak, kang á nak iyām iga nləp ifang ka mpyal wò, kang i ba i bəp ichən mi ka atak anəm uga nlà ichu Inan te, mmami uYawe mi na aman á na ka ishi mi.

⁸ Mi mən ikum ka unəm vā ta, mi nak na uza i sat iyām iga nnyám ipir nnap, ká iyām iga nnáp nsal. Mi fa ka na ka ashe onəm mi, te o nyi pa mmami na uYawe.

⁹ << <A yà pa mmá ma unəm uga nlà ichu Inan vā ta, uza là nnap, mmami uYawe m ma na, te mi yichi awó mi ka apal ishishi, mi mən ikum ka na, mi zhì na ka ashe onəm mi oIsarila.

¹⁰ Oza i yar nsur ibángbang oza, ibángbang anəm uga nlà ichu vā ta, ka ibángbang anəm uga mba ka atak anəm uga nlà ichu Inan vā ta, i yà iyām izəngtəng.

¹¹ Te nzhi àIsarila i gaban asəm á mi lap kat, kat te oza a vyap ishi oza ka atak nkpaktak mpat oza lap kat. Te oza i təm onəm mi, mmami nnyi te mi yà Inan oza, uNəm uga nzhi uYawe à là.> >>

Akwali Inan ka apal aUrushelima

¹² Kang uYawe là nnap ká mi pa,

¹³ <<Á ya anəm, awalang vā mbin nro a nəm mpat á mi ngga nlang nnandər, te mi nyám awó mi ka apal ishishi, mi zwan asəsal aga nya iyām-nrì, mi re nrè á na ká ayang, kang mi gbal unəmləbər ka na ká iyām nkang.

¹⁴ Kang a yà pa onəm oga oshatding vā ta, uN-uhu, ka uDaniyel, ká uAyuba oma yà ka ashishe te

mi kamshi irirì oza na byet, kakul nnap nnənan oza. UNəm uga nzhi uYawe à là.

¹⁵ <<A yà pà n nak oga izhé iga anyin táng ka ashe mbin va ta, oza vyap na tal agúng, te unəm i kúr ntar ka ashishe kat, kakul oga izhé iga anyin va ta,

¹⁶ te a yà pà onəm oga oshatding va ta oma ka ashishe te, mmami, uNəm uga nzhi uYawe Inan iga irirì, n là pà, oza i yà ka nkamshi ovan oza onungwan, kat te ovan oza ochar kat. Oza mà byet i lár, mbin va ta te i ra agúng.

¹⁷ <<Kat te a yà pà m ba ka ndokchi ka apambin va ta, kang n là pà, ndokchi á tar ka ashe mbin va ta, te mi gbaḷ unəmləbər ká iyam nkang,

¹⁸ te a yà pà onəm oga oshatding va ta oma yà ka ashishe te, mmami, unəm uga nzhi uYawe, Inan iga irirì, n là pà, oza i yà ká nkamshi ovan oza onungwan kat te ovan oza ochar kat, oza mà byet i lár.

¹⁹ <<Kat te a yà pà n re nrè ka arwa abángbang ka mbin va ta, n nyám nlak igwak mi ka ntar nchər, ka atak ngbaḷ unəmləbər ká iyam nkang,

²⁰ kang a yà pà uNuhu, ká uDaniyel, ká uAyuba oma a yà ka ashishe te, mmami, uNəm uga nzhi uYawe, Inan iga irirì, n là pà, oza i yà ká nkamshi ovan oza onungwan kat te ovan oza ochar kat. Oza i kamshi irirì oza na byet, kakul nnap nnənan oza.

²¹ <<Iyam va ta uNəm uga nzhi uYawe là, <I bang paḍi awalang va mi nap akwali arwarwa pa neding ka apal aUrushelima, aga ndokchi, ka ayang, ká izhé iga anyin, ká arwa abángbang, kakul pà na á gbaḷ unəmləbər ká iyam nkang.

²² A yà nnyi pa mmá gar oro ka ashe oza fa ka ovan oza onungwan ka ochar, te oza ba ka atak bu. Kang bu ya nnap nnəm oza te, bu nyi pa kpátkpát pa mbək anung va n na aUrushelima te anung amwang kaṭ.

²³ Kang igwak wó i sakam, awalang va ó ya nnap nnəm oza ka inok oza te, ó nyi pa iyam va n nəm ôza te anung amwang kaṭ, mmami, uNəm uga nzhi uYawe n là.> >>

15

Nnyám ìpir nnàp ká ìbàngbàng

¹ UYawe là nnap ká mi pa,

² <<Á ya anəm, ká iza ikún ìbàngbàng ji iga igwong ikún va ka ashe nzam yà?

³ Mí ya akun ya ka izər ìbàngbàng mí nəm inok ká dò? Mwote onəm i ya akun aga nzong iyam ya ka izəzər dò?

⁴ Dər, mí nak na ka ashe apər. Kà nvəngva apər ri na chit, te i byen kakul nnəm nza iyam lap yà?

⁵ Dər, ka awalang va ka yà pa dwot te á byen kakul inok iro kaṭ, jwak chit pa apər pwák na chit, te mí nəm inok iro nəm ká dò?

⁶ <<Kakul nva ta te, mmami, uNəm uga nzhi uYawe, n là pa, wa akun ìbàngbàng ka ashe oga akun va ka ashe nzam n nak á nyáng akun apər, te wa nnà ta mi na onəm oga ntəm ka ashe aUrushelima.

⁷ Kang mi mən ikum ká oza, káp ká nva pa oza fa ka ashe apər ká ikánkáng, ká nnà te apər i ri oza. Kang oza i nyi pa mmami na uYawe, ka awalang va mi mən ikum ka apal oza.

⁸ Kang mi nak mbin va ta i tøm agung, kakul oza nøm nnandər kat, mmami, uNøm uga nzhi uYawe n là.>>

16

aUrushelima wa achar umaimai

¹ UYawe là nnap ká mi kàđi pa,

² <<Á ya anøm, nak aUrushelima á nyi oga nnap nnøm wò ngga ajan,

³ là âYərushalem iyam va ta mmami uNøm uga nzhi uYawe, n là pa, <Amar bu ka akum ijili bu fa ka mbin aKanana, upo bu unøm uga aAmore, kang unang bu nnyi te uchar uga aHiti.

⁴ Nnap amar bu na ta, ka nda va mmá mar bu te, mmá pa igum a bu kat, mmá wór izər a bu ka ndəng na á nəl bu pa satsat kat, mmá gbák bu ka mmàn kat, mmá luk bu ka awá kat.

⁵ Unøm uro ya nkun bu kat, pa na ô nøm oga iyam iga nnyi nnap va ta a bu kat, mmá mandar bu ka agbai kakul u tal iyam iga nnøm ajan, ká nda va mmá mar bu á.

⁶ << <Ka awalang va n watar dat ká bu te n ya bu ka nlung izər ka ashe nchər bu, te n là a bu ka ashe nchər bu pa, <<Bu kú kat.>>

⁷ N nak bu u rup wa ipəpa ka ashe nzam. Te u rup u mak u fa mbyal, u nyáng uyen byen, akpap aga izər bu fa, káp ká nnà te mmaabu umaləng.

⁸ << <Ka awalang va mmami ka nwatar kàđi dat ká bu kang n dər bu, te n ya bu u chu awalang va chit pa mmá man bu, te n dāng bu ka ngbak ilukwan mi, n dāng imaləng a bu, n sóng anung a

bu, kang n yar nsar nnap-nlà ká bu, u sat ujem chit. Mmami, uNəm uga nzhi uYawe, n là.

⁹ << <Te n wòr izər a bu kà ndəng, n nàl nchər a bu, kang m bəl mmì a bu.

¹⁰ M pá ìlukwan a bu iga isham, kang m mwak akwap aga awá a bu. N ran adək a bu kà ngbat mbyenbyen, kang n dàng ishi a bu ká iyam ibyenbyen.

¹¹ N sham isham a bu, m mwak oga nkalbang a bu kà awo, ká ishuwa ishak kà ishak bu.

¹² M mwak nkalbang a bu kà alur ká iyam achwang kà chwang bu, kà atagya iponzhi abyenbyen kà ishi bu.

¹³ Wa nnà ta mmá sham bu kà aazurfa kà azənariya. Ìlukwan bu alinin abyenbyen ká iyam ibyenbyen va mmá sham isham ôzà. U ri mmaḱ nlukutlukut ká mmàl irizhe kà mmì. U byen byet u təm wa achar aponzhi.

¹⁴ U nəm adin kà ashe oga mbin kakul u byen byet, kà atak ibyen va n nak kà apal ishi bu. Mmami, uNəm uga nzhi uYawe, n là.

¹⁵ << <Te u dar nkàm kà ibyen bu, kang bu nəm mmai kà unəm va pà kpaktak kà nwatar, kakul adin bu aduldùl.

¹⁶ U wur oga ilukwan bu iro iga isham, u nəm oga nzhi awop ishi bu ká, nna chit te u nəm mmai kà ashe oza, apir iyam va nna mmá kà nəm chit kaṭ, kang nna wong mí nəm kaṭ.

¹⁷ U yar iyam bu iga nsham isham ibyenbyen kpa iga azənariya kà aazurfa va n na a bu, u nəm oga alakan atak arap onungwan kà kakul ishi bu, kang bu nəm mmai ká oza.

18 Kang u wur oga ilukwan bu iga nsham isham u dàngchi oza ka, te u nak mmì mi ka nturari nnéngnèng nchángchàng kà mpyal oza.

19 Kàdi te iyaṃ-nrì mi va n na a bu, mmaḱ nlukutlukut, kà mmì, kà mmàl irizhe va n kang bu ka, u nak kà mpyal oza iyaṃ inana inéngnèng ichángchàng, te wa nnà ta. Mmami, uNèm uga nzhi uYawe, n là.

20 << <Te u wur ovan bu onungwan kà ochar, va u mar á mi, u yichi oza iyaṃ ipápà ôza. Mmai bu pa dap dò?

21 U pa ovan mi, u nak oza kà ashe apər wa iyaṃ inana ôza.

22 Kà ashe nkpaktak nnèm iyaṃ iga ajan kà mmai bu, te u rəng kà nra bu ngga ivan kaṭ, kà awalang va nna u yà umaləng, bu lung izər kà ashe nchər bu.

23 << <Á lak kà bu chit, mmami, uNèm uga nzhi uYawe, n là. Kà nvaṅg nkpaktak iyaṃ ibáṅgbəng bu,

24 u me nzhi ichər îshi bu, kang u nèm oga atak awop îshi bu kà nza agəntəng nggo.

25 U me atak awop kà nza asal nggo. U lak ibyen bu chit, u bol imaləng bu údanggo va kà nwatar, á nak te mmai bu kà ngga mpyal.

26 U nèm mmai kà onèm oga aMasar, onèm oga ngbak nzhi bu oga adom mmai pa gənggəng. U bəshi igwak á mi chit, kakul u nak mmai bu ga mpyal.

27 Kakul nva ta te n yichi awo mi chit kà apal bu, n nak nnap nnənan bu chit yen, n na bu chit kà ashe awó okpa ikum bu oga nkwórtok, ovan

byen oFilisti ova fe ká ìwuswa ka_kul nnap nnəm bu mmaimai.

²⁸ U nəm mmai kpa ka onəm oAshur ka_kul á kur bu kať. U nəm mmai ka_oza, ka_nna kpa te á kur bu kať.

²⁹ U ga mpyal ka nnəm mmai bu ka oKaldi, mbin ngga nnəm iyap, ka_nna kpa te á kur bu kať.

³⁰ << <U òm nnəm mmai pađi, mmami, uNəm uga nzhi uYawe, n là, ka_kul u nəm nkpaktak oga iya_m va ta, nnap nnəm achar umaimai uga nlang ìwuswa.

³¹ U me oga nzhi ichèr ka nza ngbak asal nggo, u me oga atak awop íshi bu ka nza agèntèng nggo. Káp ká nnà te mmabu wa achar uga nnəm mmai kať, ka_kul nva_bu ka_m mbwai kať á.

³² << <Mmabu uchar uvyapvyap, uva i ra ka onəmchèn ka ador abar wò.

³³ Onungguan i na mbwai nkpaktak ochar oga nnəm mmai, nji bu te mmabu na bu na mbwai ònungguan oga nnəm mmai ká_bu, bu yáp onəm oga ngbak bu pa á ra ká_bu, ka_kul nnəm mmai bu.

³⁴ Ka ashe ochar oga nnəm mmai te u le pađi, ka_kul unəm uro ram bu ka_kul nnəm mmai kať, mí mwa bu kať. Mmabu na bu mwa oza, ka_kul nva_ta te u le pađi.

³⁵ << <Ka_kul nva_ta te, áchar uga mmai, fe nnap-nlà aYawe.

³⁶ Mmami, uNəm uga nzhi uYawe, n là pa, ìwuswa bu fa mbang chit, kang imalèng bu bol chit ka atak nnəm mmai ka onəm oga nnəm mmai bu kang ká nkpaktak oga ichèr bu iga ajan. Kang u na nchèr ovan bu ôza.

³⁷ Kakul nva ta te mi but nkpaktak onəm oga nnəm mmai ka bu, ova bu nəm nchang izər ka oza, nkpaktak ovəngva u man, ka oro va u man oza kat. Mi nak oza i nəm ikum ka bu ka nza ngbak nggo, kang mi bol imaləng bu ôza, na oza á ya nkpaktak imaləng bu.

³⁸ Mi nap akwali a bu wa nva mi nap akwali ôchar ovyapvyap ka ovəngva tar nchər. Ka ashe nfəl igwak mi ka ikpar mi, mi zhi bu.

³⁹ Mi na bu ka ashe awó oza, i shin kang i chwan oga nzhi içhər bu ka atak awop bu. Oza i zəp ilukwan bu, oza i vyat oga iyam isham bu, oza i re bu umaləng uləkchi.

⁴⁰ Oza i nok nggatək ka apal ishi bu, i kwan bu ka ipang, kang i nyat bu pa nyimənnymən ka ndokchi oza.

⁴¹ Oza i pwak nzhi bu, oza i pa akwali a bu ka mpyal ochar pa kyak. Te mi nak bu, bu re nnəm mmai ka mmwa mbwai ônəm oga nnəm mmai ka bu.

⁴² Te mmən ikum mi ka apal bu i sakam, ikpar mi ka apal bu i kùr. Igwak mi i fər, i ram mi lap kat.

⁴³ << <Kakul u rəng ka nra ivan nzam bu kat, u lak igwak á mi ka oga iyam va ta, kakul nva ta te mi pyat akəkat a bu i mal ka nnap nnəm bu, uNəm uga nzhi uYawe à là. U nəm mmai ka oga nnap nnəm ngga nnəm ajan kat dò?>

⁴⁴ << <Dər, nza unəm uga ntar achu nggo, i tar achu va ta ka apal bu, <<Wa nva unang te, uyen wa nnà ta kpa.>>

⁴⁵ Mmabu uya à nang bu uva yang ubar wò ka ovan wò. Mmabu ugənang ogənang bu ochar va

yang o_{ba}r o_{za} k_a o_{va}n o_{za}. Unang bu uchar uga aHiti, upo bu unəm oga aAmori.

⁴⁶ Ugə_{na}ng bu uyenchar unə_{ng}ba_k uwa aSa_{ma}riya uva ra k_a a_{sa}l m_{pa}l bu k_a o_{va}n wò ochar. Kang u_bwakan bu uyenchar uwa aSo_{do}m uva ra k_a n_kwandal bu n_zə_{ng} k_a o_{va}n wò ochar.

⁴⁷ U yar n_və_{ng} o_{za} k_a a_{she} n_nə_m oga i_{ya}m iga n_nə_m a_{ja}n na k_a n_ku_kwa k_at, k_a a_{she} a_{wa}la_{ng} p_ađ_ap, u v_{ya}p ji o_{za} ji k_a a_{she} n_kp_ak_ta_k n_{na}p n_nə_m o_{za}.

⁴⁸ N_va n_{na} n yà, uNə_m uga n_zhi uYawe n_la p_a, ugə_{na}ng bu uSo_{do}m k_a o_{va}n wò ochar á nə_m wa n_va m_{ma}bu k_a o_{va}n bu ochar nə_m k_at.

⁴⁹ << <Dər, m_{pa}t àSo_{do}m ugə_{na}ng bu uchar n_{na} ta, n_rup k_a i_{shi}, u_{za} k_a o_{va}n wò ochar o_{ma} yà k_a i_{ya}m-n_ri k_{ur} a_{ta}k k_{ur}, o_{za} tə_m k_a a_{she} a_{shi}k, o_{za} s_ap_an o_nə_m oga n_kun k_a o_nə_m o_{va} k_a a_{she} n_{la}ng k_at.

⁵⁰ O_{za} n_gok kang à nə_m i_{ya}m iga n_nə_m a_{ja}n k_a m_{py}al m_i, k_ak_{ul} n_va ta te n zə_p o_{za}, n_va n ya á.

⁵¹ ASa_{ma}riya nə_m n_{na}p m_bá_{ng}b_ang chu k_a a_{bo} n_{ji} bu k_at. Oga i_{ya}m iga n_nə_m a_{ja}n bu ga m_{py}al ji i_{ji} o_{za} ji. A nak ugə_{na}ng bu uchar yà wa a_nə_m u_nə_{na}n k_a a_{ta}k n_kp_ak_ta_k oga i_{ya}m iga n_nə_m a_{ja}n i_{va} u nə_m á.

⁵² Í_wuswa bu á tə_m á bu, k_ak_{ul} u nak ogə_{na}ng bu ochar yà wa o_nə_m o_nə_{na}n. K_ak_{ul} n_{na}p m_bá_{ng}b_ang bu n_va u nə_m te á nə_m a_{ja}n ji n_{ji} o_{za} ji, o_{za} yà o_nə_{na}n ji bu ji. Re í_wuswa bu á tə_m á bu, kang bu yar í_wuswa k_ak_{ul} n_{na}k ogə_{na}ng bu ochar ì yà wa o_nə_m o_nə_{na}n.

⁵³ << <Mi le k_a aSo_{do}m k_a o_və_{va}n ochar k_a aSa_{ma}riya k_a o_və_{va}n ochar wa n_va o_{za} k_a yà.

Kang mi le ká bu kpa wa nva ka u yà.

⁵⁴ Bu yar iwuswa kang iwuswa bu á tēm á bu ka atak nkpaktak iyam va u nēm á. U nak oza yà wa onēm onēnan.

⁵⁵ Kang ugənanang bu uchar, uSodom ká ovan wò ochar i le i yà wa nva oza ka yà matmat. Kang uSamariya ká ovan wò ochar i le i yà wa nva oza ka yà matmat. Kang mmabu ká ovan bu ochar o le o yà wa nva ka o yà matmat.

⁵⁶ Kang ugənanang bu uchar uSodom, uwà tal iyam iga ntar achu ka anung bu kà nra nfam bu kat dò?

⁵⁷ Nyangmata imaləng inga bu fa mbang chit kat dò? Kang u tal iyam iga mpwatmpwat chit ka atak ochar oga aSuriya ká nkpaktak oro va gáng na, ka ochar oga aFilisti, ova kà nyen ká bu kà nza ngbak nggo á.

⁵⁸ Bu yar nsur mmai ká iyam iga nnēm ajan bu. UYawe à là.

⁵⁹ << <Iyam va ta uNēm uga nzhi uYawe là, mi nēm ká bu wa nva ka u nēm, mmabu va u nēm vyakshin ká nsóng anung ka atak mbəkchi nsar nnap-nlà.

⁶⁰ Ka nna kpa te, mi rəng ká nsar nnap-nlà mi ká bu ka ashe nra ivan nza bu, kang mi yar nsar nnap ká bu ngga mbyetmbyet.

⁶¹ Te bu rəng ká oga nnap nnēm bu kang iwuswa i nēm bu, nvaŋva n na ogənanang bu ochar á bu, onəmgbak ká obwakan, te mi na oza a bu i tēm ovan bu ochar, ká nnà te, ka apal nsar nnap-nlà mi ká bu kat.

⁶² Kang mi yar nsar nnap-nlà mi ká bu, te bu nyi pa mmami nà uYawe.

⁶³ Ka nvangva n yar nsur nkpaktak iyam va chit u nəm, te bu rəng kang iwuswa i nəm bu, i mat bu kà mbol anung, uNəm uga nzhi uYawe à là.> >>

17

Nnyám ìpir nnàp ká_oga nkumànggàp ká_ìkun ibàngbàng

¹ UYawe là nnap ká mi pa,

² << Á ya anəm, tar achu kang bu gba nnap n̄zhi àlsarila.

³ Là pa, <Iyam va ta uNəm uga nzhi uYawe là. Nnang nkumànggàp ká anang abasəm ká alyang awángwang aga nzam pa dongdong á ba aLebanon kang à gəl ìbilyang ìkun asida.

⁴ Á gəl ìtəngtəng ìbilyang ga ká ká mbin ìyap á ga yal ká ashe ìtong onəm oga nyáp iyap.

⁵ << <Te nkumànggàp va tutur ká ashe apir aga mbin va ta kang à bál ká mbin ndopdop. Á bál na ká atak oga ndəng mmákmak wa ìkun ìga anung awang.

⁶ Á tɛp lyan ká mbin nyáng ìnang ibàngbàng, ìgugwong gur ga ká atak nkumànggàp. Alələng vàng kpán mbin pa gənggəng, á nyáng ibàngbàng kang à chak igóng tɛp.

⁷ << <Nnang nkumànggàp nro fa ká anang abasəm ká alyang awángwang. Te ibàngbàng va ta gur oga aləng wò ga ká atətak kang à nak oga igóng wò ba atətak kakul pa na á na ndəng á na ká atak va mmá bál na ká.

⁸ Uza nəm pa káp ká nva mmá bál na ká mbin ndopdop ká atak oga ndəng mmakmak, na á chak igóng, á wár, kang ì yà ibàngbàng inənan á.>

9 <<UNəm uga nzhi uYawe là pa, <I ga mpyal ga dò? Nkumànggáp nggəshi va ta i zəp alələng, i tok awuwar, ibàngbàng i lwai, kang nkpaktak oga ntétəp mpipe i wom kat dò? Ká awó akamkam kat, kat te onəm pa makmak kang i zəp na ká alələng kat.

10 Nvəngva mí bál kàđi te i ga mpyal ga dò? Awalang va ayér aga asal nfa alum i vāng te i wom pa chatchat kat dò? I wom kà mbin va mmá bál kà.> >>

11 Te uYawe là á mi pa,

12 <<Bəp onəm oga nfa iyamkak va ta pa, <O nyi ipir oga iyam va ta kat dò?> Là ôza pa, <Uponzhi oga aBabel ga aUrushelima kang à kpán uponzhiponzhi ká onənəm ochumchum ga nzəng ká oza ka aBabel.

13 Te uza kpán uzəngtəng ka ashe onəm oga akum iponzhi, á nak na yar nsar nnap ká na ka atak nsóng anung. Uza wur onəm oga mbin oga atak nsat,

14 kakul na iponzhi iga mbin va ta á ru. Kang nsar nnap nləla i sat.

15 Unəm uga akum iponzhi va mmá ka kpán te á fa iyamkak ká uponzhi oga aBabel, á re nrè ká onəm ga mbin aMasar pa mmá na ipəri á wò ká oshozha pa makmak. Uza i nəm igwan nəm dò? Unəm va nəm oga iyam va ta i pətərpətər dò? Uza bəkchi nsar nnap-nlā, te i pətərpətər dó?

16 << <Nva nna n yà, uNəm uga nzhi uYawe à là, nkpak uponzhi va ta i kú ka aBabel kakul uza yél nsóng anung wò ká nsar nnap-nlā va uza yar ũponzhi uga aBabel va chəp na kat.

17 UFirona ká nggatək oshozha wò okamkam i kamshi na ká nlung ikum va ta kat, nva mmá ká anyán kang mmá me akamsəlang pa á gbáng onəm pa makmak.

18 Uza yəl nsóng anung wò kat ká atak mbəkchi nsar nnap-nlà. Dər, uza yar nsər nnap, kang uza nəm nkpaktak oga iyam va ta, uza i bar kat.

19 << <Kakul nva ta te iyam va ta uNəm uga nzhi uYawe là, nva nna n yà te, mi ram nsur nsóng anung mi va uza yen ká, ká nsər nnap-nlà mi va uza bəkchi.

20 Mi mang icha mi ká apəpal kang i kpán na, te mi ga ká na ká aBabel, ká ta mi pà akwali a na kakul uza fa iyamkak ká mi.

21 Nkpaktak oshozhashozha oyakyak mí gbáng oza ká ndokchi, mí lyangshin oro va re ká nza ayər nggo. Te ó nyi pa mmami na uYawe, n là.

22 << <Iyam va ta uNəm uga nzhi uYawe là. Mi gəl ibilyang ikun asida iwángwang ká ashe oga ivan igugong mi bál. Mi gəl ishishi ipipye va tər ji pa kpaktak mi bál ká aduktum va rup ji pa kpaktak.

23 Mi bál na ká apal itəngtəng aduktum aIsarila kakul na uza á chak igóng, uza á na awár uza á təl ikun asida ichumchum. Nza apir inyil iga abasəm nggo i təm ká avəvəng, oza i təm ká igugong.

24 Nkpaktak ikún iga ashe nzam i nyi pa mmami uYawe. Mi nak ináng ikún i tong ibwakan, mi nak ibwakan i tong inənanang, mi nak ikún iwuwu i wom, mi nak ikún iwomwom i ya iwuwu. Mmami uYawe, n là, kang mi nənəm.> >>

18

Unəm va nəm nnap mbángbang te uwà i kú

¹ UYawe là nnap ká mi kàđi pa,

² <<Iza mmawó ka nrərəng ka apal ntar achu
va ta ka apambin aIsarila, nna va pa,
<< <Opon ri awar ibangbang isamsam,
kang inyin kú ká ovan> yà?

³ <<Nva nna n yà mmami uYawe, n là pa, mí yà
ká ntar achu va ta ka ashe aIsarila lap kat.

⁴ Dər, nkpaktak iriri ijem, iriri apon ká ija ayen
pa kpaktak ijem. Unəm va nəm nnap mbángbang
te uwà i kú.

⁵ <<Uro te unəm unənan,
ka nnəm iyam va dakdak, məma.

⁶ Uza i ri iyam-nri ka nzhi ichər ka apal abam kat,
uza i wop ichər onəm oga aIsarila kat,
uza i ra ká uchar anəm uga ngbak nzhi wò kat,
uza i ra ká uchar ka walang va uza ka akpar
kat.

⁷ Unəm va i kar unəmro kat,
uva i lile ká iyam va uro na á na pa uza a kpán
a wò kang, kakul akat,
uva i vyat onəm kat,
unəm va i na iyam-nri na onəm va ka ashe
nlang,
uva i na ilukwan na unəm uga nkun.

⁸ Unəm va i na akat ka ndədəng,
kat te ka nram mmak nro ka apəpal kat,
uva i kwap awo wò ka atak nnəm iyam
ibángbang,
uza i van nnandər ka ishimshe onəm oga
ndap izər,

⁹ unəm va ka nkpak nnap mpakpak mi
kang ka nkpak oga nnap nkpakpak mi ka
nnandər,
te uza unəm unənan.

Nkpak uza i lár,
mmami uNəm uga nzhi uYawe, n là.

¹⁰ <<Te a yà pa uza mar uyen va ba ta unəm uga
nvyat onəm, uga ntar nchər, kat te uva ka nnəm
izəngtəng ka ashe oga iyam va ta,

¹¹ iva upupon nəm apipir kat.

<<Uza ka nri iyam-nri ka nzhi ichər ka apal abam,
uza ka nra ká uchar anəm uga ngbak nzhi wò.

¹² Uza ka nkar onəm oga nkun ká oga nlang.

Uza i vyat onəm.

Uza i le ká iyam va uro na á na pa uza á kpán a
wò kang, kakul akat kat.

Uza i wop ichər.

Uza i nəm iyam iga nnəm ajan.

¹³ Uza i na akat ka ndədəng, ka nram mmak ka
apəpal. Te uza i ləlár dō? Uza i lár kat. Kakul uza
nəm nkpaktak oga iyam iga nnəm ajan va ta nəm.
Uza i kú ikúku, nchìchər i le ûwà ka ishi.

¹⁴ <<Kang a yà pa unəm va ta mar uyen uva ya
nkpaktak oga mpat va ya upon wò nəm, káp ka
nva uza ya iyam va ya upon wò nəm, te uza nəm
pa jiwò kat.

¹⁵ <<Uza i ri iyam-nri ka nzhi ichər ka apal abam
kat,

uza i wop ichər onəm oga alsarila kat.

Uza i ra ká uchar anəm uga ngbak nzhi wò kat.

¹⁶ Uza i kar unəm uro kat,

uza i kam iyam iga nkpán ndàtdàt kakul akat
kat.

Uza i vyat onəm kat,

uza ka nna iyam-nrì na ônəm va ka ashe
nlang,

kang uza ka ndang imaləng ônəm omaləng.

¹⁷ Uza i kwap awo wò ka atak nna idumdum ônəm
oga nkun,

uza i na akat ká nram ndədəng mmákmak kà
kat.

Uza ka nkpak oga nnap mpakpak mi,

kang kà nchen ka ashe oga nnap nkpakpak
mi.

Uza i kú kakul mpat apon wò kat, uza i lár.

¹⁸ Upupon kar onəm, á vyat ugənanəg wò, á nəm
iyam iva byen kat ka ashe onəm wò, uza i kú ka
ashe mpat wò.

¹⁹ <<O bəp pa, <Iza nak kang uyen i yar nsur
mpat apon wò kat yà?> Nva uyen va ta kpak
nnap-akwali, á nəm iyam va məma, uza kpak
nkpaktak ndyáng mi pa dakdak, uza i lár.

²⁰ Unəm va nəm nnap mbángbāng te uwà i kú.
Uyen i yar nsur mpat apon wò kat, upon i yar
nsur mpat ayen wò kat. Inənan ənəm unənan i
təm ka apal ishishi, inga ənəm unga i təm ka apal
ishishi.

²¹ <<Kang a yà pa unəm unga i re nkpaktak
oga iyam ibángbāng wò va uza nəm, uza kpak
nkpaktak oga ndyáng mi, kang uza i nəm inənan
ká nnandər te, uza i lár, uza i kú kat.

²² Mí yà ka nrəng ká nkpaktak mpəpat va uza
nəm kat. Ka atak inənanənanənan va uza nəm te,
uza i lár.

23 N fe nchang ikú ánəm unga fe dò? UNəm uga nzhi uYawe à là. N dòm pa_ uza_ á gaḅaṇ á re nnap nnəm wò na uza_ á lár kaṭ dò?

24 <<Nvaṅva_ unəm unəṇaṇ i re nnəm iyaṃ inəṇaṇ wò kang i nəm ibáṅḅḅaṅ, te uza_ nəm nkpaṭtak iyaṃ iga nnəm ajan va_ unəm unga ka nnənəm te, uza_ i ləlár dò? Nkpaṭtak oga nnap nnənəm nnəṇaṇ va_ uza_ nəm te mí rəṅg ká oza_ lap kaṭ. Uza_ nəm nnandər kaṭ, te uza_ i kú ka_ ashe oga nnap mbáṅḅḅaṅ va uza_ nəm.

25 <<Ká nnà te o la pa, <Asa_ áPonzhi Inan dakdak kaṭ.> Kusuk, o fe á nzhi aIsarila, asa_ mi dakdak kaṭ dó? Asa_ wó na dakdak kaṭ, kaṭ dò?

26 A yà pa_ unəm unəṇaṇ re nnəm iyaṃ inəṇaṇ wò, kang à nəm iyaṃ ibáṅḅḅaṅ, te uza_ i kú ka_ ashe oza_. Uza_ i kú ka_ ashe iyaṃ ibáṅḅḅaṅ va uza_ nəm.

27 Kang a yà pa_ unəm unga re iyaṃ inga wò va uza_ ka_ nəm, kang à nəm inəṇaṇ ká nnandər, te uza_ i gár irirì wò.

28 Kaḱul uza_ rəṅg nnap kang uza_ gaḅaṇ ka_ atak nkpaṭtak oga mpat va_ uza_ nəm, te uza_ i lár, uza_ i kú kaṭ.

29 Ká nnà te nzhi aIsarila là pa, <Asa_ áPonzhi Inan dakdak kaṭ.> Á nzhi àIsarila, asa_ mi dakdak kaṭ dó? Asa_ wó na dakdak kaṭ, kaṭ dò?

30 <<Kaḱul nva_ ta te, á nzhi àIsarila, mi ga nnap-akwali n̄za_ unəm nggo ka_ atak nnap nnənəm, uNəm uga nzhi uYawe à là. Ó gaḅaṇ ó re nkpaṭtak oga nnap mbáṅḅḅaṅ wó, le kang oza_ a nak wó ká nru kaṭ.

31 Ó kap ká nkpaṭtak oga mpat va ó pat, ó ram ìgwak ìpipye ka_ aruhu apipyē. Kaḱul iza_ kang ó

kú yà, á nzhi àlsarila?

³² N fe nchang ikú ánəm ro kaṭ, uNəm uga nzhi uYawe à là. Ó gaḅaṇ na ó lár.

19

Nýéng ikú kakul onəm oga mpyal aIsarila

¹ <<Shì ìpyang kakul onəm oga mpyal oIsarila.

² Là pa,

<< <Unang bu ìlir ìchar ìkamkam
ka ashe oga ìlir.

Uza ra kà ishimshe ivan ìlir
kang i nak ishi ká ivan wò.

³ Uza kang ìzəngtəng ka ashe ovan wò,
á nyáng iya ìlir ìnunggwan.

Te á dýáng nkpán ìzhe,
kang à ri unəmləbər.

⁴ Oga mbín fe izəzər
kang mmá kpán na ka ashe ache oza.

Oza dàp na ká nzwar
ga ká kà mbin aMasar.

⁵ Nvəngva ìnang ìlir va ta ya pa ò lòk ka anung
mwang

nnak ìgwak wò ru chit,
te uza yar ìro kàḍi ka ashe ovan wò,
uza kang na nyáng iya ìlir ìnunggwan.

⁶ Te iya ìlir va ta gaḅaṇ kà ishimshe oga ìlir,
uza nyáng iya ìlir ìnunggwan.

Uza dýáng nkpán ìzhe,
uza ri unəmləbər.

⁷ Uza vyap oga atak mbwam oza akamkam.
Uza nak oga itong oza təm agúng.

Mbin va ta ka iyam va ka ashishe

- fe adudum te ayər nəm oza.
8 Te mbín ba ka apəpal,
kà nza ichwór nggo.
Oza mang ìcha á na,
mmá kpán na ka ashe ache oza.
9 Oza kpán na ká ayok, oza dáp na ká nzwar,
kang à ba ka na úPonzhi oga aBabel.
Oza nak na ka ashe nzhi ìkan,
le kang mmá fe adudum
ka apal oga abam aIsarila lap kat.
10 Unang bu wa ibangbang ka ashe ìram
ibangbang bu,
mmá bál ka anung ndəng,
á wár awár kang à chak igóng,
kakul ndəng kúr na kúr.
11 Oga igugong kám
á mal idari aponzhi mal.
Á rup ba ga
ka apal nkpaktak igóng.
Mmá ya na ka atak irurup,
ka atak nyəl igugong.
12 Te mmá tutur na ka ashe nlak igwak,
mmá mandar ka mbin.
Ayər aga asal awu alum wom na,
mmá tok oga awuwar.
Igugong ikamkam wom,
apər pwák na.
13 Kang nyangmata mmá bál ka ashe nzam,
kà mbin nwomwom va yà ká ndəng kat.
14 Te apər fa ká izər igugong,
kang à ri awuwar.
Ìgong ikamkam ìro re ka izəzər

iva mal idari àponzhi kaṭ.>
Nshì ìpyang ta, á yà nnap-nshì ngga ador chit.>>

20

OIsarila ga mpyal ka nfa iyamkak

¹ Kà ìzun iga ifangshat, ka ape aga tukun kà nra ngga ngbapchi te, onəm oro ka ashe onəmgbak oIsarila ba pa na ó bəp nnap-nlà ka atak áYawe. Kang oza təm kà mpyal mi.

² Te uYawe là nnap-nlà ká mi pa,

³ <<Á ya anəm, là onəmgbak oIsarila pa, <Iyam va ta uNəm uga nzhi uYawe là, <<Ó ba pa ó bəp nnap-nlà ka atak mi dō?>> Nnandər, mi man mi fe nnap-nlà wó kaṭ, uNəm uga nzhi uYawe à là.>

⁴ <<Bu náp akwali ôza dō? Bu náp akwali dō, á ya anəm? Te nyám ká ôza oga iyam iga nnəm ajan okéka oza, na oza á nyi.

⁵ Te là ôza pa, <Iyam va ta uNəm uga nzhi uYawe là. Ka nda va n yak oIsarila, n sòng anung akum ijili nzhi àYakup te, n nyám ishi mi ôza ka mbin aMasar. N wong ká awo mi ka apal n là pa, <<Mmami na uYawe Inan wó.>>

⁶ Ka nda va ta n sòng anung ôza pa mi fa ka oza ka mbin aMasar, mi ga ka oza ka mbin va n yak ôza chit, mbin nva ndópdp, nva byen ji mbín pa kpaktak.

⁷ Te n là ôza pa, <<Re nza uzəngtəng wó nggo a swang oga iyam iga nnəm ajan va mmawó ka nfe nchang oza, kang ó vyap ishi wó ká oga ichər iga aMasar kaṭ. Mmami na uYawe Inan wó.>>

⁸ << <Kang oza fa iyamkak ká mi, oza fe mi kaṭ, oza swang oga iyam iga nnəm ajan va oza ka nfe

nchəchang kaṭ, ozaṭ re ichə̀r oga aMasar kaṭ. Te n la paṭ mi nyám nlak ìgwak mi kaṭ apal ozaṭ, mi yél kaṭ nlak ìgwak mi kaṭ apal ozaṭ kaṭ mbin aMasar.

⁹ Kang kakul aḍin mi te n nəm yél kaṭ, le kang mmá yen kaṭ aḍin mi kaṭ ashe mbín kaṭ atak vaṭ ozaṭ kà. Kà ìwu ozaṭ n nyám ká ishi mi ôlsarila, kaṭ atak nfa kaṭ ozaṭ kaṭ mbin aMasar.

¹⁰ N fa ká ozaṭ kaṭ mbin aMasar, te m ba kaṭ ozaṭ kaṭ ashe nzam.

¹¹ Kang n na oga ndyáng mi kaṭ oga nnap mpakpak mi ôzaṭ, iva unəm i kpak ozaṭ te uzaṭ i lár.

¹² Kàḍi te n na ìlum awop mi ôzaṭ na á yà nnyám ìpir nnap kà ishimshe mi kaṭ ozaṭ, kakul na ozaṭ á nyi paṭ mmami na uYawe vaṭ nàl ozaṭ paṭ ozaṭ a yà onəm mi.

¹³ << <Ká nnà te nzhi aIsarila fa iyamkak ká mi kaṭ ashe nzam, ozaṭ kpak oga ndyáng mi kaṭ oga nnap mpakpak mi kaṭ, iva unəm i kpak ozaṭ te i lár á. Ozaṭ vyap ìlum awop mi paṭ chatchat. Te n la paṭ mi nyám mmən ìkum mi paṭ makmak kaṭ apal ozaṭ kaṭ ashe nzam.

¹⁴ Kang kakul aḍin mi te n nəm yél kaṭ, le kang mmá yen kaṭ aḍin mi kaṭ ashe mbín nvaṭ n fa kaṭ ozaṭ kaṭ ìwu ozaṭ á.

¹⁵ Kang kàḍi te n sòng anung ôzaṭ kaṭ ashe nzam paṭ mi ga ká ozaṭ kaṭ ashe mbin ndopdop, nva byen ji mbín paṭ kpaktak kaṭ.

¹⁶ N nəm paṭ kakul ozaṭ yáng kaṭ oga ndyáng mi ká oga nnap mpakpak mi. Ozaṭ vyap ìlum awop mi, kakul ìgwak ozaṭ ga kaṭ atak oga ichə̀r ozaṭ.

¹⁷ << <Kap ká nnà te n dər ozaṭ kaṭ ìwu aḍor, n zhì ozaṭ paṭ chatchat kaṭ ashe nzam kaṭ.

18 N là ôvan oza ka ashe nzam pa, <<Kang ó kpak oga ndyáng ká oga nnap mpakpak opón wó kat, kang ó vyap ishi wó ká ichèr oza kat.

19 Mmami na uYawe Inan wó, ó kpak oga ndyáng mi ka oga nnap mpakpak mi, ó nèm inok ka oza.

20 Ó gòr oga ilum awop mi na á nyám ìpir nnap ká ishimshe mi ka wó. Te ó nyi pa mmami na uYawe Inan wó.>>

21 << <Ká nnà te ovan va ta fa iyamkak ká mi ka ashe nzam, oza kpak oga ndyáng mi ka oga nnap mpakpak mi kat, iva unèm i kpak oza te i lár á. Oza vyap ilum awop mi pa chatchat. Te n là pa mi yél ká nlak ìgwak mi ka apal oza ka ashe nzam.

22 Ká nnà te, n le ká awo mi n nèm pa kat, le kang mmá yen ka adin mi ka iwú mbín nva ya mi kà n fa ká oza ka mbin aMasar á.

23 Kàdì te n sòng anung ôza ka ashe nzam pa mi ga nlyangshin oza ka ashe oga itong, mi zàl oza ka ashe oga mbín.

24 N nèm pa kakul oza yáng ka oga ndyáng mi ka oga nnap mpakpak mi, kang oza vyap ilum awop mi, iwú oza ka apal oga ichèr okáká oza.

25 Kàdì te n na oga ndyáng nnənan ôza kat, ká oga nnap mpakpak va oza i lár kat ka atətak.

26 N vyap oza ka atak oga iyam inana oza, ka atak nna ovan oza oga nggəshi ka ashe apər. N nèm pa kakul na n nak oza a yà iyam iga ajan îshi oza, kakul na oza a nyi pa mmami na uYawe.>

27 <<Kakul nva ta te, á ya anəm, là nnap ka nzhi aIsarila, là ôza pa, <Mmami, uNəm uga nzhi

uYawe, n là pa, okéka wó pwat adin mi ka atak nnəm nnandər kat.

²⁸ Ka awalang va m ba ka oza ka ashe mbin va n sóng anung pa mi na oza, te oza ya nza aduktum ka nza ikun nggo iga azang, te oza na nləfər iyam inana ipápà ka atak va ta. Oza bəshi igwak á mi ká iyam inana oza, kang ka atak va ta oza yichi iyam inana oza inəngnəng ichángchàng ká iyam inana iga nwá.

²⁹ Te m bəp oza pa, nza nzhi awop ka aduktum mmawó ka ngga yà? Mmá ka nwór adin atak va ta pa aBama, har n̄da ta.>

³⁰ <<Kakul nva ta te là n̄zhi àlsarila pa, <Mmami, uNəm uga nzhi uYawe, n là pa, o vyap ishiwo wa nva okéka wó nəm dò? O yar nvang oga iyam iga ajan oza dò?

³¹ Awalang va o yichi oga iyam inana, kang o yichi ovan wó iyam inana ka apər, mmawó ka nvyap ishiwó ka atak oga ichər wó har n̄da ta. Te ó chuchu pa ó bəp mi ka nnap-nlà dò, á nzhi aIsarila? Nva nna n yà, uNəm uga nzhi uYawe, n là pa o kúr mbəp mi ka nnap-nlà kat.

³² << <Nrəng nnap va mmawó ka nrərəng kà igwak wó pa na ó yà wa mbín nro ka akum ijili oga mbín ó wop ikún ká ipáng, te i yà ká nnəm kat.

³³ Nva nna n yà, uNəm uga nzhi uYawe, n là pa mi nəm iponzhi ka apal wó ka awó achumchum nkàm ka nshida ka mmən ikum.

³⁴ Ká awó achumchum ka nkàm ka nshida ka mmən ikum, mi fa ká wó ka ashe onəm, mi büt wó ka ashe mbín va ó lyangshin kà.

³⁵ Kang mi ɓa ká wó ka ashe nzam onəm, ka ta mi pà akwali á wó ìwú ká ìwú.

³⁶ Wa nva n pà akwali okáká wó ka ashe nzam mbin aMasar te, wa nnà ta mi pà akwali á wó, mmami, uNəm uga nzhi uYawe, n là.

³⁷ Mi nak ó watar ka avəng idari, kang mi ran wó ká nsar nnap-nlà.

³⁸ Mi fa ka onəm oga nfa iyamkak ka ashe wó, ka oro va nəm mpat á mi. Mi fa ka oza ka ashe mbin va oza kà ntəm kà, ka nna te oza i tar mbin aIsarila kat. Te ó nyi pà mmami na uYawe.

³⁹ << <Nyangmata, á nzhi aIsarila, mmami, uNəm uga nzhi uYawe, n là pà, udanggo á ga mpyal ka ngwop ichər wò, nva nna yà chit pà mmawó ka nggong achwang kà mi lap kat á. Ó nyi kpa pà ó yà ka nvyap adín mi anənan ka oga iyam inana wó ka oga ichər wó kat.

⁴⁰ << <Kakul ka apal abam mi ayéryər, ka apal itəngtəng abam aIsarila, mmami, uNəm uga nzhi uYawe, n là pà, ka ta na nkpaktak nzhi aIsarila, nkpaktak oza i wop mi ka mbin va ta. Ka ta na mi kam oza, kang ka ta na mi kam iyam inana oza ká iyam inana oza iyákyàk va byen ji ka iyam inana va mí yichi mĩmami na ka nkukwa á.

⁴¹ Mi kam wó wa iyam inəngnəng ichángchàng awalang va mi fa ká wó ka ashe onəm, kang mi but wó ka ashe mbín ka atak va ó lyangshin kà. Nnà chit te mi nyám inənan mi ka ashe wó kà mpyal mbín.

⁴² Te ó nyi pà mmami na uYawe, awalang va mi ɓa ká wó ka mbin aIsarila, mbin va n sòng anung chit ka atak nghap awó pà mi na okáká wó.

⁴³ Ka ta ó rēng ka nnap nnēm wó ka nkpaktak oga iyaṃ va ó vyap ishiwo ká. Ó ya nnēm ajan wó ka ishiwó kakul iyaṃ ibángbāng va nna ó nēm.

⁴⁴ Te ó nyi pa mmami na, awalang va n nēm á wó wa nnà ta kakul adin mi, n nēm pa kakul nnap nnēm wó mbángbāng kaṭ, kaṭ te ngga nlang nnandər kaṭ, á nzhi àlsarila. Mmami, uNēm uga nzhi uYawe, n là.>>

Nlà anung ka apambin ngga nkwandal

⁴⁵ UYawe là nnap ká mi pa,

⁴⁶ <<Á ya anēm, gaḃaṇ asal awú á ga nkwandal, na u dap achwang nkwandal, kang bu là anung ka apal ikún iga mbin aNegep.

⁴⁷ Là ikun aNegep, fe nnap-nlà aYawe, kakul uNēm uga nzhi uYawe là pa, mi ga mmál apər ka ashe bu, i ri nza ikun iwuwu nggo, ka nza ikun iwomwom nggo ka ashe bu. Nsal abəlēm apər va ta i ri atak i yà ká njəp kaṭ, ka nza asal awú nggo i bān kà nkwandal i ga i chu mpal.

⁴⁸ Nkpaktak onēm i ya pa mmami na uYawe m mal apər va ta, i yà ká njəp kaṭ.>>

⁴⁹ Te n là pa, <<O'o aNēm uga nzhi uYawe, oza kà nlà pa, <Uza unēm uga ngba nnap na pa kuk kaṭ dò?>> >>

21

Ndokchi aYawe

¹ Te uYawe là nnap ká mi pa,

² <<Á ya anēm, dər asal aUrushelima na u là nnap ka apal oga atak awuwop ayéryər, kang bù là anung ka apambin aIsarila.

³ Là nnap ká mbin aIsarila, là pa, <Mmami, uYawe kà mmən ikum kà bu. Mi tur ndokchi mi kà ashe avakchi, mi gbáng onəm onənan kà onəm obángbang pa kpaktak kà ashe bu.

⁴ Kakul pa mi ga ngbáng onəm onənan kà obángbang, te ndokchi mi i fa kà ashe avakchi wò i gbáng nkpaktak onəm i bən kà asal nkwalal i ga i chu asal mpal.

⁵ Kang nkpaktak onəm i nyi pa mmami na uYawe. N tur ndokchi mi kà ashe avakchivakchi, i le kà ashe avakchi va ta lap kat.>

⁶ <<Mmabu, á ya anəm, shìn ká nlak igwak pa gənggəng, kang bu nyám nlak igwak bu pa gənggəng kà mpyal oza.

⁷ Kang a yà pa oza bəp bu pa, <Iza nak kang bu shìn yà?> Te wa là ôza pa, kakul iyam va kà ngga nfa á. Awalang va i fa te nza igwak nggo i rusok, oga awó pa kpaktak i lang ikam, aruhu á danggo i kú, irəng á danggo i rusok wa ndəng. Dər, ndaktak va ta kà ngga nfa. Mmami, uNəm uga nzhi uYawe, n là.>>

⁸ UYawe là nnàp ká mi pa,

⁹ <<Á ya anəm, là anung pa, Inan là pa, <<Ndokchi, ndokchi, mmá lulwa, kang mmá gbəgbək kpa.

¹⁰ Mma lwa na kakul mpà, mmá gbək na á məlam pa yələkyələk wa aməlam.

Í nəm nchang izər dò?

Kakul ó yəyang ká nkam ichən.

¹¹ Mmá na ndokchi va ta pa mmá gbək, na mmá kpán kà awó.

Mmá lwa na, mmá gbàk na kākul nna ka₂ ashe
awó anəm uga ngba₂ unəm.

¹² Yéng, ném iwar, á ya anəm, kākul ndokchi va₂ ta
i ya ka₂ apal onəm mi,
i ya ka₂ apal nkpaktak ovan ponzhi oga
aIsarila.

Mmá na oza₂ chit ká onəm mi ndokchi va₂ ta.
Kākul nva₂ ta te lèp ìsong.

¹³ << Mmami kà mma onəm mi. Unəm uga
ndəḋaṭ uwa yà dò? Unəm uga nzhi uYawe, à là.>

¹⁴ << Kākul nva₂ ta te, á ya anəm, là anung, lèp awó
bu,
yènggəṭ ndokchi nva₂ng pa₂ mparəm, ka₂ te pa₂
nshatding.

Ndokchi kākul ngbáng onəm obángbang.

Ndokchi ngga ngbáng onəm pa₂ makmak. I
gáng oza₂.

¹⁵ I nak ìchəgwak i lèp oza, kang pa₂ makmak i
ném ifàng.

Kà nkpaktak oga anung nkəlang oza₂ n na
ndokchi mməlamməlam,
mmá nəm na məlam,
kākul ngbáng irirì.

¹⁶ Ndokchi va₂ ta i kyen atak kà nri, i ga₂ban mpam,
ká nkpaktak isu va₂ asal awúwu i ga₂ban kà.

¹⁷ Mi ném awó mi kpa, mi nyám mmən ìkum mi
lap ka₂.

Mmami, uYawe, n là.>>

¹⁸ Te uYawe là nnap ká mi kàḋi pa,

¹⁹ << Mma₂bu, á ya anəm, nyám asal pa₂ parəm va
ndokchi aponzhi oga aBabel i wòl kà. Nkpaktak

oza pa oparəm i fa kà mbin nzəngtəng. Nyám atak kà nggwang asal á ga asal itong.

²⁰ Nyám asal ndokchi va ta aga ngga aRaba oAmoni, ka asal aga ngga aYahuda, ka aUrushelima itong iga akamsəlang.

²¹ Kakul uponzhi oga aBabel uwa kà ntal kà nchak asal, ka atak va asal ba chak pa parəm á, uza ka nvaḱ ivak, ka yənggət iwar, i mwo ichən ka atak ichər, uza ka ndər ka ashe ani iyam nkang iga nshì.

²² Ka awúwo ari te ivak kà nnyám aUrusheima. Uza i pak oga anung akun kakul nshin akamsəlang, uza i nəm achu ikum kakul ngbáng irirì, i pak oga anung akun kakul nshin oga anung nkəlang, uza i but mbin pa na ô me atak nkén akamsəlang kakul ikum.

²³ Ka atak oga aUrushelima te ivak va ta akwam kà mpyal oza, kakul oza ka sòng anung ũponzhi oga aBabel chit, te uza i rəng ká mpat oza ôza, na á nak mmá kpán oza.

²⁴ <<Kakul nva ta te, uNəm uga nzhi uYawe là pa, kakul ó nak chit mmá rəng ká oga mpat wó, kang ó nyám nnap mbángbang wó fa chit kà mbáng, ka ashe nkpaktak nnap nnəm wó, á nyám oga mpat wó chit, kakul ó nak chit mmá rəng ká oga mpat wó, te mí wur wó ó ga izwàl.

²⁵ <<Kang mmabu, uponzhi uga aIsarila, ubángbang, uga nlang nnandər, ilum bu ba rwam chit, kakul awalang aga nnáp akwali bu á nəm chit.

²⁶ Mmami, uNəm uga nzhi uYawe, n là pa ú tur iyam ishi bu ká atagya iponzhi bu. Oga iyam i yà

wa mmatmat lap kaṭ. Mí rup ká uva mmá yen ká,
kang mí yen ká uva mmá rup ká.

²⁷ Nzhi, nzhi, mi zhi itong va ta, mi re iyam iro
kaṭ. Ya uga iyam i ba kang, uva i nap akwali, nna
chit te mi na á na dak.>>

Mpà akwali ka apal aAmon ká aBabel

²⁸ Kang mmaḅu, á ya anəm, là anung pa, iyam
va ta uNəm uga nzhi uYawe là ka apal oga
aAmon, kang ka apal nlang iwuswa oza, va nna
oza pwat onəm mi á.

Te ɓu là pa, mmá tur ndokchi kakul ngbaṅg onəm,
mmá gbàk na məlam wa aməlam kakul ngbaṅ
iriri.

²⁹ Là ôza pa, oza ya oga alár aga akwam,
kang oza i nəm ivak iga akwam.

Te mi nak ndokchi mi ka apal ishak onəm
obáṅgbāṅ va mí pà, ova ilum oza chu chit.
Iva ta nna ji ka ashe mbək anung oza.

³⁰ <<Le ka ndokchi ɓu ka ashe avakchivakchi.
Mi náp akwali á ɓu ka atak va mmá mar ɓu
ká,
ka ashe mbin ɓu.

³¹ Mi fər ká mmən ikum mi ka apal ɓu.
Mi ɓur apər nfəl igwak mi á ɓu,
kang mi na ɓu ka ashe awó onəm obáṅgbāṅ,
oga nnyi nzhi.

³² Bu nyáng akun apər.
Nchèr ɓu i yà ká ishimshe mbin.
Mí yà ká nrəṅg ká ɓu lap kaṭ.

Mmami, uYawe, n là.>>

22

Nnap mbángbang aUrushelima

¹ UYawe là nnap ká mi kàđi pa,

² <<Mmabu, á ya anəm, bu nap akwali, bu nap akwali itong iga ntar nchər dō? Te nyám á na nkpahtak nnap nnənəm ngga ajan.

³ Te bu là á na pa, <Mmami, uNəm uga nzhi uYawe, n là pa, itong va tar nchər ka ishimshe wò, kang á nəm oga ichər íshi wò va vyap na, te awalangwalang nna i ba.

⁴ Ka atak ntar nchər bu te u yà unəm uga mpat chit, kang u vyap ishi bu ka atak oga ichər va u nəm. Te u dapchi nra bu chit ba datkulung, izún va mmá kpaḱ a bu te a chu chit. Kaḱul nva ta te, n nak bu chit u tal iyam iga mpwatmpwat ka atak oga mbín kang iyam iga nnáp avyal ka atak nkpahtak mbín.

⁵ Onəm va pa dát ka onəm va nggbəgbàng i nap avyal a bu, adín bu vyap chit, kaḱul nkak ishi bu.

⁶ << <Dər, ovan ponzhi aIsarila ka ashe bu, uwa kà nggo tal unəm uga ntar nchər chit, kaḱul ichumchum wò.

⁷ Ka ashe bu upon ká unang mmá nak oza iyam iro kat, mí nyán ká unəm uchən, mí nyán ká uchar ukpələng, ká ovan okpələng va ka ashe bu.

⁸ U yen ká oga iyam iyéryər mi, kang u vyap oga ilum awop mi.

⁹ Onəm oma ka ashe bu ova ka nlak adín onəm pa na o tar nchər, kang onəm oma yà ova ka ashe bu kà nrí iyam-nrì ka apal oga abam, oza i nəm mmai kà ishimshe wó.

¹⁰ Ka ashe bu onəm i ra ka ochar opon oza, oro i ra ká ochar ka awalang va oza ká akpar.

¹¹ Uro nəm iyam iga ajan ká uchar àwan wò, uro ra ka uchar ayen wò, uro ra ká ugənanang wò uyenchar, uya apupon.

¹² Ka ashe bu onəm i kam iyam iga mmulam anung pa na ó tar nchər. Bu na akat ká nram mmak kà, mmaɓu kà nya mmak ka atak owan bu, kakul mmwar va bu mwar oza, u kong ká mi, uNəm uga nzhi uYawe à là.

¹³ << <Dər, n ləp awó mi chit ka apal bu kakul mmak ngga ajan va u ya, ká nchər va u tar kà ishimshe bu.

¹⁴ Kà ilum va mi gwang ká bu, te igwak kat te awó bu i kəkam dò? Mmami, uYawe, n là, kang mi nənəm wa nnà ta.

¹⁵ Mi lyangshin bu ka ashe oga mbín, mi zal bu ka apal oga mbín, kang mi fa ká iyam ibángbang pa kpaktak ka ashe bu.

¹⁶ Kang mí vyap bu kà mpyal oga mbín nnà chit te, bu nyi pa mmami na uYawe.> >>

¹⁷ UYawe là nnap ká mi pa,

¹⁸ <<Á ya anəm, nzhi àlsarila sat aməng ala chit kà mpyal mi. Nkpaktak oza tong wa acham arézàng, ká aguza, ká acham, ká acham aləbər, oza tong wa aməng ala aazurfa kà ishimshe apər.

¹⁹ Kakul nva ta te, uNəm uga nzhi uYawe là pa, nva nna nkpaktak wó ó tong aməng ala chit, te mi but nkpaktak wó kà ishimshe aUrushelima.

²⁰ Wa nva unəm i but aazurfa, ká acham arézàng, ká acham, ká acham aləbər, ká aguza ka ashe apər, na ó ɓur apər ka apəpal kakul pa

na a tap na te, wa nnà ta mi but wó ka ashe nlak igwak mi, kang ka ashe mmən ikum, mi nak wó ka ashishe kang ó tap.

²¹ Mi but wó kang mi bur apər mi aga mmən ikum ka apal, kang ô tap ka ashe aUrushelima.

²² Wa nva aazurfa tap ka ashe apər, te wa nnà ta ó tap ka ashe aUrushelima, kang ó nyi đak pa mmami na uYawe, n fər ká mmən ikum mi chit ka apal wó.>>

Nnap mbángbang ovan ponzhi ga aIsarila

²³ UYawe là nnap ká mi pa,

²⁴ <<Á ya anəm, là á na pa, <Mmaɓu mbin va nnənan kat, nva ivar pəng ka apəpal kat, kà ilum iga nlak igwak mi.>

²⁵ Onəm oga nlà anunung, gwang anung ka ashishe wa ilir va i đum ká ayang kà mmwo iyam pa ô kan, oza i gbáng iriri onəm, oza vyat idur ká oga iyam iga mbwai, kang oza nak ochar pa makmak lang obar oza.

²⁶ Onəm oga mpyal awuwop gantal nnap mpakpak mi, kang oza vyap iyam iyéryər mi. Oza nyám ndongdong kà ishimshe iyam iyéryər ká iva iyéryər kat kat, kang oza nyám ndongdong kà ishimshe ibángbang ká inənan kat, oza nak ishi ka ilum awop mi kat, kang oza na ichumchum a mi kat.

²⁷ Ovan ponzhiponzhi va kà ishimshe tong wa oga ncham ngga nkan izhé. Oza i táng nchər, kang i gbáng onəm kakul na o ya mmak ngga ajan.

²⁸ Kang onəm oga nlà anunung bwam nnap mbángbang ovan ponzhi wa mbəl izər nzhi ká

ìpáng ìlèfèr. Oza i ya oga alár, kang i nèm ivak iga akwam kakul oza, i là pa, uNèm uga nzhi uYawe à là, nnandèrnandèr te uYawe à là kat.

²⁹ Onèm oga mbin va ta mwar atak, oza vyat iyam ká ifan, kang oza i kar onèm oga nkun, ka onèm va ka ashe nlang. Oza nyám nnandèr ûnèm uchèn kat, ibángbang na chwat.

³⁰ <<Te n ram unèm ka ashe oza uva i me akamselang va ta na a sat ka atak va kakchi kà mpyal mi kakul mbin, na kang n zhì oza kat, te n ya kat.

³¹ Kakul nva ta te n nyám nlak igwak mi chit ka apal oza. N shì oza ka apèr aga mmèn ikum mi, n nak nsur nnap nnèm oza chit ka apal ishi oza. Mmami, uNèm uga nzhi uYawe, n là.>>

23

Ovanbyen pa oparèm

¹ Te uYawe là nnap ká mi pa,

² <<Á ya anèm, ochar oro oma yà pa oparèm, ovan achar uzəngtəng.

³ Oza nèm mmai ka aMasar ka awalang aga ivan byen oza, mmá nuk mbyal kà ikwoksok oza, kang ivan byen oza vyap.

⁴ Adín ánəmgbak pa uOhola, adín ábwakan pa uOholiba. Oza tēm o jem, oza mar ovan onung-gwan ká ovan ochar. Adín oza nnà ta, uOhola aSamariya, uOholiba nnyi te aUrushelima.

⁵ <<UOhola tēm ntēm ngga nnèm mmai ya uwa ka yà ujem. Uza nak igwak wò ka atak onèm oga aAshur va oshozha pa na ô nèm mmai ká oza,

⁶ ova mwàk ilukwan iga ndəng izər ìvyau, ka ashe oza te ogomna, ká onəm ochumchum oga mpyal, ká nkpaktak oza ovan nzaṃ oga mbyen ndər, oza ka apal ipərí oza.

⁷ Uza nəm mmai ká oza, nkpaktak onəm va omà nggwan oAshur, uza vyap ishi wò ka nkpaktak oga ichər onəm va uza i nəm mmai ká oza.

⁸ Uza re nnəm mmai wò kat nva uza pak nnənəm ya uwa yà ka aMasar, ka awalang aga ivanbyenvanbyen te, ovan nzaṃ ra ká na, oza nuk mbibyal, te oza i fa ká adom oza ka izəzər.

⁹ <<Kakul nva ta te n na na chit ka ashe awó onəm oga nra ká na, ka ashe awó oAshur, ova uza nak igwak wò ká nnəm mmai ká oza.

¹⁰ Oza bol imaləngmaləng, oza wur ovəvan onungwan ká ochar, oza gbaḷ na ká ndokchi. Te uza sat iyaṃ iga ntar achu ka atak ochar, ka awalang va mmá pà akwali á na.>>

¹¹ Ugənanggənanang uOholiba ya oga iyaṃ va ta ya, ká nnà kpa te uwà ji ugənanang wò ká nvyap, kakul nnəm mməmai ji nji agənanggənanang ji.

¹² Uza nak igwak wò ká nnəm mmai ka oAshur, ka ashe oza te ogomna, ka onəm ochumchum oga mpyal, ka oshozha ova mwàk iyaṃ ikum, oza ka apal ipərí oza, nkpaktak oza ovan nzaṃ oga mbyen ndər pa shat.

¹³ Kang n ya uza vyap chit wa agənanang wò. Mparəm oza nnap nnəm oza mál izər.

¹⁴ Te uza ga mpyal ká nnəm mmai wò. Uza ya mmá cha alaḱan onəm ka izər akamsəlang, alaḱan onəm oKaldi, mmá cha ká ikwol.

¹⁵ Oza ran adək oza ká ngbàt, ká oga iyam ishi ka ishi oza, nkpaktak oza fa izər ká onəm oga mpyal, kang fa izər ká onəm oga aBabel oga mbin aKaldi.

¹⁶ Ka awalang va uza ya oza te, uza nak igwak kà nnəm mmai ká oza, te uza re nrè ká onəm oga nrè wò ka ashe aKaldi.

¹⁷ Te oga aBabel ba kà na, ka apal iyam nrera iga nfe nchang, kang oza vyap na ka atak nnəm mmai. Ka nvang va oza vyap na chit te, oza le sat iyam iga ajan ka atatak.

¹⁸ Awalang va uza nəm mmai wò kà mbáng, uza bol imaləng wò, te uza sat iyam iga ajan ka atak mi, te n fa asəsał wa nva n fa asał agənanngənanng á.

¹⁹ Káp ká nnà te uza ga mpyal ká nnəm mmai wò, uza kà nrəng ká nra ivanbyen wò, ká awalang va uza ka yà kà nnəm mmai wò kà mbin aMasar á.

²⁰ Uza nak igwak kà nnəm mmai ká onəm oga aMasar, ova oga apyal oza wa aji oga azhaki, kang mpəng amar oza wa nji ipəri.

²¹ ÁOholiba, wa nnà ta u rəng ká nnəm mmai bu, ka awalang va oga aMasar nuk mbyal a bu kang a vyap ivanbyen bu.

Inan i na mbək anung ūOholiba

²² Kakul nva ta te, áOholiba, mmami, uNəm uga nzhi uYawe, n là pa, mi nok ovannzam bu kà nnəm ikum ká bu, ova sat iyam iga ajan kà mpyal bu, kang mi nak oza i nəm ikum ká bu kà nza ngbak nggo.

²³ Oga aBabel ká nkpaktak oKaldi, oPekot, ká oShowa, ká oKowa, kang ká nkpaktak oAshur nzəng ká oza, oza i wal okpa ikum bu. Mi but ovannzəm oga mbyen ndər, ogomna, ká nkpaktak onəm ochumchum oga mpyal, ká onunggwan ikum, ká onəm oga adin, nkpaktak oza kà apal ipərí oza.

²⁴ Kang oza i ba ka asal mpal ká akeke ipərí ka nggatək onəm i lung bu. Oza i ba i nəm ikum ká bu kà nza ngbak nggo, ka atagya acham, ka nggwangwang, ka ilukwan ikum iga acham, kang mi nak oza i pà akwali a bu, kang oza i pà akwali a bu ka asal awú va oza dóm.

²⁵ Kang mi nyám ikpar nlak igwak mi ka apal bu na oza á na mbək anung a bu. Oza i gəl alur bu ká oga achwang bu, kang abo ovəngva ká irirí te mí gbáng oza ká ndokchi. Oza i wur ovan bu onunggwan ká ochar, kang abo onəm va re te mí zhì oza ka apər.

²⁶ Oza i fən bu i re umaləng, kang oza i wur oga iyəm nza bu ibyenbyen.

²⁷ Mi nak nnəm nvyap ká mmai bu va u ba ká kà mbin aMasar i kùr, na kang u yar iwú ú dər oza ká, kat te ú rəng aMasar lap kat.

²⁸ <<Mmami, uNəm uga nzhi uYawe, n là pa, <Dər, mi na bu ka awó ovəngva òmà u yang, ka ashe awó ovəngva sat iyəm iga ajan ka atak bu.>

²⁹ Oza i yang bu, kang oza i wur nkpaktak ndur bu, oza i re bu umaləng, kang oza i bol imaləng mmai bu. Nvyap bu ká mmai bu

³⁰ nna dapchi iyəm va ta a bu, kakul u nəm mmai ká mbín nro, kang u vyap ishi bu ká oga

ichər oza.

³¹ U yar nv̄ang àgənan̄g bu, kaḱul nva ta te mi nak agudu aga mbək anung ágənan̄g bu ka ashe awó bu.

³² <<UNəm uga nzhi uYawe là pa, Bu wá agudu ágənan̄g bu aruprup abalbal, mi yəl bu, kang mi nap avyal a bu, kaḱul á yəl məm̄ak.

³³ <<Bu wá nchè bu ran ká kang bu yà ká nlak ìgwak.

Agudu aga ndaktak ká nzhi,
agudu ágənan̄g bu uSamariya.

³⁴ Bu wá na i kùr pa chatchat, kang bu chwan, te bu yar agwaksəngwaksən bu tur mbyal bu ká, mmami, uNəm uga nzhi uYawe, n là.

³⁵ <<Kakul nva ta te, mmami, uNəm uga nzhi uYawe, n là pa, <U kong ká mi chit, u na asal nsəm á mi. Te bu yar nsur nvyap bu ká mmai bu.> >>

³⁶ Te uYawe là á mi pa, <<Á ya anəm, bu pà akwali ûOholá ká uOholiba dò? Nyám ká oga ajan oza, ôza.>>

³⁷ Kaḱul oza nəm mmai, kang nchər nna ka awó oza. Oza nəm mmai ká oga ichər oza, kang oza na iyam-nrì ichər ká ovan va oza mar á mi.

³⁸ Kàḱi te, ká nda nzəngtəng oza vyap nzhi awop mi, kang oza lak ilum awop mi kpa.

³⁹ Ka awalang va oza pà ovan oza chit iyam inana ôga ichər oza, te ká nda nzəngtəng oza táng nzhi awop mi pa na oza á vyap. Dər, iyam va ta oza nəm ka ashe nzhi mi.

⁴⁰ <<Oza re unəm uga nrè ka atak onəm va nggbəgbəng pa á ba, te oza ba. Kaḱul oza mà,

ó wòr izər wó, ó bəl iyām ìsham kà iwú, kang ó mwàk iyām nzam wó.

⁴¹ Ó tēm kà apal alyer anənan, ká atebəl kà mpipyal va ó nak iyām inəngnəng ichángchàng mi, ká mmì kà ashe afal mi kà apəpal.

⁴² <<Kang nnáp ìchu nggatək onəm ova nak ishi ká iyām iro kat, òma yà kà atətak. Te mmá ɓa ká onəm oga nwá iyām iwawa kà ashe nzam, kang oza mwàk oga nkalɓang kà awó ochar va ta, ká oga atagya iponzhi kà ishi oza.

⁴³ Te n là nnap kà apal ishi achar va gbák chit kà ashe nnəm mmai, ñyangmatà te oza i nəm mmai nəm ká na dō, nna uza yà chit wanta á?

⁴⁴ Kang oza táng kà atətak wa nva mí tar kà atak áchar uga nnəm mmai. Wa nnà ta oza táng kà atak áOholá ká uOholiba kakul pa na ó nəm mmai ká oza.

⁴⁵ Te onəm onənan i gəl akwali ôza wa nva mí pà akwali ôchar omaimai, ká ochar oga ntar nchər, kakul oza ochar oga mmai, kang nchər na kà ashe awó oza.

⁴⁶ <<Kakul uNəm uga nzhi uYawe là pa, mi ɓa kà nggatək onəm kà oza, kang mi nak mí na ayər ôza, mí wur iyām oza.

⁴⁷ Kang nggatək i kwan oza ká ipáng, i gbáng oza ká oga ndokchi. I le te i gbáng ovan oza onungwan ká ochar, kang i pwák oga nzhi oza ká apər.

⁴⁸ Kà asal va ta mi nak nnəm mmai kà ashe mbin va ta i kùr, kakul na nkpaktak ochar á ya iwon, le kang oza á nəm mmai wa nva ó nəm kat.

⁴⁹ Oza i nak mmai wó i le kà apal wó, kang ó

yar nsur nnap mbángbang wó va ó nəm ka atak
ichər á. Te ó nyi pa mmami na uNəm uga nzhi
uYawe.>>

24

Nnyám ìpir nnàp ká ngbèt nfělfě́l

¹ Kà nra ngga ngbapchi ka ape aga agbapchi,
kà ìzun iga ifangzəngtəng, te uYawe là nnap ká mi
kàdì pa,

² <<Á ya anəm, lir adín ìlum va ta. Ìlum va ta ì yà
uponzhi oga aBabel gáng aUrushelima ká ìkum.

³ Là nnap ká nzhi ngga nfa iyamkak ka ashe
ngba nnàp pa, <UNəm uga nzhi uYawe là pa,
<< <Cher ngbèt, cher ka apal apər,

yél ká ndəng.

⁴ Mwàk ìzhe ìnyatnyat ka ashishe,
nkpaktak ìnyatnyat inənan,
ìsong ká agàr, yél na ká oga akup ayákyàk.

⁵ Yak iyam nkang inənan va ji pa kpaktak,
mwàk oga agətər akun ka avəvəng,
pək na nzəng ká oga akup va ta
á yal pa dakdak.

⁶ << <Dər, iyam va ta uNəm uga nzhi uYawe là,
<< <Á lak ká bu chit á ìtong iga ntar nchər,
wa ngbèt acham va adədak arəzang nna fa
chit kat.

Wur ìzhe ìnyatnyat va ka ashishe á fa pa
izəngzəng,
kang wa yak kat.

⁷ Kakul nchər va uza tar te nna kà
ishimsheshimshe,
uza zuk na ka apal ipáng,

uza_zuk kà mbin pa_na ô dèp ka_t.

⁸ N nak nchèr va_nna tar ka_apal ipáng,
le kang mmá dèp ka_t,
ka_kul na á bèshi igwak á mi,
na m pyát akékat.

⁹ << <Dèr, iyam va_ta uNèm uga nzhi uYawe là,
<< <Á lak ka_bu chit á itong iga ntar nchèr,
mmami ká ishi mi,
mi but agètèr ka_avèvèng pa_makmak.

¹⁰ But oga agètèr akak, ma_l apèr, pék izhe va_ta pa_dakdak,
gwang oga iyam iwuwu ka_ashishe, kang bù
re oga akukup i shì.

¹¹ Cher ngbèt nlakchi ka_apal amor, na á sur,
na achècham arèzang á pwák, na adèdak á
sèrak ka_ashishe, kang adak aga ijilijili i shì
i le.

¹² Uza_na mbèk anung îshi wò, kang mmak
adèdak fa ka_t.
Te nak adèdak ka_ashe apèr.

¹³ << <Ka_ashe mmai bu te adak nna yà, n nàl
bu chit, kang adak bu fa ka_t. Te ya bu fa lap ka_t, i
ga i chu ilum va_nnyám nfél igwak mi ka_apal bu i
kùr kang.

¹⁴ << <Mmami uYawe, n là, i tèm wa nnà ta,
ka_kul mi nènèm pa, mi re i lyam ka_t, mi re ka_t,
mi pà akwali a bu ka_kul oga asal bu ka_oga nnap
nnèm bu, uNèm uga nzhi uYawe à là.> >>

Ikú áchar àEzikyel

¹⁵ Te uYawe là nnap ká mi pa,

16 <<Á ya anəm, dər, n dát chit ka ñyar kà bu pa byat iyam va iwú bu man ji. Te kang wa nəm adər, kaṭ te wa yéng kaṭ, kang wa tokchì mbəl kaṭ.

17 Kpán igwak pa dakdak, kang wa yéng kakul anəm ukuku kaṭ. Chəp iyam ishi bu, kang bù mwàk akwap bu ka ashar, kang wa gún anung bu kaṭ, kang wa ri iyam-nrì onəm oga ñyéng ikú kaṭ.>>

18 Te n là nnap ka onəm ká ibotak, ka arurong te uchar mi kú. Ìpin fa kpak ká ibotak te, n nəm wa nva mmá nak mi.

19 Te onəm bəp mi pa, << Iza ìpir nkpaktak iyam va ta mmaḃu kà nnənəm yà?>>

20 Te n na aman ôza pa, <<UYawe à là nnap ká mi,

21 pa n là nnap ka nzhi àlsarila pa, uNəm uga nzhi uYawe là pa, mi vyap nzhi awop mi, atak va o kám kà, atak va iwú wó fe nchang ndədər, ká atak aga nna nra igwak á wó. Kang ovan wó onungwan ka ochar va o re ka nvəng te mí gbáng ka ndokchi.

22 Te ô nəm wa nva n nəm, kang ô gún anung kaṭ, kang ô ri iyam-nrì onəm oga ñyéng ikú kaṭ.

23 O chəp oga iyam ishi wó, kang ô mwàk oga akwap wó ka ashar wó, ô yéng ikú kaṭ, ô vyap ka ashe nnap mbángbang wó, kang ô shìn ôwan wó.

24 Te uEzikyel i sat ñnyám ìpir nnəp ka atak wó, nkpaktak iyam va uza nəm te ô nəm. Awalang va iyam va ta i fa te o nyi pa mmami na uNəm uga nzhi uYawe.>>

25 <<Mmaḃu, á ya anəm, mi tur nkàm oza, ká nchang igwak oza, ká ìzhàn oza, ká iyam va iwú

oza fe nchang ndədər ká iva ìgwak oza òm, kang ká ovan oza onungwan ka ochar kpa.

²⁶ Ka nda va ta unəm va pətər te i ba ka nrè va ta a bu na ú fe ká achwang bu.

²⁷ Kà ìlum va ta te, anung bu i bol ka atak anəm va pətər, kang bu là nnap ká unəm va uwà chér, bu yà akpang lap kat. Te bu sat ñnyám ipir nnàp ka atak oza, kang oza i nyi pa mmami na uYawe.>>

25

Nlà anung ka apal aAmon

¹ Te uYawe là nnap ká mi kàđi pa,

² <<Á ya anəm, dər asal awú oAmon na ú là anung ka apal oza.

³ Là ôAmon pa, <Ó fe nnap-nlà aNəm uga nzhi uYawe. UNəm uga nzhi uYawe là pa, kakul ó là pa, <<Dakdak,>> ka awalang va mmá vyap nzhi awop mi, kang ka apambin aIsarila ka awalang va ra agúng, kang ka apal nzhi àYahuda ka awalang va oza ga izwal.

⁴ Kakul nva ta te, mi na wó ônəm oga asal nfa alum o yà oji oza, kang oza i pak apak ka ashe wó, kang i nak oga atak ntəm oza kà ìshimshe wó. Oza i ri awár aga ashe irám wó, kang oza i wá mbyal wó.

⁵ Mi nak aRaba i tal atak nkpak oga alakəmi, mi nak mbin aAmon atak nra nggatək ibél ká itám. Te o nyi pa mmami na uYawe.

⁶ Kakul uNəm uga nzhi uYawe là pa, <<Kakul u nəm awó bu chit, kang u tòng ashar bu, u lan kakul nnyám nkpaktak ñyáng va u yáng mbin aIsarila,

⁷ kaḵul nva ta te, mi nyám awó mi ka apal bu, kang mi na bu i taḷ iyam iga nwur ka ìkum oga mbín. Mi fa ká bu ka ashe oga mbín kang mi nak mí dəkən akum bu pa chatchat ka ashe oga mbín. Mi zhì bu, te bu nyi pa mmami na uYawe.>> > >>

Nlà anung ka apal aMowap

⁸ UNəm uga nzhi uYawe là pa, <<Kaḵul aMowap ká aSeyir là pa aYahuda wa nkpaktak aboshi oga mbín,

⁹ kaḵul nva ta te mi bol asal ka asal nfa alum aMowap ka atak oga ítonḡ vā ka anung aswari omà nkəkam, aBet-yeshimot ká aBal-yemon ká aKiriyaṭayim.

¹⁰ Mi na na nzəḡ ká oAmon ônəm oga asal nfa alum i tēm nji oza, na mmá rəḡ ká oAmon lap kaṭ ka ashe oga mbín.

¹¹ Kang mi pà oga akwali ka apal oMowap, nna chit te oza i nyi pa mmami na uYawe.>>

Nlà anung ka apal aEdom

¹² UYawe là pa, <<Kaḵul uEdom pyát akát nnàp ka apal nzhi àYahuda chit, te uza nəm nnàng mpat, kaḵul mpyát akékat vā uza nəm ka apal oza á,

¹³ kaḵul nva ta te mmami, uNəm uga nzhi uYawe n là pa, mi yichi awó mi ka apal aEdom. Mi gbáng onənəm ká iyam nkəkang, mi nak na i ra agúḡ. Mi gbáng oza ká ndokchi, i bàn ka aTeman i ga i chu aDedan.

¹⁴ Onəm mi oIsarila i pyát akékat á mi ka apal oEdom. Oza i nyám mmən ìkum mi ká nlak ìḡwak

mi ka apal aEdom, te oza i nyi mpyát akát mi, mmami, uNəm uga nzhi uYawe n là.>>

Nlà anung ka apal aFilisti

¹⁵ UNəm uga nzhi uYawe là pa, <<Ka kul oFilisti ka ashe mpyát akát, oza pyát akát ká igwak íbángbáng ká ñyáng va i kùr kat, kakul na o zhì,

¹⁶ kakul nva ta te mmami, uNəm uga nzhi uYawe, n là pa, <Mi yichi awó mi ka apal oFilisti. Mi gbáng oKeriti, kang mi nzhi aboshi onəm oga anung iwá.

¹⁷ Mi ga mpyát akát abwakan ôza kat. Mi nyám ntàn ôza nrwarwa, te oza i nyi pa mmami na uYawe, kà nvang va m pyát akát mi ka apal oza á.> >>

26

Nlà anung ka apal aTaya

¹ Kà nra ngga nzəng ka ape va ta, kà izun ìga ìgbapchi aman pa zəng te, uYawe là nnàp ká mi pa,

² <<Á ya anəm, aTaya là nnàp ka apal aUrushe-lima pa, <Á mal dakdak, anung nkəlang oza shin chit, kang anung asəsal bol chit, ñyangmata te mi dur kakul uza təm agúng chit.>

³ Kakul nva ta te, uNəm uga nzhi uYawe là pa, mmami kà mmən ikum ká bu, áTaya, mi ga mba ká mbín pa makmak ka apal bu, wa nva iwá i wong ká igum ndəng á.

⁴ Oza i shin akamsəlang aTaya, oza i shin oga nzhizhi nruprup. Mi gosok mbibin, kang mi nak na i yà ipáng.

⁵ Uza i tēm mbin ngga mpəl oga icha kà ìshimshe ìwá. Uza i tēm iyam ìga nwur ka atak ìkum ka atak mbín. Mmami, uNəm uga nzhi uYawe, n là.

⁶ Ovəvan ochar va kà ntəm ka apal nzam te mí gbáng ka ndokchi. Nna chit te oza i nyi pa mmami na uYawe.>>

⁷ Kakul uNəm uga nzhi uYawe là pa, <<Mi ga mba ka uNebukatnezar uponzhi oga aBabel, uponzhi oponzhi, ka asal mpal ka apal aTaya. Uza i ba ká ipərí ká oga akeke va ipərí i dap, kang ka onəm oga nk wák ipərí, ka nggatək nchumchum oshozha.

⁸ Uza i gbáng ovan bu ochar va kà ntəm ka apal nzam ká ndokchi. Uza i gáng bu ká akamsəlang ìkum kakul bu, kang uza i me atak nkyén kakul nlung bu, te uza i kuk ishi wò ká nggwanggwang nva mí yà kà nlung bu á.

⁹ Uza i shin oga akamsəlang bu ká oga nkumbək ìkum wò, kang uza i shin nzhi bu nruprup ká oga ikù wò.

¹⁰ Kakul òyél ipərípəri te mbwang va oza i wong ká te i dàngchi bu. Akamsəlang bu i yənggət kakul nnáp anung onəm oga nk wák ipərí, ká nnáp oga akeke va ipərí i dàp, kang ká nnáp oga ashar oza, awalang va uponzhi uNebukatnezar i tar oga anung nkəlang bu, wa nva onəm i táng ashe ìtong va akamsəlangakamsəlang kakchi á.

¹¹ Oga ashar ipərípəri i tòng nk paktak oga asal bu, uza i gbáng onəm bu ka ndokchi. Kang oga ndar bu nkamkam i shin i tak kà mbin.

¹² Oza i wur ndur bu, kang i wur iyam iyap bu. Oza i shin akamsəlang bu ká oga nzhi bu

mbyenbyen. Oza i wur ipáng bu, ká akun, ká oga aboshi iyam pa kpaktak oza i swang ka ashe iwá.

¹³ Mi sat ká oga nnap-nshì bu kang nnáp oga abwa bu mí fe lap kat.

¹⁴ Mi nak bu i tal ipáng ilakchi, bu yà atak mpəl oga icha. Mí me bu lap kat, mmami, uNəm uga nzhi uYawe, n là.>>

¹⁵ UNəm uga nzhi uYawe là âTaya pa, <<Awalang va bu ru te mbín va ka anung iwá te oza i yənggət, awalang va onəm bu oga abang i dum, nva mmá kà ngbáng onəm ka ashe bu á.

¹⁶ Te nkpaktak oponzhi oga anung iwá i fəng ka apal itok iponzhi oza, oza i zəp ilukwan oza, ká ilukwan oza va mmá sham isham ká. Kang oza i təm kà mbin, izər i tán ká oza kà nza awalang nggo. Ayər i nəm oza kakul iyam va nà ya bu á.

¹⁷ Oza i shì nzam ngga nyéng ikú bu, oza i là kà pa,

<< <Mmabu va kà ntəm ka ashe iwá, u zhì chit, á itong iga nnəm adín, iva inənanang ka anung iwá,

mmabu ká onəm oga ntəm bu,

ó na ayər nkpaktak onəm oga anung iwá.

¹⁸ Nyangmata te, ká nda va bu ru ká, te oga atak aga anung iwá ayər i nəm oza, oza i tán, kakul nshin bu.>

¹⁹ <<Kakul uNəm uga nzhi uYawe là pa, <Mi nak bu i tal agúng wa oga itong va mmá kà ntəm ka ashe oza kat. Mi ba ká iwá igbángbàng i gún bu,

²⁰ te mi dan bu ka ashe onəm va ka ga chit ka ashe ayi ikú, ka atak onəm matmat. Mi nak bu təm ka akum mbin atak va təm agúng chit, nzəng

ká_onəm va_ga chit ka_ayi ikú, le kang mmá a təm
ka_ashe bu, te mi đamshi mbin onəm oga irirì i
byen.

²¹ Mi nak nkùr bu i ɓang byet, kang bu yà lap
kaɗ. Mí ram bu, te mí ya bu lap kaɗ, mmami, uNəm
uga nzhi uYawe, n là.> >>

27

Nyóng ikú kakul aTaya

¹ Te uYawe là nnap ká mi pa,

² <<Mmaɓu, á ya anəm, yóng ikú kakul aTaya.

³ Là á na pa, <Uza va ra ka anung asaɓ aga ntar
iwá, atak va onəm oga ñyap ka ñyap ká i gwang
kà, mmami uNəm uga nzhi uYawe, n là pa,

<< <ÁTaya, u là pa,
u byen paɗi.

⁴ Oga iwá á gáng oga aswari bu,
onəm oga mme bu nəm bu iyam iga mbyen
ndər.

⁵ Oza nəm oga akun bu ká ikún afir aga aSenir,
oza kyen akun asida ka aLebanon
kakul nnəm akun a wangwang va i kpan asang
ajirgi kang i chen.

⁶ Oza nəm iyam iga nchi ajirgi ndəng bu
ká oga akun aalon aga mbin aBashan,
oza nəm atak ntəm á bu ká akun akasharina
aga anung iwá aKitim,
oza đamshi na ká inyin nlàláp.

⁷ Mmá nəm oga abasəm bu ka alinin anənaɗ,
aga nrap nzaɗ aga aMasar, kakul na á sat
iyam iga ñnyám ipir nnàp.

Mmá rap atani bu ka alinin aga ndəng izər ivyau

ka nrəzang pa gar aga anung iwá aElisha.

⁸ Onəm oga ntəm ka aSidon ka aArwat òmà onəm oga nchìchi.

Onəm oga aghan va ka ashe bu, áTaya, òmà onəm oga mpyal ajirgi ndəng.

⁹ Onəmgbak oga aGeba ka onəm oga aghəghan òma yà nzəng ká bu,

oza ka nzwana atak nggwang akun ajirgi bu.

Nkpaktak ajirgi ndəng ká onəm oga nchìchi ba ka atak bu kakul ònyap iyap.

¹⁰ Onəm oga aPasha ka oga aLut ka oga aPut òma yà

ka ashe oshozha bu oga nnəm ikum bu.

Oza zong oga nggwanggwang

ka oga atagya acham ka ashe bu,

kang oza i rup ká bu.

¹¹ Nkpaktak onəm oga aArwat ka oga aHelet gáng akamsəlang bu i pángchí atak,

kang onəm oga aGamat ònyi te oza ka apal atak aga mpángchí atak bu.

Oza zong oga nggwanggwang oza pa kpaktak ka izər akamsəlang bu.

Oza nak ibyen bu byen ndər.

¹² << aTarshi nəm iyap ka bu, kakul mmak idur bu, te uza yap oga iyam iyap bu ka aazurfa, ka acham, ka aguz, ka acham aləbər.

¹³ OYavan, ká oTubal, ká oMeshek, òmà okpa iyap bu, oza yap oga iyam iyap bu ká onəm, nzəng ká oga ikpáng acham arəzàng ka atak ònyap iyap bu.

¹⁴ Onəm va ka Nzhi Togarma ònyi te, oza yap iyam iyap bu ká ipərí, ká ipərí ikum, kang ká oga alabitəri.

15 Onəm oga aDedan nəm ìyap ká bu. Oga mbín pa kyák ngga anung ìwá tong okpa ìyap bu. Oza mwa bu ká ìnyin nlàlòp ká akun aeboni.

16 << <AAram nəm ìyap ká bu, kakul mmak iyam bu. Oza yap iyam ìyap bu, ká ipáng ndəng ipəpa, ká atani arəzang pa gar, ká iyam nlòk iga nrap nzam, ká alinin anənan, ká ipáng irəzang, ká ipáng iga mbwai.

17 AYahuda ká mbin aIsarila nəm ìyap ká bu, oza yap iyam ìyap bu ká izangzəng, ká iyam-nrì, ká ndop irizhe, ká afal mmì mpyet, ká njəng nnəngnəng nchəngchəng.

18 ADamaskus nəm ìyap ká bu kakul mmak iyam ìyap bu, ká mmak idur bu. Uza yap iyam bu ká ndəng ibəngbəng ngga aHelbon, ká awulu aləfər.

19 ADan ká aYawan aga aUzal nəm ìyap ká bu, oza yap iyam ìyap bu ká acham, ká akasiya, ká iyam inəngnəng.

20 << <ADedan nəm ìyap ká bu, ká oga agodo aga nnak nkongkong ipəri.

21 OArabiya ká nkpaktak ovan ponzhi oga aKedar nəm ìyap ká bu, ká ivan inagam, ká inagam kang ká ibəl.

22 Onəm oga òyap ìyap oga aSheba ká aRama nəm ìyap ká bu, oza yap iyam ìyap bu ká iyam inəngnəng pa dɔngdɔng inənan va ji pa kpktak, ká nkpaktak oga ipáng iga mbwai, ká azənariya.

23 << <AHaran ká aKane, ká aEdan, ká onəm oga òyap ìyap oga aSheba, aAshur, ká aKelmat nəm ìyap ká bu.

24 Ka ashe ñyap ñyap bu oza nəm ñyap ká bu, ka oga ilukwan iga mbwai ibyenbyen, ká oga ilukwan iga ndəng izər ñvyau, ilukwan iva mmá rap nzam ká pa dōngdōng, ká akapet aməlamməlam, kang ka oga asang amyármayr abyenbyen.

25 << <Oga ajirgi ndəng aga aTarshi nnà i wur oga iyam ñyap bu.

Te u rup kang u myak u ga mpyal ká ìshimshe oga iwá.

26 Onəm oga nchi bu ga ká bu ka ashe ñang iwá.

Ñyər ngga asal nfa alum ba chwan bu ká ìshimshe iwá.

27 Ndur bu, ká oga iyam bu, ká oga iyam ñyap bu, ká onəm oga nchi ajirgi ndəng bu, ká onəm oga nchi akwati,

ká onəm oga nzwan atak nggwang akun ajirgi bu,

ká okpa oga ñyap ñyap bu,

ká nkpaktak onəm oga nnəm ikum bu,

ká nkpaktak nggatək onəm va ka ashe bu,

te oza i zhip ka ashe ìshimshe iwá ká ìlum iga nru bu.

28 Kakuł nnáp ayəng onəm oga nchi ajirgi ndəng bu te,

mbin i yənggət,

29 kang nkpaktak ovəngva kpán akun aga nchichi,

ká nkpaktak onəm oga nchi oga ajirgi ndəng

i fa ka ashe oga ajirgi oza

i tong ka apal nzam.

30 Oza i yəng ayəng arwarwa kakuł bu,

oza i wung mbwang ka ishi oza,

kang i bəndəng ka ashe nchwang.

31 Oza i kpat ishi oza kakuł bu,

oza i mwàk ilukwan ikú.

- Oza i yéng ayéng arwarwa kakul bu.
- ³² Ka ashe nshì ìpyang oza kakul bu te,
 oza i yéng, oza i là pa,
 <<Uda mal ká aTaya yà?
 Kang ònyangmata uza kà nra pa kwák ka avèng
 iwá á.>>
- ³³ Ka awalang va oga iyam ìyap bu fa apambin te,
 u nak onəm pa makmak dur,
 u nak oponzhi ga apambin dur ká mmak idur bu
 kang ká oga iyam ìyap bu.
- ³⁴ Nyangmata te iwá chwan bu chit ka ashe oga
 atak agbánggbàng.
 Oga iyam ìyap bu ká nkpaktak onəm oga inok
 bu,
 oza zhip ndəng nzəng ká bu.
- ³⁵ Nkpaktak onəm va ra ka oga mbin ngga anung
 iwá,
 te ayər nəm oza kakul ndaktak va ya bu.
 Ayər nəm nkpaktak oponzhi oza,
 kang oga asal awú oza gaban.
- ³⁶ Onəm oga ònyap ìyap ka ashe oga mbin i nap
 avyal á bu,
 u sat iyam iga nnəm ayər ká oza.
 Kang u yà lap kat mbyet mbyet.> >>

28

Nlà anung ka apal aponzhi uga aTaya

- ¹ UYawe là nnap ká mi pa,
² <<Á ya anəm, là nnap ùponzhi uga aTaya pa,
 uNəm uga nzhi uYawe là pa,
 << <Kakul u yar ishi bu chit pa mmafu iyam iro,
 kang bu là pa, <<Mmami ìnan.

Mmami kà ntəm ka atak ntəm oga ìnan
kà ìshimshe ìwá.>>

Ká nnà te mmabu unəm wa pa mwang, ìnan kaṭ,
káp ká nva bu nəm ìkwoksok pa mmabu ìnan
á.

³ Dər, u ji uDaniyel ji ka aghan,
iyam ibwambwambwambwam iro ya ib-
wambwam ka atak bu kaṭ.

⁴ Ka atak aghan bu ká ntàn bu, u ya ìdur ìshi bu,
kang u but azənariya ká aazurfa ka ashe amé
mbwai bu.

⁵ Ka atak aghan bu aga nnyi nnəm iyap te u nak
ìdur bu myak,
kang u rup ká ìshi bu kaṭul ìdur bu.

⁶ << <Kaṭul nva ta te uNəm uga nzhi uYawe là
pa,

<< <U nak ìgwak bu chit
wa ìgwak ìnan,

⁷ kaṭul nva ta te, mi ba ka onəmchən ka apal bu,
oga mbín va ɓang ji pa kpaktak,
oza i zəp oga ndokchi oza ka apal iyam ibyenbyen
iga aghan bu,
kang oza i vyap ìzhàn bu.

⁸ Oza i mandar bu ka ashe ache,
kang bu kú ikú ikum kà ìshimshe ìwá.

⁹ Nyangmata te bu lələ pa, <<Mmami ìnan>> kà
mpyal onəm va gbaḷ bu dō?

Mmabu unəm uwà pa mwang, ìnan kaṭ.

¹⁰ Bu kú wa ikú onəm oga achè amulur ka ashe
awó onəmchən,
kaṭul mmami, uNəm uga nzhi uYawe, n là.>
>>

¹¹ Kàḍi te, uYawe là nnap ká mi pa,

12 <<Á ya anəm, yéng ikú ka apal aponzhi uga aTaya, te là á na pa, <Iyām va ta uNəm uga nzhi uYawe là,

<< <Mmabu va u kúkúr pa mmá dýáng nnap ká, ka atak aghan amakmak, ká mbyen ndər.

13 Mmabu ka ashe aEden,

ìram Inan,

uva nza apir ipáng iga mbwai nggo gang izər bu, ipáng irəzang, ká ipáng iga ndəng ilur iva i ya atak pa halakhalak,

ká ipáng ifərfər wa ape, ká ipáng iga ndəng ilyangu, ká ipáng izamzam, ká ipáng iga ndəng ipəpa,

ka ipáng ikamkam, ka ipáng irəzang, kang ká ipáng iga ndəng agwal ikún.

Mmá mwàk oza ka ashe iyām iga nkpəkpan iga azənariya.

Kà nra va mmá nəm bu ká te, mmá gbar oza kakul bu.

14 N gar bu pa u tal akerup aga mpángchí atak, n nak bu ka apal abam ayéryər Inan, u chen kà ishimshe ipáng apər.

15 Á bən ká nra va mmá nəm bu ká te, u yà ka mpat ka ashe nnap nnəm bu kat, á ga chu awalang va mmá ya inga ka ashe bu.

16 Ka atak mmak iyām iyap bu te, u yól ká nzhi atak pa makmak, u nəm nnap mbángbang.

A nak te, m bək bu wa iyām iga ajan ka apal abam Inan,

kang n bək bu kà ishimshe ipáng apər, ákerup aga mpángchí atak.

- 17 Ka₂ kul ibyen bu te nak u rup ká ishi bu,
 ka atak ìzhàn bu te u vyap aghan bu.
 M mandar bu chit kà mbin,
 m bol imaləng bu kà mpyal oponzhi na oza á
 dər bu.
- 18 Ka atak mmak iya_m ibá_{ng}ba_{ng} bu ka nlang
 nnandər ka ashe nnəm iyap bu,
 te u vyap oga Atak Ayéryər bu.
 Nna nak te n fa ká apər ka ashe bu,
 á ri bu,
 kang n nak bu u wal nchwang ka apambin
 kà iwú nkpaktak onəm va ya bu á.
- 19 Nkpaktak onəm va nyi bu ka ashe oga mbín te,
 oza i tán kakul ndaktak va ya bu,
 u tal iya_m iga nnəm ayər,
 bu yà lap ka₂ mbyet mbyet.> >>

Nlà anung ka apal aSidon

- 20 UYawe là nnap ká mi kà₂đi pa,
 21 <<Á ya anəm, dər asal aSidon na ú là anung
 ka apəpal.
- 22 Là pa, <UNəm uga nzhi uYawe là pa,
 << <Dər, mmami kà mmən ìkum ká bu, áSidon,
 kang mí rup ká mi kà ìshimshe bu.
 Oza i nyi pa mmami na uYawe awalang va mi pà
 akwali á bu,
 kang mi nyám inənan mi ka ashe bu.
- 23 Mi nak oga arwa abá_{ng}ba_{ng} á bu,
 kang nchər ka apal oga asal bu,
 oro va mí gbá_{ng} te,
 i tak kà ìshimshe bu,
 mí fa á bu kà nza asal awú nggo ká ndokchi.
 Te onəm i nyi pa mmami na uYawe.

24 << <Ka apal nzhi àlsarila te, mí ya iyam iga nkyép atak kat te izú lap kat, ka atak nkpaktak onəm va gáng oza va yáng oza á. Te oza i nyi pa mmami na, uNəm uga nzhi uYawe.

25 << <UNəm uga nzhi uYawe là pa, awalang va mi but nzhi àlsarila ka ashe oga mbín, ka atak va oza lyangshin ka, kang mi nyám inənən mi ka ashe oza kà iwú oga mbín, nna chit te oza i təm ka ashe mbín oza va n na ûkpari mi uYakup.

26 Kang oza i təm kà ikángkáng ka ashishe, oza i me oga nzhi, oza i wap oga iram ibangbang. Oza i təm kà ikángkáng kà nvang va n pà akwali ka apal nkpaktak onəm va gáng oza, ova ka na mbək anung ôza á. Nna chit te oza i nyi dak pa mmami uYawe, Inan oza.> >>

29

Nlà anung ka apal aMasar

¹ Ka ashe izun iga igbapchi ka ape aga agbapchi kà nra ngga ngbapchi aman pa parəm ngga apye va ta te, uYawe là nnap kà mi pa,

² Á ya anəm, nak asal awú ka apal áFirona uponzhi uga aMasar na ú là anung ka apəpal kang ka apal nkpaktak oga aMasar.

³ Là pa, <<UNəm uga nzhi uYawe là pa,
<< <Dər, mmami kà mmən ikum kà bu, áFirona uponzhi oga aMasar,
inang izhantar iva kà nra kà ishimshe awang aNilu,
iva là pa, <<ANilu aji mi, n nəm na kakul ishi mi.>>

4 Mi nak oga akugiya ka ashe oga njwalak bu,
 kang mi nak oga igwali iga ashe oga awang
 bu i bam ka akwarak bu, kang mi dapchi bu i
 fa ka ishimshe oga awang bu,
 ka nkpaktak igwali iga awang bu
 i bam ka akwarak bu.

5 Kang mi mandar bu ka ashe nzam,
 mmabu ka nkpaktak igwali iga awang bu,
 o tak ka apal nzam, mi but wo ka.
 N na bu chit iyam-nri izhe iga anyin, ka inyil
 iga apabur.

6 Te onem oga ntam ka aMasar i nyi pa mmami
 na uYawe.

<< <AMasar, ka u ya wa idari achen va mma nem
 ka amar nshi alsarila.

7 Awalang va oza ka kpan bu ka awo te, u bakchi
 kang u cha nkpaktak oga agar oza. Awalang va
 oza ka dar nkam ka u te, u bakchi u nak oga adak
 oza yengget.

8 << <Kakul nva ta te uNem uga nzhi uYawe la
 pa, der mi dapchi ndokchi ka apal bu, kang mi
 gbang onem bu ka iyam nkang,

9 kang mbin aMasar i tal agung, i tem atak
 lakchi. Te oza i nyi pa mmami na uYawe.

<< <U la pa, <<Awang aNilu aji mi, kang mmami
 na n nem na,>>

10 kakul nva ta te, mmami ka mmən ikum ka
 bu ka oga awang bu, mi nak mbin aMasar i tal
 agung pa gbai, i tem atak lakchi, i ban ka aMikdol
 i ga aSewene kang i ga i chu aswari aKush.

11 Ashar anem ka te aji iyam nkang i ya ka
 nwatar ka ashishe ka. I tem agung izun isem pa
 ineding.

¹² Kang mi nak mbin aMasar i taḷ agúng ka ashe oga mbín va tēm agúng chit. Kang oga ítong iga aMasar i tēm agúng izun isēm pa ìnedíng ka ashe oga ítong va ra atak lakchi. Mi lyangshin onēm oga aMasar ka ashe oga mbín.

¹³ << <UNēm uga nzhi uYawe là pa, <<Kà nkùr izun iga isēm pa ìnedíng te mi but onēm oga aMasar ka ashe oga mbín va n lyangshin oza kà.

¹⁴ Kang mi ba ka onēm oga aMasar, mi le ka oza kà mbin aPatrot, mbin ngga akum ijili oza, kang oza i tēm mbin va kám kat.

¹⁵ Oza i tēm mbin va kám kat ji ka ashe oga mbín, kang oza i wong ká ishi i ji mbín nro lap kat. Mi nak oza i yen ngga nva pa oza a nēm iponzhi ka apal mbín nro lap kat.

¹⁶ Kang oza i yà ká ntēm iyām iga ntəp asēm n̄zhi aIsarila lap kat, kakul oza i rəng ká mpat oza, ka awalang va oza ram nkamshi kà oza. Te oza i nyi pa mmami na, uNēm uga nzhi uYawe.>> > >>

UNebukadnezar i ga nnēm igwan ka aMasar

¹⁷ Kà nra ngga nzəng ka ape aga nggəshi, kà izun iga isēm iparəm aman pa fangshat te, uYawe là nnap ká mi pa,

¹⁸ <<Á ya anēm, uNebukadnezar, uponzhi uga aBabel nak oshozha wò chit wur iyām idəkdek ka apal aTaya. Nza ishi nggo te tēm imulur, nza agar nggo te á pwakan pwakan, káp ká nnà te uza kat te oshozhashozha ya imwa iro kakul inok va nna oza nēm ka apəpal kat.

¹⁹ Kakul nva ta te, uNēm uga nzhi uYawe là pa, <Dər, mi ga nna mbin aMasar ûNebukadnezar uponzhi uga aBabel, uza i wur idudur, uza i wur i

yà iyam iga nwur ka atak ikum, kang i sat imwa oshozhashozha.

²⁰ N na mbin aMasar á na imumwa ka inok va uza nem, kakul uza nem inok va ta mmami, uNem uga nzhi uYawe à là.

²¹ << <Ka nda va ta te, mi nak agbeshi i wong ka ashe nzhi àlsarila, kang mi bol anung á bu áEzikiyel ka ashe oza. Te oza i nyi pa mmami na uYawe.> >>

30

Inan i bæk anung âMasar

¹ UYawe là nnap ká mi kàđi pa,

² <<Á ya anem, là anung, là pa, <UNem uga nzhi uYawe là pa,

<< <Onem oga aMasar, ó yéng
kakul nra ngga nnem ayer va ta.

³ Kakul ilum rwam chit,
nra aYawe dát chit,

i yà nra ngga ilulu,
awalang aga nzhi mbín.

⁴ Ndokchi i ba ka apal aMasar,
mbæk anung i yà ka aKush.

Awalang va mmá gbáng onem ka aMasar,
kang idudur mí wur, te mbang akukum i
chwan.

⁵ Ikum i ri aKush, ká aPut, ká aLudi, ká nkpaktak
aArabiya, ká aLibiya, ká nkpaktak onem oga
mbin va sar nnap ká aMasar i tak ka na ka atak
ndokchi.

⁶ << <UYawe là pa,
<< <Onem va lép asem âMasar te oza i ru,
ikèkam va uza i fam ká te i kùr,

mí gbáng oza ká ndokchi i bân ka
 aMikdol i ga i chu aSewene, mmami,
 uNəm uga nzhi uYawe, n là.

⁷ Kang oza i tēm agúng ka ashe oga mbín va tēm
 agúng chit,
 kang oga itutong i tēm agúng ka ashe oga
 itong va tēm agúng chit.

⁸ Awalang va mi maļ apər ka ashe aMasar,
 kang n gbáng nkpaktak onəm oga nna
 nkamshi á na,

te oza i nyi pa mmami na uYawe.

⁹ << <Ká nda va ta te onəm oga nrè i fa ka atak
 mi ka ashe oga ajirgi ndəng, oza i na ayər âKush
 va kà ntəm pa shat. Kang mbək anung i ba ka
 apal oza kà nra ngga nzhi aMasar. Dər nna ta, á
 ba chit.

¹⁰ << <UNəm uga nzhi uYawe là pa,
 << <Mi nak idur oga aMasar i kùr,
 ka awó aNebukadnezar uponzhi uga aBabel.

¹¹ Uza ká onəm wò, onəm va nəm ayər ji pa
 kpaktak ka ashe oga mbín,
 mi re oza i ba ká nzhi ka apambin va ta.

Oza i zèp oga ndokchi oza ka apal aMasar,
 kang mbin va ta i yəl ká akúm.

¹² Mi nak awang aNilu i wom,
 kang mi yap ká mbin va ta ka awó onəm
 obángbang.

Mi ba ká nzhi ka apambin va ta ká nkpaktak iya
 va ka ashishe,
 ka atak awó onəmchən.

Mmami uYawe, n là.

¹³ << <UNəm uga nzhi uYawe là pa,
 << <Mi zhì oga ichər

kang mi nak oga ala_kan akpakpa ka_k aMemfir
i kùr,
kang uponzhi i yà kà mbin aMasar lap ka_t,
mi nak ayər i yà kà mbin aMasar.

14 Mi nak aPatrot i yà agúng,
kang mi ma_l apər âZowan,
mi pà akwali âNo.

15 Mi fər ká_k mmən ikum mi ka_k apal aPelusiyum,
nna nkàm aMasar,
kang mi gbáng nggatək ngga aNo.

16 Kang mi ma_l apər âMasar,
aPelusiyum i ya nnàng mbək anung,
aNo nnyi te mí nak oga akamsəlangkamsəlang i
shin,

kang aMemfir i təm ka_k ashe ndaktak.

17 Ovannzam oga aWon ká_k oga aPi-beset
i tak ka_k atak ndokchi,
kang ochar nnyi te oza_k i ga izwàl.

18 Ka_k aTapanet te atak i kpà_r,
ka_k awalang va_n chwan iponzhi iga aMasar,
te nkəkam va_n uza_k i fam ká_k te i kùr.

Ìlulu i gún na,

ovəvan ovan ochar nnyi te oza_k i ga izwàl.

19 Kang wa nnà ta, mi bək anung âMasar,
te oza_k i nnyi pa_k mmami na uYawe.> >>

UPonzhi Inan i nəm igwan ká_k aMasar

20 Kà_k nra ngga nfangshat ka_k ape aga nggəshi kà_k
izun iga igbapchi aman pa_k zəng te, uYawe là nnap
ká_k mi pa_k,

21 <<Á ya anəm, m bəkchi igwal àFirona uponzhi
uga aMasar chit, dər, mmá ran igwal va_n ta ka_t, le
kang a tən a kám a kur nkpán ndokchi ka_t.

²² Kàkul nva ta te, uYawe là pa, <Mmami kà mmən ìkum ká uFirona uponzhi uga aMasar, kang mi bun oga igwal pa kpaktak, ikamkam ká ìro va kà m bəkchi chit á. Mi nak ndokchidokchi i ru kà awúwo.

²³ Mi lyangshin onəm oga aMasar kà ashe oga mbín ngga apambin.

²⁴ Kang mi nəm awó aponzhi uga aBabel i kám, mi nak ndokchi mi kà ashe awúwo, te mi bəkchi awó aFirona, kang uza i ðum kà mpipyal wa anəm va mmá nak abang á na aga nzhi iriri.

²⁵ Mi kám awó aponzhi uga aBabel, kang awó aFirona ji wò i kú. Te oza i nyi pa mmami na uYawe, kà nvang va mi nak ndokchi mi chit kà ashe awó aponzhi uga aBabel, kang uza i yichi na kà apambin aMasar.

²⁶ Mi lyangshin onəm oga aMasar kà ashe oga mbín ngga apambin. Te oza i nyi pa mmami na uYawe.> >>

31

AMasar wa aAshur

¹ Kà nra ngga nggəshi kà ape aga ashatđing kà ashe ìzun iga igbapchi aman pa zəng te, uYawe là nnap ká mi pa,

² <<Á ya anəm, là ûFirona uponzhi uga aMasar kà nggatək wò pa,

<< <Ká uda mí mal ichumchum bu yà?

³ U mal kà aAshur va wa ìkun asida kà aLebanon, ìva ká igwong ibyenbyen ká ayi ikún, ìva rup pa makmak, ishishi ba chu kà ashe ìlulu.

⁴ Ndəng nak na rup, nshinggət nak na mak.

- Oga awang i nang i gáng atak va mmá suk na
kà.
- Oga avan awúwang i nang,
ka avəng nkpaktak ikún iga apal nzam.
- ⁵ Te uza rup ji nkpaktak oga ikún iga apal nzam,
oga igugwong twat,
kang oga igugwong á tép wang,
kakul ndəng kúr na kúr.
- ⁶ Nkpaktak inyil iga apaɓur ká oga abək oza ka
igugwong,
kang nkpaktak izhé iga anyin mar ivan oza
ka avəng igugwong.
Nkpaktak mbín ra ka avəng ayiyi.
- ⁷ Nrurup byen byet, oga igugong wang,
kakul oga alələng zhip ga ashe mbin ka ashe
ndəng.
- ⁸ Ikún asida va ka ashe ìram Inan te á chu kà
ìbìbyen kaɗ.
Oga ikún akasharina á chu mal ká igugwong
kaɗ.
- Oga ikún adurimi a chu mal ká igugong kaɗ.
Ìkun ìro yà ka ashe ìram Inan byen chu kà na
kaɗ.
- ⁹ N nak na uza byen, kang igugwong yəl,
nkpaktak oga ikún aEden, ka ashe ìram
Inan á nəm ìkpəkpar.
- ¹⁰ << <Kakul nva ta te, uNəm uga nzhi uYawe là
pa, Kakul pa uza rup chit, ishishi ɓa chu ka ashe
ìlulu, kang igugwak fam kakul nwuwang,
- ¹¹ mi na na ka awó anəm ukamkam uga nnəm
ká oga mbín. Mi pyát á na ka apal ingənga. M
mandar na chit ka agbagba.

12 Onəmchən va nəm ayər ji pa nkpaktak ka ashe oga mbín te, oza kyen na tak kang oza re na. Igugwong tak ka apal oga abam ká nkpaktak oga abandam, kang ivan igugwong bun tak ka ashe nkpaktak oga nwangsang kà mbin. Kang nkpaktak mbín ngga apambin fa ka akum ayiyi re na.

13 Nkpaktak inyil iga agbagba iga apabur i ra ka apal ikun va ru ta, kang nkpaktak izhé iga anyin i ranggang ka apal igugwong.

14 Mmá nəm wa nnà ta le kang oga ikún va ka anung ndəng te, oza a rup oza a wang pa makmak ishi oza a ba achu ka ashe ilulu ka, kakul le kang ikún va ka nwá ndəng te a wang wa njini ka. Kakul mmá na oza chit ka ikú, iga aAdit, nzəng ká onəm oga ngga ka ashe awap.

15 << <UNəm uga nzhi uYawe là pa, <<Ká nda va uza ga aShəwol te, n nak ngbàng ndəng gún na kang à yéng ikú kakukul. N nak oga awuwang sat, oga ndədəng mmákmak fú. N nak aLebanon kpar kakukul kang nkpaktak oga ikún iga ashe nzam tók kakukul.

16 N nak izər tán ká mbín va fe nnáp nruru, ka awalang va m mǎng na ga aShəwol nzəng ká onəm va ká ngga ka ashe awap. Kang nkpaktak oga ikún iga aEden, ká oga ikún iga aLebanon va byen ji, iva ndəng kúr oza kúr te, mmá sak oza ka aShəwol.

17 Te oza ga nzəng ká na ka aShəwol, oza ga ya onəm va mmá gbǎng ká ndokchi, oro va kà ntəm ka avəng ayiyi ka ashe mbín.

18 << < <<Ká ashe oga ikún iga aEden te, uda mí mal ibyen bu ká ichumchum bu ká yà? Káp ká

nnà te mi ga ká bu ka Adit nzəng ká oga ikún iga aEden. Bu təm nzəng ká onəm oga achè amulur, ká onəm va mmá gbáng ká ndokchi.>>

<< <UFirona wa ta ká nkpaktak nggatək wò, mmami, uNəm uga nzhi uYawe, n là.> >>

32

Nyóng ikú kakul aFirona

¹ Kà nra ngga nggəshi ka ape aga agbapchi aman pa parəm, kà izun iga igbapchi aman pa parəm te, uYawe là nnap ká mi pa,

² <<Á ya anəm, yéng ikú kakul aFirona uponzhi uga aMasar, là á na pa,

<< <U nak ishi bu wa ilir ka ashe oga mbín,
mmabu wa izhantar ka ashe iwá,
u fa ka ashe oga awang bu,
u kulung ndəng ka oga ashar bu,
kang u vyap oga awang oza.

³ << <Kakul nva ta te, uNəm uga nzhi uYawe là pa,

<< <Mi nak nggatək onəm i mǎng ìcha mi ka apal bu,
kang oza i dapchi bu ka ashe ìcha mi.

⁴ Kang mi mǎng bu ka apambin, ka apal nzam mi mǎng bu.

mi nak nkpaktak inyil iga agbagba apaɓur i təm ka apal bu,
kang mi nak nkpaktak izhé iga anyin i rí ka izər bu.

⁵ Mi pəl izhe bu ka apal oga aɓam,
mi yél oga nwangsang ka akúm bu.

6 Mi zuk nchèr bu kà mbin i nang ka apal oga abam,
kang i yél oga awang.

7 Awalang va mi tutur bu, te mi gún apabur,
kang mi nak izhán i kpar,
mi gún alum ka ilulu,
kang ape nnyi te i ghan atak kat.

8 Nkpaktak iyam iga nghan atak iga apabur mi
nak i kpar ka apal bu,
kang mi nak atak akpárkpàr ka apambin bu,
uNəm uga nzhi uYawe á là.

9 Mi lak igwák ònəm pa makmak, awalang
va m ba ka nzhi ka apal bu ka ashe oga mbín,
ka ashe oga mbín va u nyi kat.

10 Mi nak onəm pa makmak i tán,
kang oponzhi oza i tán ka ayər kakul bu,
ka awalang va n tur ndokchi mi kà mpyal oza.
Oza i tán ka nza awalang nggo,
udanggo kakul iriri wò,
kà nra ngga nru bu.

11 << <Kakul uNəm uga nzhi uYawe là pa,
<< <Ndokchi aponzhi oga aBabel i ga nfér ka apal
bu.

12 Mi nak nggatək onəm bu i tak ka atak ndokchi
onəm kamkam,
nkpaktak oza oga nnəm ayər ka ashe mbín.
Oza i nak nrup ká ishi aMasar i sat atak lakchi,
kang nkpaktak nggatək onəm bu i zhì.

13 Mi zhì nkpaktak iyam nkəkang va ka anung oga
awang,
ashar anəm kat te aji iyam nkang,
ro yà va i kulung ndəng lap kat.

14 Mi nak ndəng oza i yà pa zarara,

mi nak oga awang oza i nang wa mmì mpyet,
mmami uNəm uga nzhi uYawe n, là.

- 15 Awalang va mi nak mbin ngga aMasar i tēm
agúng,
kang awalang va mi kap mbin va ta ká
nkpaktak iyam
va yél ka ashishe,
kà ilum va mi gbáng nkpaktak onəm va ka shishe,
te oza i nyi pa mmami na uYawe.>

16 <<Nnap nshì ikú va nnà ta, ovan ochar mbín
i shì ka apal aMasar, ká nkpaktak nggatəkgatək,
oza i shì á na. Mmami, uNəm uga nzhi uYawe, n
là.>>

Mí nəm igwan ká oga aMasar

17 Kà nra ngga ngbapchi aman pa tukun ngga
ape, kà izun iga igbapchi aman pa parəm te
uYawe là nnap ká mi pa,

18 <<Á ya anəm, yéng kakul nggatək oga
aMasar. Wa dan oza nzəng ká ovan ochar oga
mbín nkamkam, kà mbin ngga avəng, ká oro va
kwangtal ga chit ka ashe awap á.

19 Là ôza pa, <Ó byen ó ji uda yà? Ó kwangtal ó
ra ka onəm oga achè amulur.>

20 Oza i tak ka ishimshe oro va mmá gbáng ká
ndokchi. Kakul mmá tutur ndokchi chit kakukul.
Mmá wur na ká nkpaktak nggatəkgatək.

21 Okamkam oga mpyal ikum i là nnap á na ka
ashe aShəwol nzəng ká ovəngva kam ishishi pa,
<Oza táng mbin chit, oza ra pa kwák ká onəm oga
achè amulur, ova mmá gbáng ká ndokchi.>

22 <<UAshur uwa ka ta, ka nkpaktak nggatəkgatək, oga awap nggatəkgatək va mmá gbáng ka ndokchi gáng na.

23 Oga awap oza təm ka nkur aShəwol. Kang nkpaktak nggatəkgatək gáng awuwap. Mmá gbáng nkpaktak oza ka ndokchi. Òmà nak ayər ònəm ka apambin.>>

24 <<AElam uwa ka ta, kang nkpaktak nggatəkgatək gáng awuwap. Mmá gbáng nkpaktak oza ka ndokchi. Oza kwangtal ga ka ashe awap ka achè amulur, òmà nak ayər ònəm ka apambin. Kang oza yar iwuswa nzəng ka oro va kwangtal ga chit ka ashe awap á.

25 Oza nəm alyér á na ka ashe onəm okukú ka nkpaktak nggatəkgatək, nkpaktak oga awuwap gáng na, nkpaktak oza onəm oga achè amulur, ova mmá gbáng ka ndokchi. Oza ka yà i nak ayər ònəm ka apambin. Nyangmata te oza ka nyar iwuswa nzəng ka oro va kwangtal ga chit ka ashe awap, mmá but oza ka ashe oro va mmá gbáng.

26 <<Mbín aMeshek ka aTubal òma ka ta, ka nkpaktak nggatək oza, nkpaktak oga awap oza gáng oza. Nkpaktak oza onəm oga achè amulur, ova mmá gbáng ka ndokchi, oza va ka nak ayər ònəm ka apambin.

27 Oza ra dát ka onəm oga nnyi nlung ikum omatmat kat, ova táng ga ashe aShəwol ka iyaṃ ikum oza, ova ra ka oga ndokchi oza ka avəng oga ishi oza, nggwanggwang oza iyaṃ iga nkuk akup oza. Onəm oga nnyi nlung ikum va ta nak ayər ònəm ka apambin.

28 <<Kang mí chwan bu, áMasar, bu ra ka ashe

onəm oga achè amulur, ká ovəngva mmá gbáng ká ndokchi.

²⁹ <<UEdom uwa ka ta, ká oponzhi wò, ká nkpaktak onəm oga mpipyal, ova ka yà ká nkpak-tak ikam oza, i ra ká oro va mmá gbáng ká ndokchi, ká onəm oga achè amulur, ovəngva táng chit ka ashe awap.

³⁰ <<Nkpaktak onəm oga mpyal oga mpal òma ka ta, ká nkpaktak onəm oga aSidon. Oza táng chit ka ashe iwuswa ká ovəngva mmá gbáng, kakul nkpaktak ayər va oza nak ka atak ikam oza. Nyangmata te, oza ra onəm oga achè amulur ká oro va mmá gbáng ká ndokchi. Kang oza yar iwuswa nzəng ká oro va táng chit ka ashe awap.

³¹ <<Awalang va uFirona i ya oza te igugwak i ra kakul nggatəkgatək. UFirona ká nkpaktak onəm ikum wò, mmá gbáng ká ndokchi, uNəm uga nzhi uYawe à là.

³² Káp ká nva pa n nak uza ná ayər ónəm ka apambin, ká nnà te uza i ra ká onəm oga achè amulur, ká ovəngva mmá gbáng ká ndokchi, uFirona ká nkpaktak nggatəkgatək, uNəm uga nzhi uYawe à là.>>

33

Inok anəm uga mpángchí atak

¹ UYawe là nnap ká mi kàđi pa,

² <<Á ya anəm, là nnap ká onəm bu, là ôza pa, <A yà pa m ba ká ndokchi ka apal ishi mbin, kang onəm oga mbin va ta yak unəm ka ashe oza, kang á nak na tal unəm uga mpángchí oza,

³ kang a yà pà uza ya mmá kà mba ká ìkum mbin va ta, te uza bur agbæshi kakul pà na ô won onəm,

⁴ te a yà pà unəm va fe nnáp agbæshi te nak ishi ká kaṭ, kang ndokchi ba gbaḷ na, te nsur nchìchər i le ka apal ishishi.

⁵ Kakul uza fe nnáp agbæshi fe kang uza nak ishi ká kaṭ, te nsur nchìchər i təm ûwa ka ishi. A yà ñnyi pà uza nak ishi nak ká ìwon va ta, te uza i lár.

⁶ A yà pà unəm uga mpángchí atak va ta ya ndokchi ya kà mba te uza bur agbæshi pà na ô won onəm va ta kaṭ, kang ndokchi va ta a ba a gbaḷ unəm uro ka ashe oza kang unəm va ta kú ka ashe mpat wò, te mi ram nsur nchìchər ka awó anəm uga mpángchí atak va ta.>

⁷ <<Ñyangmata te, á ya anəm, n nak bu chit unəm uga mpángchí nzhi àlsarila. Awalang va kpaktak u fe nnap-nlà ka anung mi te bu na ìwon mi ôza.

⁸ A yà pà n là pà unəm uga nnap mbángbang i kú, kang u na ìwon pà na uza á gaḃan á re asal wò abángbang kaṭ, te unəm uga nnap mbángbang va ta i kú ka ashe mpat wò, kang mi ram nsur nchìchər ka awó bu.

⁹ A yà ñnyi pà u won unəm uga nnap mbángbang won pà na uza á gaḃan á re asal wò abángbang, kang á gaḃan kaṭ, te uza i kú ka ashe mpat wò, te u fa ká ishi bu chit.

¹⁰ <<Mma bu, á ya anəm, là nnap ká nzhi àlsarila pà, <Dər, ka ó là chit pà, <<Oga mpat yi ká oga nnap mbángbang yi ka apal yi, á vyap yi chit. Te ñyangmata te í nəm sang kang í lár yà?>>
>

11 Là ôzạ pa, <Nva nna n yà, mmami, uNəm uga nzhi uYawe, n fe nchang ikú anəm uga nnap mbángbàng kat, n òm pa uza á gabañ á re asal wò abángbàng na uza á lár. Ó gabañ, ó gabañ, ó re nnap nnəm wó mbángbàng, kakul iza kang ó kú yà, á nzhi àlsarila?>

12 <<Mmabu, á ya anəm, là ònəm bu pa nnap nnənan anəm unənan i nak na i lár kat, ka nda va uza nəm mpat á. Iyam íbángbàng anəm ubángbàng ñnyi te i nak uza i kú kat, a yà pa uza re iyam íbángbàng wò á. Inənan anəm unənan i nak na i lár kat, ka nda va uza tar nnəm iyam íbángbàng á.

13 A yà pa n là ònəm unənan pa uza i lár, a yà pa uza òm nkàm wò ká inənan kang à le nəm íbángbàng, te mi yà ká nrəng oga nnap nnənan nnənan mmatmat va cho kat. Uza i kú kakul íbángbàng va uza nəm á.

14 A yà pa n là ònəm ubángbàng pa nkpak uza i kú, te a yà pa uza gabañ re nnap mbángbàng wò, kang à nəm iyam inənan ká nnandər,

15 a yà pa unəm unga yəl nsar nnap va uza yar kang à le ká iyam va uza vyat ká ifan, uza kpak oga nnap mpakpak ngga irirì, uza re nnəm iyam íbángbàng, te nkpak uza i lár, uza i kú kat.

16 Mi yà ká nrəng ká oga mpat va uza nəm chit matmat kat, kakul uza nəm iyam inənan ká nnandər, nkpak uza i lár.

17 <<Kang onəm bu là pa, <Asal aYawe dakdak kat,> nnandər te a ji oza na dakdak kat.

18 Awalang va unəm unənan re nnəm inənan wò, kang à nəm íbángbàng, te uza i kú kakukul.

19 Awalang va unəm ubángbàng re nnəm íbángbàng wò, kang à nəm iyam inənan ká nnandər, te uza i lár kakukul.

20 Káp ká nna kpa te, ó là pa, <Asal aYawe dakdak kat.> Á nzhi àlsarila, mi nap akwali údanggo i mal ká nnap nnənəm.>>

Nnap nru aUrushelima

21 Kà nra ngga ntukun, ka ape aga agbapchi, ka izun iga igbapchi aman pa parəm iga ntəm izwal yi, te unəm uro uga nchér ikum ka aUrushelima ba ka atak mi, á là á mi pa, <<Mmá nəm igwan chit ka aUrushelima.>>

22 Ka arurong va ta kang unəm uga nchér ikum va ta i ba i chu te, awó áPonzhinan nna yà ka apal mi, á bol anung á mi chit ka awalang va unəm uga nchér ikum va ta ba ka atak mi ka ipin á. Anung mi ka bol chit, mmami akpang lap kat.

23 UYawe là nnap ká mi pa,

24 <<Á ya anəm, onəm oga ntəm ka oga atak alaklak va ka ashe mbin aIsarila ka nlà pa, <UAbərahām ká nkukwa wò na, káp ká nnà te mmá na mbin va ta á na tal njini, kang mmayi va i yiyəl, te nkpaktak mbin va ta mmá na kakul mmayi.>

25 Kakul nva ta te, là ôza pa, <UNəm uga nzhi uYawe là pa, <<Mmawo ka nrí izhe ká nchər, ó nak oga iwú wó ka oga ichər wó, kang ó táng nchər kpa, káp ká nnà te mmawó kà ndòm pa ó rí iyam akup ká mbin va ta dò?

26 Ó dar kà ndokchi, ó nəm oga ajan, kang nza uzəngtəng wó nggo nəm mmai ká uchar anəm

uga ngbak nzhi wò, káp ká nnà te mmawó kà ndòm pa ó rí iyam akup ká mbin va ta dò?>> >

27 <<Là ôza pa, <UNəm uga nzhi uYawe, là pa, <<Nva nna n yà, ovəngva kà ashe oga atak alaklak mí gbáng ká ndokchi, kang ovəngva kà ashe mpom te mi nak izhe iga anyin i rí oza. Kang oro va kà nzhi ngga mbwam ká ovəngva kà ashe oga agbak, te oza i kú kà atak arwa abángbang.

28 Kang mi nak mbin va ta i təm agúng, i yà atak lakchi, te ikəkam va uza i fam ká i kùr. Kang oga abam aIsarila i sat agúng, unəm uro yà i watar kà ashishe kat.

29 Kà awalang va n nak mbin va ta tal agúng, atak lakchi kakul nkpaktak oga ajan va oza nəm, te oza i nyi pa mmami na uYawe.>> >

30 <<Kang mmaɓu, á ya anəm, onəm bu but chit kà nlà nnap bu kà ngbak oga akamsəlang, kà anung asal oga nzhi, i là ôwan oza pa, <Ó ɓa, na i ga i fe nnap-nlà va fa kà atak aYawe.>

31 Oza ɓa kà atak bu, kang oza təm kà mpyal bu wa onəm mi, oza i fe nnap-nlà bu, te oza i kpak kat, kakul oza i nyám mman ngga anung, oza nak igwak oza kà nram mmak ngga asal anandər kat.

32 Kà atak oza te, mmaɓu wa ánəm uga nnyi nshì nnap-nshì mman, ká ichu ilukutlukut iga nchang nfe, va gwang ká iyam nnəm ichángchàng. Kakul oza i fe oga nnap-nlà bu, te oza nəm inok ká kat.

33 <<Awalang va iyam va ta i ɓa i yél, kang kà ngga nyél, te oza i nyi pa unəm uga nlà ichu Inan uwa kà yà kà ashe oza.>>

34

Nlà anung ka apal onəm oga nkpak aIsarila

¹ Te uYawe là nnap ká mi pa,

² <<Á ya anəm, là anung ka apal onəm oga nkpak aIsarila, là anung, là ôza pa, <Mmawó onəm oga nkpak, uNəm uga nzhi uYawe là pa, á lak ká wó chit, ônəm oga nkpak aIsarila, ó kpak ishi wó na chwat. Á mal pa onəm oga nkpak á kpak iyam nkang kat dõ?

³ Ó rí mpip oza, kang ó gún ishi wó ká awulu, kang ó pa oga iyam nkang imwalmwal, ká nnà te ó kpak iyam nkang va ta kat.

⁴ Ivəngva ya ká nkàm kat te ó təp kat, ó tən ivəngva ká arwa kat, ivəngva bəkchi te ó ran kat, ivəngva ranggang na pa, te ó le kà kat, ivəngva lar te ó ram kat, te mmawó kà nnəm ichumchum ka apal oza ká ikam ká ifan.

⁵ Te oza lyangshin kakul unəm uga nkpak oza ya kat, kang oza təm iyam-nrì nkpaktak oga izhé iga anyin.

⁶ Iyam nkang mi lyangshin, oza kà nranggang ka apal nkpaktak oga abam ká nza aduktum nggo. Oza lyangshin ka apal nkpaktak apambin, unəm uro ya mwo oza kat.

⁷ << <Kakul nva ta te, ônəm oga nkpak iyam nkang, ó fe nnap-nlà aYawe.

⁸ Mmami, uNəm uga nzhi uYawe, n là pa, <<Nva nna n ya, nnandər, kakul iyam nkang mi lang unəm uga nkpak, te oza tong iyam-nrì nkpaktak izhé iga anyin chit. Kakul onəm oga nkpak iyam nkang mi kà mmwo oza kat, oza kà nkpak iyam nkang mi kat, oza i kpak ishi oza,

⁹ kakul nva ta te, ônem oga nkpak iyam nkang, ó fe nnap-nlà aYawe.

¹⁰ Dêr, uNêm uga nzhi uYawe là pa, mmami kà mmên ikum ka apal onêm oga nkpak, mi ram iyam nkang mi ka awó oza. Kang oza i yà ká nkpak iyam nkang mi lap kat, na kang iyam nkang mi á tong iyam-nrì oza kat. Mi kam iyam nkang mi ka atak oza, le kang iyam nkang mi a tong iyam-nrì ka anung oza lap kat.>>

¹¹ << Kakul nva ta te uNêm uga nzhi uYawe là pa, mmawò ká ishi wò, ò mwo iyam nkang wò.

¹² Wa nva unêm uga nkpak iyam nkang i mwo iyam nkang va lyangshin ka ashe nggatêk, te wa nnà ta mi ram iyam nkang mi. Mi kam ishi oza kà nkpaktak oga atak va mmá lyangshin oza kà, ka ashe nra ngga mbêk anung ká idumdum.

¹³ Mi fa ká oza ka ashe onêm, mi bút oza ka ashe mbín pa dõngdõng, kang mi ba ká oza ka ashe mbin oza. Te mi kpak oza ka apal oga abam aIsarila, kà ngbak oga awang, kang kà nkpaktak oga atak va onêm kà ntêm kà ka ashe mbin.

¹⁴ Mi kpak oza ka atak aga nkpak iyam nkang anênan, kang ka apal oga abam aruprup aga aIsarila nnà i yà atak nkpak oza. Oza i ra ka atak nkpak nnênan, kang mi kpak oza ka atak nkpak nnênan ka apal oga abam aIsarila.

¹⁵ Mmami na ká ishi mi, mi yà unêm uga nkpak iyam nkang mi, kang mmami na ká ishi mi, mi na njul ôza, mmami, uNêm uga nzhi uYawe, n là.

¹⁶ Mi ram ilàrlàr, mi le ká ivèngva mmá bàk, mi ran ivèngva békchi, mi têp ivèngva kám kat, te mi zhì onêm omwálmwal ká okamkam oga

nkpak iyam nkang va ta. Mi kpak oza nkpak ngga nnander.

¹⁷ << <Kang mmawó iyam nkang mi ònyi te, mi pà akwali kà ìshimshe itam ká itam, kà ìshimshe inagàm ká mbít, mmami uNèm uga nzhi uYawe, n là.

¹⁸ Kà nya wó te iyam inenan, pa ó nrinrì ka atak nkpak wó nnenan kang ó le ó tòng aboshi atak aga nkpak wó ká oga ashar wó, kang nvang va ó wá ndeng nnenan chit, te ó le ó kulung abubo ká oga ashar wó dò?

¹⁹ Kang nkpak pa iyam nkang mi á rí iyam va ó tòng ká ashar wó, ka te pa oza á wá ndeng va ó kulung ká ashar wó dò?

²⁰ << <Kakul nva ta te, mmami uNèm uga nzhi uYawe, n là pa, <<Ó dər, mmami ká ishi mi, mi pà akwali kà ìshimshe itam imwalmwal ká itam izhakzhak.

²¹ Kakul ó dan kà ngbak, ká agar, kang ó dan nkpaktak ivəngva yà ká nkàm ka ká oga agbeshi wó, te ó lyangshin oza ka agbai,

²² mi kam ishi iyam nkang mi, oza i yà ká ntəm iyam-nrì lap ka. Kang mi pà akwali kà ìshimshe itam ká itam.

²³ Mi nak unəm uga nkpak oza pa uzəng, uzwal mi uDawuda, kang uza i kpak oza, uza i təm unəm uga nkpak oza.

²⁴ Kang mmami uYawe, mi yà Inan oza. Uzwal mi uDawuda ònyi te i təm uponzhi oza. Mmami uYawe, n là.>>

²⁵ << <Mi yar nsar nnap-nlà ngga ntəm ikánkáng ká oza kang mi bák nkpaktak oga izhé

iga anyin kà mbin va ta, kakul na oza á tøm ká ikángkáng ka ashe nzam, oza á ra ka ashe ikún.

²⁶ Mi nak oza ká nkpaktak oga atak va gáng aduktum mi, i sat iyam iga mba ká nnap nnənan. Mi re nrè ká ndəng ivar ka awalang wò, te i yà ndəng ngga nnap nnənan.

²⁷ Kang ikún iga mpom i wár ivan, kang mbin nnyi te i na iyam pa makmak, oza i tøm ká ikángkáng ka ashe mbin oza. Oza i nyi pa mmami na uYawe, ka awalang va m bun ikan oza, n kam ishi oza ka ashe awó onəm va ká nnəm izwal ôza á.

²⁸ Oza i yà ká ntəm iyam iga nrí nggom oga mbín lap kat, kat te izhé iga anyin iga mbin va ta i yà ká nrí oza lap kat. Oza i tøm ká ikángkáng, unəm uro yà i gbək oza lap kat.

²⁹ Mi nəm iram idopdop ôza le kang ayang a gbáng oza ká mbin va ta lap kat, na kang oza á kam mpwat ka atak oga mbín lap kat.

³⁰ Te oza i nyi pa mmami na uYawe, Inan oza, nna n yà nzəng ká oza, kang oza nzhi àlsarila, omà onəm mi, mmami uNəm uga nzhi uYawe, n là.

³¹ Mmawó iyam nkang mi, iyam nkang va mi kpak, kang mmami na Inan wó, mmami uNəm uga nzhi uYawe, n là.> >>

35

Nlà anung Inan ka apal aBam aSeyir

¹ UYawe là nnàp ká mi kàdī pa,

² <<Á ya anəm, dər asal aBam aSeyir, na ú là anung ka apal ishishi,

³ là á na pa, <UNəm uga nzhi uYawe là pa, Dər, áBam aSeyir, mmami kà mmən ìkum ká bu, kang mi yichi awó mi kà apal bu, te mi nak bu taḷ agúng, bu yà atak lakchi.

⁴ Mi nak oga itong bu i yà atak lakchi, kang i ra agúng, te bu nyi pa mmami na uYawe.

⁵ << <U pak inok nnəm ìkpar chit pa gənggəng, kang u na onəm oIsarila pa mmá gbáng kà atak ndokchi kà awalang aga ndaktak oza, kà awalang va nnáp akwali oza kúr chit.

⁶ Kàkul nva ta te, mmami uNəm uga nzhi uYawe uga irirì, n là pa, nnandər, mi nak mí tar nchər bu, kang nchər i wà bu. Kàkul nva u yang nnap ntar nchər kaṭ, kàkul nva ta te nchər i pak nwà bu.

⁷ Mi nak aBam aSeyir i təm agúng, i yà atak lakchi. Mi gbaḷ nkpaktak unəm uga ntar ká uga nfa kà ashishe.

⁸ Mi yəl oga abam bu ká oga akúm. Kà apal oga aduktum bu, kà ashe oga abandam bu, kà nkpaktak oga awang bu, ovəngva mmá gbáng kà ndokchi oza i tak.

⁹ Mi nak bu pak ntəm agúng, kang oga itong bu i yà atak lakchi mí təm kà kaṭ. Te bu nyi pa mmami na uYawe.

¹⁰ << <U là pa, oga akum aga aparəm va ta, ká mbín oza i yà nji bu, kang ó wur iyam akup ká oza, káp ká nva pa uYawe uwa yà kà ashe oza.

¹¹ Kàkul nva ta te mmami uNəm uga nzhi uYawe uga irirì, n là pa, nnandər mi pyát a bu i mal dakdak ká nram ìgwak, ká ìkpar va u nyám kàkul nýáng va mmaḃu ká kà apal oza. Mi nyám

ishì mi kà atak oza, kà awalang va mi pà akwali a bu.

¹² Te bu nyi pa mmami na uYawe, n fe nkpaktak oga mpwat va fe bu là kà apal oga abam aIsarila, mmabu kà nlà pa, <<Oza ra agúng chit, mmá na oza á yi chit pa i rí.>>

¹³ N fe avyal va fe bu náp kà apal ishì mi kà anung bu pa kpktak.

¹⁴ Kakul nva ta te uNəm uga nzhi uYawe là pa, ò nak bu, bu tēm agúng, kakul na nkpaktak apambin á nēm nchang igwak.

¹⁵ Wa nva u nēm nchang igwak kà apal iyam akup nzhi àIsarila va nnà tēm agúng chit, te wa nnà ta mi nēm ká bu, aBam aSeyir ká nkpaktak aEdom i tēm agúng, te mí nyi pa mmami na uYawe.> >>

36

Nnap nnənaŋ àYawe kà apal aIsarila

¹ <<Kang mmabu, á ya anəm, là anung kà apal oga abam aIsarila, là pa, <Ôga abam aIsarila, ó fe nnap-nlà àYawe.

² UNəm uga nzhi uYawe là pa, onəm oga nkpàng wó kà nlà pa, <<Dakdak, oga aduktum agbakgbak tēm aji yi chit ñyangmata.>> >

³ Kakul nva ta te là anung, là pa, <UNəm uga nzhi uYawe là pa, kakul oza nak wó chit ó tēm agúng kang à chwan wó kà nza ngbak nggo, pa na ó nyáng iyam iga ashe awó aboshi oga mbín, ó nyáng iyam iga nnáp avyal kà atak onəm.

⁴ Kakul nva ta te, ôga abam aIsarila, o fe nnap-nlà àNəm uga nzhi uYawe. Dər, uNəm uga nzhi

uYawe là ôga abam ká ôga aduktum, ká ôga awang, ká ôga abandam, ká ôga atak va tēm agúng atak lakchi, ká ôga itong va mmá yiyáng ká, iva tēm iyam iga nrí nggom, ká iyam iga nnáp avyal ka atak nkpaktak mbín va gáng á,

⁵ kakul nva ta te, uNēm uga nzhi uYawe là pa, n là nnáp ka ashe nram igwak ka apal aboshi oga mbín ká nkpaktak aEdom. Oza na mbin mi íshi oza tēm nji oza, ka ashe nchang igwak, ká mbak ntàn oza kam mbin mi, oza vyap atak nkpak iyam nkang mi.>

⁶ Kakul nva ta te, là anung ka apambin aIsarila, là ôga abam, ká ôga aduktum, ká ôga awang, ká ôga abandam pa, <Mmami uNēm uga nzhi uYawe kà nlà nnáp ka ashe ikpar ká nfél igwak, kakul ó kam mpwat chit ka atak mbín.

⁷ Kakul nva ta te, mmami uNēm uga nzhi uYawe, n sòng anung chit pa nkpaktak mbín va gáng wó te, oza i kam mpwat na kpa.

⁸ << <Kang mmawó, ôga abam aIsarila, ó tēp igwong wó, ó na awár wó kakul onēm mi oIsarila, kakul i gbàng nvàng kaṭ te oza i le nzhi.

⁹ Ó dər, mmami uji wó, mi le ka atak wó, kang mí wap mbin wó mí suk.

¹⁰ Kang mi nak onēm oga nzhi àlsarila pa kpaktak i myak ka apal wó. Mi me oga atak chwanchwan va ta kang onēm i tēm ka ashe oga itong va ta.

¹¹ Mi nak onēm ká iyam nkang i myak ka apal wó, kang oza i na ivan. Mi nak mí tēm ka ashe wó wa mmatmat kang mi nak wó o ga mpyal iji mmatmat ji. Te ó nyi pa mmami na uYawe.

12 Te mi ɓa ká onəm, onəm mi oIsarila, i chen ka apal wó, ó nyáng iyam akup oza, kang ó yà ká ngbáng ovan kà oza lap kat.

13 << <Dər uNəm uga nzhi uYawe là pa, kakul oza kà nlà á bu pa, <<U rí onəm, kang u gbáng ovan onəm bu,>>

14 kakul nva ta te, bu yà ká nrí onəm lap kat, kang bu yà ká ngbáng ovan onəm bu lap kat kpa, uNəm uga nzhi uYawe à là.

15 Kang mi yà ká nré bu, bu wá mpwat ka atak aboshi mbín lap kat, bu yà ká nyar iwuswa ka atak onəm lap kat, mi yà ká nnak mbin bu i ləp ifang lap kat, uNəm uga nzhi uYawe à là.> >>

Mí rup ká adín aYawe ka aIsarila

16 UYawe là nnàp ká mi kàdi pa,

17 <<Á ya anəm, awalang va nzhi àIsarila təm ka ashe mbin nji oza te, oza vyap na ka atak oga asal oza ká oga nnap nnəm oza. Nnap nnəm oza ka atak mi te, adak wa achar va təm ká akpar.

18 Te n nyám nfél igwak mi ka apal oza kakul nchər va oza táng ka ashe mbin va ta, kakul ka atak ngwop oga ichər oza, oza vyap mbin va ta ká.

19 Kang n lyangshin oza ka ashe oga mbín. N pà akwali ôza màl ká oga nnap nnəm oza ká oga asal oza.

20 Kang nvang va oza táng chit ka ashe oga mbín atak va oza ga ká, oza lak adín mi ayéryər, ka ashe onəm va oza ga ká. Te onəm là nnàp ka apal ishi oza pa, <Onəm va ta onəm aYawe, ká nnà te mmá fa ka oza ka ashe mbibin.>

21 Te á ðak mi ka_kul a_din mi ay_eryer, va_ nzhi àlsarila vyap ka_ ashe mbín ka_ atak va_ oza_ ga_ kà á.

22 <<Ka_kul nva_ ta te, là n_zhi àlsarila pa_, <UN_om uga nzhi uYawe là pa_, mi n_om iyam va_ ta_ ka_kul wó ka_, á nzhi àlsarila, ka_kul a_din mi ay_eryer va_ ó vyap ka_ ashe mbín ka_ atak va_ ó ga_ kà á.

23 Kang mi nyám ichumchum a_din mi ay_eryer, va_ mmá vyap ka_ ashe oga mbín kang nva_ ó vyap ka_ ashe oza_. Te mbín i nyi pa_ mmami na uYawe, uN_om uga nzhi uYawe, n là, awalang va_ mi nyám ôza_ pa_ mmami uy_eryer.

24 << <Mi fa_ ká wó ka_ ashe oga mbín, kang mi ðut wó kà nkpaktak apambin, te mi ða_ ká wó ka_ ashe mbin nji wó.

25 Mi sháng ndəng nnənan a wó, te ó yà pa_ zarara_ ka_ atak nkpaktak oga adak wó, kang ka_ atak nkpaktak oga ichər wó mi nál wó.

26 Mi na igwak ipipe á wó, mi nak aruhu apipe ka_ ashe wó. Mi tur igwak itwattwat i fa_ ka_ ashe wó, kang mi nak igwak ilukutlukut á wó.

27 Mi nak aruhu mi ka_ ashe wó, kang i nak wó, ó kpak oga nnap mpakpak mi, ó nak ishi ká.

28 Kang ó təm ka_ ashe mbin va_ ka_ n ná okéka_ wó, ó yà onəm mi, te mi yà Inan wó.

29 Kang mi kamshi wó ka_ atak nkpaktak oga mpat wó. Mi nak iyam nsuk i mar ishi, mi re ayang i nəm wó ka_.

30 Mi nak awár ikún ká iyam-nrì ka_ ashe iram i mak, le kang ó yar iwuswa ka_kul ayang lap ka_ ashe oga mbín ka_.

³¹ Kang ó rēng oga asal wó abángbāng, ká oga nnap nnēm wó va byen kạ á, te o ya òyēn ishì wó kạkul nnap mbángbāng wó ká oga iyām iga nnēm ajan wó.

³² Kạkul mmawó na mi nēm iyām va tạ kạ, uNēm uga nzhi uYawe à là, n nēm pạ na ó nyi, kạkul na iwuswa á nēm wó, na ìchēgwak á lẹp wó, á nzhi àlsarila.

³³ << <Unēm uga nzhi uYawe là pa, <<Kà ìlum va mi nàl wó kạ atak nkpaktak oga iyām ibángbāng wó te, mi nak ó tēm kạ ashe oga itong wó, kang oga atak va ra agúng mí me.

³⁴ Kang mbin va ra agúng te mí wap na, nva pạ á ra pa kạ iwú nkpaktak onēm va kạ nwatar á.

³⁵ Onēm i là pa, mbin va tạ kạ ra agúng chit matmat kang ònyangmata te á yà chit wa ìram aEden, kang oga itong va shin ra agúng, te mmá kạ ntēm kạ ashishe, kang mmá me akamselang á na.

³⁶ Te oga mbín va ra gáng wó i nyi pạ mmami na uYawe n le m me oga atak ashinshin va kạ ra agúng á. Mmami uYawe n là, te mi nənēm.>> >

³⁷ <<UNēm uga nzhi uYawe là pa, <Iyām va tạ mi ga nre nzhi àlsarila pạ á chál mi ñ nēm ôza, pạ n nak onēm oza i myak wa nggatək iyām nkang.

³⁸ Wa nggatək itám iyéryər, wa nggatək itám kạ aUrushelima iga nna kạkul nshì iyām awop, te wa nnà ta oga itong ishinshin va ra agúng i yəl kạ onēm pạ kyák. Te oza i nyi pạ mmami na uYawe.>>

37

Abandam aga akup awomwom

¹ Awó aYawe ka yà ka apal mi, kang à yar mi ka ashe aRuhu Inan fa ká, te á nak mi kà ìshimshe abandam va yél ká oga akup.

² Kang uza ranggang ká mi ka ashe oza, dər, omà ta pa kyák ka ashe abandam va ta, oza wom pa karakkarak.

³ Te uza là á mi pa, <<Á ya anəm, oga akup va ta te i lélár dō?>>

Te n na aman pa, <<ÁNəm uga nzhi uYawe, mmabu na bu nyi.>>

⁴ Te uza là á mi pa, <<Là anung ka apal oga akup va ta, là ôza pa, <Ôga akup awomwom, ó fe nnap-nlà àYawe.

⁵ Iyam va ta uNəm uga nzhi uYawe là, <<Mi ga mbur ñyi a wó, te ó lár.

⁶ Mi na oga ichip a wó ká ìnyám kang mi gún oza ká awá, te mi bur ñyi a wó, kang ó lár, te ó nyi pa mmami na uYawe.>> > >>

⁷ Te n là anung wa nva uza nak mi pa n là. Kang n là anung te, mmá fe nwam atak, kang oga akup gwang ká izəzər, akup gwang ká akup ka atak ngwang oza.

⁸ Kang n dər te, n ya oga ichip ka apal oza, ìnyám zəpchi oza, kang awá gún oza chit. Te ñyi yà ka ashe oza kat.

⁹ Te uza là á mi pa, <<Á ya anəm, là anung ka apal ñyi, là á na pa, <UNəm uga nzhi uYawe là pa, ñyi ngga ngbak ngga nneding á ba, á pyep ka apal onəm va mmá gbáng ta na oza á lár.> >>

¹⁰ Te n là anung wa nva uza nak mi, te ñyi tar ka ashe oza, kang oza lár, oza wong tong ká ashar oza, á yà nggatək onəm ikum pa makmak.

11 Te uza là á mi pa, <<Á ya anəm, oga akup va ta omà nzhi àlsarila. Dər, oza kà nlà pa, <Oga akup yi wom chit, kang nnak igwak yi yà lap kat, mmá gbáng yi chit kùr.>

12 Kakul nva ta te, là anung, là ôza pa, <UNəm uga nzhi uYawe là pa, <<Mi ga mbol oga awap wó, kang mi wong ká wó, kà ashe oga awap wó, ônəm mi. Te mi le ká wó kà ashe mbin aIsarila.

13 Ônəm mi, nnà te ó nyi pa mmami na uYawe, awalang va m bol oga awap wó, kang n fa ká wó kà ashe oga awap á.

14 Kang mi nak aruhu mi kà ashe wó, te ó lár, mi nak wó kà mbin wó. Te ó nyi pa mmami na uYawe, n là chit, kang mi nənəm,>> uYawe à là.>>

Onəm oYahudi ká oga alsarila I ga ntəm iponzhi pa izəng

15 Te uYawe là nnàp ká mi pa,

16 <<Á ya anəm, yar idari na ú lir kà apəpal pa, <Kakul aYahuda ká onəm oIsarila ova nzəng ká na.> Te yar idari iro kàđi, lir kà apəpal pa, <Kakul aYusufu, uva uEfərayim ká nkpaktak nzhi àlsarila ova nzəng ká na.>

17 Gwang oza kà anung zəngtəng á yà idari pa izəng kà awó bu.

18 <<Onəm bu i là á bu pa, <Bu nyám ipir oga iyam va ta á yi kat dō?>

19 Te là ôza pa, mmami, uNəm uga nzhi uYawe, n là pa, <Mi kam idari aYusufu uva uEfərayim ká onəm oIsarila ova nzəng ká na. Kang mi gwang ká idari àYahuda, mi nak oza i tal idari pa izəng kà awó mi.>

20 Idari va u lir iyam ka apal oza ka awó bu, te kpán kà mpyal oza,

21 te là ôza pa, mmami, uNəm uga nzhi uYawe, n là pa, <Mi fa ká onəm oIsarila ka ashe oga mbín va oza lyangshin ga kà, mi but oza ka achè nggo, kang mi ba ká oza ka ashe mbin nji oza.

22 Mi nak oza i təm mbin pa nzəng ka apambin, ka apal oga abam aIsarila. UPonzhi pa uzəng i nəm iponzhi ka apal oza pa kpaktak, oza i yà ká ntəm mbín pa mparəm lap kat, iponzhi oza i yà pa iparəm lap kat.

23 Oza i yà ká nvyap ishi oza ka atak oga ichər oza lap kat, ká iyam iga nnəm ajan, kat te ká nza apir mpat oza nggo. Mi kamshi oza ka atak nkpaktak nləp ifang va oza ləp, kang mi nál oza. Te oza i təm onəm mi, mmami ñnyi te mi yà Inan oza.

24 << <Uzwal mi uDawuda i yà uponzhi ka apal oza, kang nkpaktak oza i yà ká unəm uga nkpak pa uzəng. Oza i kpak oga nnap nkpakpak mi, ká oga nnap mpakpak mi.

25 Oza i təm kà mbin va n ná ũzwal mi uYakup, nva okáká wó ka təm kà. Oza ká ovan oza, ká ovan ovan oza i təm kà mbyet mbyet. Kang uzwal mi uDawuda i yà uponzhi oza mbyet mbyet.

26 Mi yar nsar nnap-nlà ngga ntəm ikángkáng ká oza, nva i təm mbyet mbyet. Mi nak oza ka ashe mbin oza, kang mi nak oza i myak, te mi pak nzhi ngga awop mi kà ishimshe oza mbyet mbyet.

27 Kang atak aga ntəm mi, i yà kà ishimshe oza, mi yà Inan oza, kang oza ñnyi te i yà onəm mi.

28 Te oga mbin i nyi pa mmami na uYawe uva

nàl aIsarila ka awalang va m pak nzhi ngga awop
mi kà ìshimshe oza mbyet mbyet.> >>

38

Nlà anung ka apal aGok

¹ UYawe là nnàp ká mi pa,

² <<Á ya anəm, dər uGok uga mbin aMagok,
uponzhi uchumchum uga aRot, ká aMeshek, ká
aTubal na ú là anung ka apəpal,

³ te là pa, <UNəm uga nzhi uYawe là pa,
<<Mmami ká mmən ìkum ká bu, áGok, uponzhi
uchumchum uga aRot, ká aMeshek, ká aTubal.

⁴ Kang mi le ká bu ká nvaṅ, te mi mwàk oga
akugiya á bu ka ashe oga njwalak bu, mi fa ká bu
ká nkpaktak oshozha bu, ká ipəri, ká onəm oga
nkwák ipəri, nkpaktak oza mwàk oga iyam ìkum
kang oga nggatək onəm ìkum, nkpaktak oza ka
oga nggwanggwang nchumchum, ká nggwanggwang
ká oga ndokchi.

⁵ OPasha, oHabasha, ká oPut omà yà nzəṅ ká
oza, nkpaktak oza ká nggwanggwang ká atagya
acham.

⁶ UGoma ká nkpaktak oshozha wò i yà nzəṅ
ká oza, ká Nzhi àTogarma ká nkur asal mpal ká
nkpaktak oshozhashozha. Kang onəm i ya pa
kyák nzəṅ ká bu.>>

⁷ << <Dəmsi izər, kang bù gbar izər gbar,
mmabu ká nkpaktak nggatək onəm ìkum bu va
but gáṅg bu, te bu yà unəm uga mpángchí oza.

⁸ Ká nvaṅ oga nra pa makmak te mi ba mi nak
bu, bu ga ìkum. Ká nkur oga izún i ro te, bu ga bu
ru mbin va nnà mmá ka kam ká ìkum, mbin nva

onəm but kà kà apal oga abam alsarila pa kyák, kà nvaṅ va oza le chit kà ashe aboshi oga mbín á, mbin nva mmá vyap chit pa matmat. Mmá fa ká onənəm kà ashe aboshi oga mbín, òyangmata te nkpaktak oza kà ntəm ikáńkáng.

⁹ Bu ga mpyal, bu ba wa ivar à wong, bu gún mbin va ta wa ilulu, mma bu ká nkpaktak onəm ikum bu, ká onəm pa kyák nzəng ká bu.

¹⁰ << <UNəm uga nzhi uYawe là pa, kà ilum va ta te, nrəng nnàp i ba kà ashe igwak bu, kang bu mar aghan abáńgbang.

¹¹ Te bu là pa, <<Mi kyén kà apambin va oga itutong yà ká akamsəlang kat. Mi ru onəm va kà ntəm ikáńkáng ká ikum, nkpaktak oza kà ntəm kà ashe akamsəlang kat, kang á yà ká oga anung nkəlang kat.

¹² Mi kam iyam iga nwur kà atak ikum, kang mi wur ndur oza i tal iyam iga nwur kà ikum, mi ru oga atak va mmá vyap, ava mmá kà ntəm kà ashishe òyangmata, ká onəm va mmá but kà ashe oga mbín. Oma yà ká iyam nkang ká idur, ova kà ntəm kà ishimshe apambin.>>

¹³ USheba ká uDedan, ká onəm oga nyap ká nyap ká oga aTarshi, ká nkpaktak onəm oga mpipyal i là á bu pa, <<U ba pa ú wur iyam ikum dò? U but nggatək onəm ikum bu pa na ú wur iyam iga nwur kà atak ikum, aazurfa ká azənariya, iyam nkang ká ndur, na ú kam kà oza dò?>> >

¹⁴ <<Kakul nva ta te, á ya anəm, là anung, là ũGok pa, <UNəm uga nzhi uYawe là pa, <<Kà ilum va ta kà awalang va onəm mi oIsarila kà ntəm ikáńkáng, te bu nyi kat dò?

¹⁵ Kang bu wong ka atak va mmabu ka, ka nkur asal mpal, ka nggatək onəm pa kyák nzəng ka bu, nkpaktak oza ka apal ipərí, nnang nggatək, onəm ikum okamkam.

¹⁶ Kang bu ba bu nəm ikum ka onəm mi oIsarila, bu gún oza wa nva ilulu i gún apambin á. Ka nra ngga nkur anung te mi ba ka bu ka apal ishi mbin mi, na oga mbín á nyi mi, awalang va mi nyám ka inənən mi á bu ka mpyal oza, áGok.>>

¹⁷ << <UNəm uga Nzhi uYawe là pa, <<Mmabu na va ka n là nnàp ka apal ishi bu ka ashe nra mmatmat ka atak ozwal mi oga nlà ichu Inan oIsarila kat dò? Pa ka ashe izún iga mba te mi ba ka bu, bu lung oza.

¹⁸ Te ka ilum va uGok a ba ka ikum ka mbin aIsarila te igwak i fəl mi, mmami uYawe n là.

¹⁹ Kakul ka ashe ikpar mi kang ka ashe nsur nfəl igwak mi, ka nra va ta te mí nak mbin i yənggət pa gənggəng ka ashe mbin ngga aIsarila.

²⁰ Igwali ka ashe iwá, ka inyil iga agbagba apabur, ka izhé, ka nkpaktak oga iyam iga nkpang ka afu, ka nkpaktak onəm va ka apambin oza i tán ka mpyal mi. Kang oga abam i shin i tak ka mbin, oga aduktum i ru, nza akamsəlang nggo i shin i tak ka mbin.

²¹ Mi na ayər ũGok ka asal pa dɔngdɔng, mmami uYawe n là. Onənəm i kyen owan oza ka oga ndokchi oza.

²² Mi nap akwali á na ka arwa abəngbəng, ka ntar nchər, kang mi pəng ivar ka adədal, ka apər, ka ipang apər ka apal ishishi ka nggatək onəm ikukum, ka onəm va pa kyák nzəng ka na.

²³ Ka asal va ta mi nyám ichumchum ká ñyà ká adak mi kaṭ, mi nyám ká ishi mi ka atak oga mbín. Te oza i nyi pa mmami na uYawe.>> >

39

¹ <<Kang mmabu, á ya anəm, là anung ka apal aGok, là pa, <UNəm uga nzhi uYawe là pa, <<Mmami kà mmən ikum ká uGok, uponzhi uga aRot ká aMeshek, ká aTubal.

² Mi gaḃan bu mi nak kà mpyal, mi dap bu kà nkùr asal mpal, kang mi ba ká bu kà apal ishi oga abam alsarila.

³ Te mi ləp ijang va ka awó apəram bu i ru, kang mi nak iwár va ka awó ari bu i tak.

⁴ Bu ru ka apal oga abam alsarila, mmabu ká nkpaktak nggatək onəm ikum bu, ká onəm va nzəng ká bu. Mi na bu ôga inyil iga nrí izhe nza apir iyam nggo, kang izhé iga anyin i kan bu.

⁵ Bu ru ka ashe mpom, kakul mmami, uNəm uga nzhi uYawe, n là.

⁶ Mi re nrè ká apər ka apal aMagok, kang ka apal ovəngva kà ntəm ká ikánkáng ka mbín va ka anung iwá, te oza i nyi pa mmami na uYawe.>>

⁷ << <Kang mi nak adin mi ayéryər mí nyi kà ishimshe onəm mi oIsarila, mi yà ká nré mí vyap adin mi ayéryər kàḏi lap kaṭ. Te oga mbín i nyi pa mmami na uYawe, uYéryər ka ashe alsarila.

⁸ Dər, kà mba, ilum va ka n là te kà mba, mmami, uNəm uga nzhi uYawe, n là.

⁹ << <Te oza va təm ka ashe itong iga alsarila i ga i màk apər i shì oga iyam abáng oza ká, oga ngg-wanggwang ká oga nggwanggwang nchumchum,

ijáng ká iwár, ikékam ká abár, kang oza i pak inok mmaḱ apər ká i chu ìzun pa ìfangshat.

¹⁰ Te oza i yà ká nwur akun ka ashe mpom, kaṭ te oza i kyen ikún ka ashe nzam lap kaṭ, kaḱul oza i pak mmaḱ apər ká oga iyam abáng va ta. Oza i vyap ova vyap oza, kang i vyat ova vyat oza, uNəm uga nzhi uYawe à là.

¹¹ << <Ka ashe nra va ta te, mi na atak nli awap ûGok ka ashe aIsarila, ka abandam onəm oga achen, ka asal nfa alum iwá. I gəl asal kà onəm oga nwatar, kaḱul ka ta na uGok ká nkpaktak nggatəkgatək mí li. Mí wór atak va ta pa aBandam á aHamon Gok.*

¹² << <Nzhi àIsarila i nəm ape pa fangshat òma kà nli oza, kaḱul na oza á nàl mbin va ta.

¹³ Nkpaktak onəm oga mbin va ta i li oza, i tal iyam iga nrup ká oza kà nra va mi nyám ichumchum mi, uNəm uga nzhi uYawe à là.

¹⁴ << <Kà nkùr ape aga afangshat, oza i gar onəm oro i ga ache nggo ka ashe mbin va ta, i mwo abo akúm va nna kà nra ka ashe mbin va ta i li, kaḱul na oza a nàl mbin va ta.

¹⁵ Awalang va onəm oga mmwo atak kà nrang-gang ka ashe mbin, kang unəm va pa nkpaktak ya akup ánəm, te uza i nak iyam iro i dát ká akup va ta, na onəm oga nlili á yar á li ka aBandam á aHamon Gok.

¹⁶ Itong i yà ka ta, adidin pa aHamona.† Ka asal va ta oza i nàl mbin va ta.>

¹⁷ <<Kang mmabu á ya anəm, uNəm uga nzhi uYawe là pa, ú là nnap ká nza apir inyil nggo, ká

* **39:11 39.11** aHamon Gok:ipir yà ta panggatək à Gok. † **39:16 39.16** aHamona:ipir yà ta panggatək.

nkpaktak izhé iga anyin pa, <Ó but, ó ba ka ache nggo, ó gwang ka atak nrí iyam iga nchang izər va n damshi kakul wó ka apal oga abam alsarila, na ó ri izhé kang ó wá nchər.

18 Ó ri izhé onəm ochumchum oga ikam, kang ó wá nchər onəm oga mpyal oga apambin, wa nva mí pà inagàm, ká ivan inagàm, ká mbít, ká ina inunggwán, nkpaktak oza iyam nkang imwalmwal iga aBashan.

19 Ó ri mpip i kúr wó kang ó wá nchər kpa i ran wó, ngga atak nrí iyam iga nchang izər va n damshi kakul wó á.

20 Kang ó yél afu wó ká ipəri, ká onəm oga nkwák ipəri, ká onəm ochumchum oga ikam, kang ká nkpaktak onəm oga ikum ka apal atebəl mi.> UNəm uga nzhi uYawe à là.

21 <<Mi nyám izhàn mi kà ishimshe oga mbín, kang nkpaktak oga mbín i ya nnáp akwali mi va n náp, kang awó mi va n nak ka apal oza.

22 Te nzhi àsarila i nyi pa mmami na uYawe, Inan oza, bàn kà nra va ta ga mpyal.

23 Kang oga mbín i nyi pa mmá ga izwal ká nzhi àsarila kakul nnap mbángbàng oza, kakul oza nəm nnandər a mí kaṭ, kakul nva ta te n gaḃan asal nsəm ôza, kang n na oza ka ashe awó onəm ikum oza, te oza gbáng nkpaktak oza ká ndokchi.

24 N nəm ôza mal ká nvyap oza, ká mpat oza, kang n gaḃan asal nsəm ôza.

25 <<Kakul nva ta te, uNəm uga nzhi uYawe là pa, <Nyangmata te mi le ká akum aYakup ka atak izwal, mi nyám nrwa igwak nkpaktak

nzhi àlsarila. Kang mi nəm ìkpar kakul adin mi ayéryər.

²⁶ Kà nvang va oza le chit oza ba təm ká ikánkáng kà ashe mbin oza, te oza i kong ká iyam iwuswa va oza nəm ká nkpaktak nlàng nnandər va oza nəm á mi. Unəm uro i gbək oza lap kat.

²⁷ Awalang va mi fa ká oza kà ashe onəm kang m but oza chit kà ashe oga mbín okpa ikum oza, te mí ya kà ashe oza pa mmami uyéryər, kakul na nkpaktak apambin á ya.

²⁸ Te oza i nyi pa mmami na uYawe, Inan oza, kakul kà n nak oza chit ga izwal kà ashe oga mbín, kang mi le ká oza kàdi kà ashe mbin oza. Mi yà ká nré uro pa uzəng kà ashe oza kà ashe oga mbín va ta lap kat.

²⁹ Kang mi yà ká nggaḅan asal nsəm óza lap kat, mi fər ká aRuhu mi kà apal nzhi àlsarila, uNəm uga nzhi uYawe à là.> >>

40

Alár nzhi Inan nchumchum va uEzikiyel ya

¹ Kà nra ngga ngbapchi kà apye aga nggəshi kà izun iga isəm pa iparəm aman pa tukun iga ntəm izwal yi, kà izun iga igbapchi aman pa neding kà nvang va mmá shin itong aUrushelima chit, ká nda va ta te, awó aYawe fər kà apal ishi mi, te á yar mi ba ká kà ta.

² UYawe ga ká mi kà mbin aIsarila kà ashe alár, uza nak mi kà apal abam va rup byet, kà ta n ya atak wa itong kà asal nkwandal.

³ Awalang va uza ba ká mi kà ta, te n ya unəm uro uva fa izər ká acham arəzang, á kpán asang

nsámsám ká apir azáng aro aga mmal iyam ka awó. Kang uza sat ka anung asal.

⁴ Te unəm va ta là á mi pa, <<Á ya anəm, dər ká iwú bu, fe ká achwang bu, kang bù nak ishi ká nkpaktak iyam va mi nyám á bu, kakul nnà kang mmá ba ká bu ka ta pa ní nyám á bu. Nyám ká nkpaktak iyam va u ya n̄zhi àl̄sarila.>>

⁵ N ya akamsəlang gáng agbagba nzhi Inan nchumchum. Nwang azáng aga mmàl iyam va ka awó anəm va ta te ashar pa gbapchi ká abubo. Te uza m̀al ntwat akamsəlang va ta te uza ya azáng aga mmàl iyam pa zəng, nrurup azáng aga mmàl iyam pa zəng.

⁶ Uza le ga anung asal aga ndər asal nfa alum, uza kyén ka apal atak ntòng nkikyén ba ga, te uza m̀al ntwat anung asəsal azáng aga mmàl iyam pa zəng.

⁷ Nwang afu nzhi onəm oga mpángchí atak azáng aga mmàl iyam pa zəng, ntutwat azáng aga mmàl iyam pa zəng. Ashar pa nanne ká abubo kà ishimshe afu nzhi ká afu nzhi. Anung nzhi va nna dát ká atak njul ngga anung asal nzhi Inan nchumchum te azáng aga mmàl iyam pa zəng.

⁸ Te uza m̀al anung asal atak njul ngga ashe va dər asal nzhi Inan nchumchum azáng aga mmàl iyam pa zəng.

⁹ Te uza m̀al atak njul ngga anung asal ashar pa gbapchi aman pa parəm, kang uza m̀al oga nggugwan ashar pa neding. Atak njul ngga anung asal va ta dər asal awu nzhi Inan nchumchum.

¹⁰ Kà nza ngbak nggo ngga anung asal aga asal nfa alum te oga afu nzhi onəm oga mpángchí atak

pa nshatding. Mmàl oza iyam zengtəng, kang ishimshe afu nzhi ká afu nzhi iyam zengtəng.

¹¹ Te uza mál mbal anung asal ashār pa gbapchi aman pa fangshat ká abubo, kang agəlan anung asal ashār isəm pa iparəm aman pa parəm ká abubo.

¹² Nya akamsəlang na yà kà mpyal afu nzhi onəm oga mpángchí atak va ta, irurup ashār pa nzəng ká abubo kà nza ngbak nggo. Kang mmàl nzhi onəm oga mpángchí atak ashār pa gbapchi ká abubo kà nza ngbak nggo.

¹³ Te uza mál anung asal ban ka ashe afu nzhi onəm oga mpángchí atak ga chu anung asal ka ashe afu nzhi va mal ikoksok ka nwan wò, te mbəbal ashār isəm pa inedding aman shatding ká abubo.

¹⁴ Uza mál atak njul kpa, irurup ashār igbəl ka utukun, kang agəlan gáng atak njul.

¹⁵ Ka anung asal aga ntar ga chu nkùr aga atak njul ashār isəm pa inanne aman pa fangshat ká abubo.

¹⁶ Oga mbol ayér nna yà gáng oga afu nzhi onəm oga mpángchí atak kang a gáng atak njul kpa. Mmá cha alakan oga ikún akulom ka izər nzhi va kap afu nza nzhi nggo.

¹⁷ Te uza tar ká mi ka ashe agəlan aga gbai, n dər te n ya oga nzhi ká ipáng mmá gbap gáng agəlan aga agbai va ta. Oga nzhi isəm pa ishatding gáng agəlan aga agbai va ta.

¹⁸ Atak agbapgbap va ta ra ka ngbak oga anung nkəlang kang nwuwang á mál dakdak ká oga anung nkəlang va ta. Nnà atak agbapgbap aga asal avəng.

19 Te uza_màl ìshimshe va_kà mpyal anung asal_aga agəlan_aga agbai ká_anung asal_aga agəlan_aga ashe, uza_ya ashar igbàl ká_ìsəm pa_ifangshat aman_pa_tukun ka_asal_nfa alum, wa na ta kpa ká_asal_mpal.

20 Te uza_mal nwang ká_mbal anung asal_aga asal_mpal va_dər asal_agəlan_aga agbai.

21 Oga afu nzhi nji onəm oga mpángchí atak pa_nshatding kà_nza_ngbak nggo. Oga izər nzhi va_kap afu nzhi ká_atak njujul mal dakdak ká_anung asal_aga nggəshi. Kang nwuwang ashar ìsəm pa_inanne aman_pa_fangshat ká_abubo, mbəbal ashar ìsəm pa_neding aman_pa_shatding ká_abubo.

22 Kang oga mbol ayiyər, ká_oga atak njujul, ká_alakan_oga ikún akulom va_mmá cha te iyam zəngtəng ká_anung asal_va_dər asal_nfa alum á. Atak ntòng ashar pa_fangshat kang onəm i chu nkukur, agəlan anung asal_nna yà kà_mpyal oga atak ntòng ashar va_ta.

23 Kà_mpyal anung asal_aga asal_mpal, te anung asal_nna yà aga ntar agəlan_aga ashe, wa nna ta kpa ka_anung asal_aga nfa alum. Kang uza_mal kà_anung asal_ga chu anung asal_ashar igbàl ka_ìsəm pa_ifangshat aman_pa_tukun.

24 Te uza_ga ká_mi ka_asal_nkwandal, ka_ta te anung asal_aro nna yà dər asal_nkwandal. Uza_màl izər nzhi va_kap afu nzhi ká_atak njujul, te oza iyam zəngtəng ka_oga aboshi nro.

25 Oga mbol ayər òma yà gáng anung asal_va_ta ká_atak njujul wa oga mbol ayər aboshi nro. Nwuwang ashar ìsəm pa_inanne aman_pa_ifangshat ká_abubo, kang mbəbal ashar ìsəm pa

ìneding aman pa shatding ká abubo.

²⁶ Nna ká atak ntòng nkyén pa nfangshat ba ga chu igəlan anung asal. Mmá cha alakan ikún akulom ka apal oga izər nzhi va kap afu nzhi, pa zəng kà nza ngbak nggo.

²⁷ Kang anung asal nna yà ka asal nkwardal agəlan aga ashe va ta. Uza mal ka anung asal va ta ga chu anung asal aga agbai aga asal nkwardal ashar igbal ká isəm pa ifangshat aman pa tukun.

²⁸ Te uza ga ká mi ka agəlan aga ashe ka asal anung asal aga nkwardal, uza mál anung asal va ta, te uza iyam zəngtəng ka oga aboshi nro.

²⁹ Oga afu nzhizhi, ká oga izər nzhi va kap afu nzhi, ká oga atak njujul oza iyam zəngtəng wa oga aboshi nro, kang oga mbol ayər gáng na ká nkpaktak atak njujul. Nwuwang ashar isəm pa inanne aman pa ifangshat ká abubo, kang mbəbal ashar isəm pa ineding aman pa shatding ká abubo.

³⁰ Oga atak njul nna yà gáng oga anung asal aga agəlan aga ashe, nwuwang ashar isəm pa ineding aman pa shatding ká abubo, kang mbəbal ashar pa nanne ká abubo.

³¹ Atak njujul dər asal agəlan aga agbai, mmá cha oga alakan oga ikún akulom ka oga ngbak anung asal, kang nna yà ká atak aga ntòng nkyén pa nne.

³² Te uza ga ká mi ka agəlan aga ashe ka asal nfa alum, kang uza mál anung asal, á mál dakdak wa oga aboshi aro.

³³ Oga afu nzhizhi, ká oga izər nzhi va kap afu nzihi, ká oga atak njujul oza iyam zəngtəng

wa oga aboshi nro, kang oga mbol ayér gáng na ká nkpaktak atak njujul. Nwuwang ashar isəm pa inanne aman pa fangshat ká abubo, kang mbəbal ashar isəm pa ineding aman pa shatding ká abubo.

³⁴ Atak njujul dər asal agəlan aga agbai, mmá cha oga alakan oga ikún akulom ka oga ngbak anung asal, kang nna yà ká atak aga ntòng nkyén pa nnanne.

³⁵ Te uza ga ká mi ka anung asal aga asal mpal, kang uza mál na, mál dakdak ká oga aboshi aro.

³⁶ Oga afu nzhizhi, ká oga izər nzhi va kap afu ízhi, ká oga atak njujul oza iyam zəngtəng wa oga aboshi nro, kang oga mbol ayér gáng na ká nkpaktak atak njujul. Nwuwang ashar isəm pa inanne aman pa fangshat ká abubo, kang mbəbal ashar isəm pa ineding aman pa shatding ká abubo.

³⁷ Atak njujul dər asal agəlan aga agbai, mmá cha oga alakan oga ikún akulom ka oga ngbak anung asal, kang nna yà ká atak aga ntòng nkyén pa nnanne.

³⁸ Ka ngbak atak njul aga ashe oga anung asal te, afu nzhi na yà ká anung ka ngbak pa nzəng ka nza anung asal aga ashe nggo, atak va ta mí nál oga iyam inana iga nshì pa dwot ká.

³⁹ Ka ashe atak njul ngga anung asal, te atebəl nna yà pa parəm kà nza ngbak nggo, ka atak va ta mí pa iyam inana iga nshì pa dwot, ká iyam inana iga nnap mbángbang ká iga mpat.

⁴⁰ Ka anung asal aga agbai atak njul, ka atak ntòng nkyén mba ngga anung asal aga asal mpal te oga atebəl nna yà pa parəm kà nza ngbak nggo.

⁴¹ Oga atebəl nna yà pà nedíng kà nza ngbak anung asal nggo, pà kpaktak te, oga atebəl pà nanne ava mí pà oga iyam nkang iyam inana kà.

⁴² Kang oga atebəl nna yà pà nedíng va mmá nəm ká ipáng ikpákpà, kakul iyam inana iga nshì pà dwot, nwuwang ká mbəbal ashar pà parəm ká abubo, kang nrurup ashar pà zəng ká abubo. Kà ta na mí nak oga iyam iga mpà iyam inana iga nshì pà dwot, ká oga abo nləfər.

⁴³ Kang oga nggùnggúng gáng ashe afu nzhi va ta, nwuwang mbar ifang pà izəng. Kà apal oga atebəl va ta mí nak izhe iyam inana.

⁴⁴ Kà asal agbai aga ntar anung asal aga ashe oga nzhi pà mparəm nna yà kà ta, pà nzəng kà anung asal aga asal mpal va dər asal nkwandal, nzəngtəng kà ngbak anung asal aga asal nkwandal va dər asal mpal.

⁴⁵ Te uza là á mi pà, <<Nzhi va dər asal nkwandal te nji onəm oga mpyal awop ova kà nnak ishi ká nzhi Inan nchumchum,

⁴⁶ kang nzhi va dər asal mpal te, kakul onəm oga mpyal awop ova kà nnak ishi ká atak mpyal awop. Omà akum ijili àZadok, ova kà ashe oLawi i ba datkulung ká uYawe pà ó nəm inok á na.>>

⁴⁷ Te uza mál agəlan, ashar igbəl ká isəm pà ifangshat aman pà tukun nwuwang ká mbəbal. Kang atak aga mpyal awop nna yà kà mpyal nzhi va ta.

⁴⁸ Te uza ga ká mi kà atak njul ngga atak awop va ta, kang uza mál oga nggwan atak njul va ta, ashar pà nanne ká abubo kà nza ngbak nggo. Mbal anung asal va ta ashar isəm pà iparəm

aman pa neding ká abubo, kang ngbak izəzər
ngga anung asal ashar pa tukun ká abubo.

⁴⁹ Nwang atak njul va ta ashar isəm pa
ishatding aman pa tukun, kang mbəbal ashar pa
gbapchi aman pa fangzəngtəng ká abubo. Oza i
kyén oga atak ntòng nkyén pa ngbapchi, nna ya
ka nggwan pa nzəng kà nza ngbak nggo.

41

¹ Te uza ga ká mi ka ashe nzhi Inan nchum-
chum kang uza mál oga nggugwan. Kà nza ngbak
nggo mbəbal ashar pa gbapchi ká abubo.

² Mbal anung asal aga ntar ashar pa gbapchi
aman pa fangshat ká abubo, kang oga ngbak
anung asal aga ntar va ta ashar pa nanne ká
abubo kà nza ngbak nggo. Te uza mál nzhi
Inan nchumchum va ta nwuwang ashar isəm pa
ifangshat, kang mbəbal ashar isəm pa ishatding
aman pa tukun.

³ Te uza tar ga ashe afu nzhi ngga ashe, kang
uza mál oga nggwan aga anung asal, ashar pa
shatding ká abubo kang mbal anung asal va ta
ashar pa gbapchi ká abubo. Kang oga ngbak
anung aga asal va ta ashar pa gbapchi aman pa
parəm ká abubo kà nza ngbak nggo.

⁴ Kang uza mál nwang afu nzhi ngga ashe va ta
ashar isəm pa ishatding aman pa tukun, mbəbal
ashar isəm pa ishatding aman pa tukun kà mpyal
nzhi Inan nchumchum. Te uza là á mi pa, <<Atak
va ta Atak Ayéryər va ji pa kpaktak.>>

⁵ Te uza mál izər nzhi Inan nchumchum va ta,
ntutwat ashar pa gbapchi ká abubo, kang uza mál

mbal afu oga nzhi va_gáng na ashar pa_fangshat, ka_nza_ngbak nggo.

⁶ Kang nzhi onəm oga mpángchí atak ngga ngbak, nkyén pa_nshatding, nro ka_apal nro, isəm pa_ishatding kà nza_nkyén nggo. Kang akamselang nna yà tēp oga izər nzhi va_ta, le kang oza_a ra ka_apal nzhi va_ta kat.

⁷ Oga nzhi gáng nzhi va_ta, kà nkyén te, kà mbol kà mbol, kakul akamselang gáng nzhi Inan nchumchum te, pak inok mbol kà nza_nkyén nggo. Kà ngbak nzhi Inan nchumchum te, oga atak aga nkyén nna yà, kakul na unəm á kyén kà nkyén ngga avəng á ga nkyén ngga ishimshe, kà nkyén ngga apal.

⁸ N ya atak agbapgbap akyénkyén gáng nzhi va_ta, mbang oga afu nzhi va_ta, mmá māl azáng aga mmāl iya_m ashar pa_gbapchi kà abubo.

⁹ Ntwat izər nzhi ngga agbai oga nzhi ngga ngbak va_ta, ashar pa_nanne kà abubo. Mbal agbagba va_kà ishimshe oga nzhi ngga ngbak va_ta,

¹⁰ kà ishimshe oga nzhi onəm oga mpyal awop va_ta, mbal ashar isəm pa_ishatding aman pa_tukun gáng nzhi Inan nchumchum va_ta kà nza ngbak nggo.

¹¹ Kang oga anung asal oga nzhi ngga ngbak va_ta bol dər asal agbagba. Anung asal aro dər asal mpal, kang azəngtəng dər asal nkandal, mbal agbagba va_kà ishimshe oga nzhi va_ta ashar pa_nanne kà abubo gáng pa_kpaktak.

¹² Nzhi va_nnà dər asal amulok nzhi Inan nchumchum kà asal ntar alum te, ashar igbal kà isəm pa_iparəm aman pa_parəm. Ntwat izər nzhi

va ta ashar pa nanne ka abubo gang pa kpaktak, kang nwuwang ashar igbal ka isem pa itukun aman pa fangshat.

¹³ Te uza mal nzhi Inan nchumchum va ta, nwuwang ashar igbal ka isem pa ifangshat aman pa tukun. Nwang amulok va ta, ka nzhi va der asal ntar alum, ka oga akamselangkamselang ashar igbal ka isem pa ifangshat aman pa tukun.

¹⁴ Kang mbal nzhi Inan nchumchum ka amulok va ta, ashar igbal ka isem pa ifangshat aman pa tukun.

¹⁵ Te uza mal nwang nzhi va der asal amulok va ka asal nsom ka afufu aga asal agbai ka nza ngbak nggo, ashar igbal ka isem pa ifangshat aman pa tukun.

Ashe nzhi Inan nchumchum ka atak ayeryer va ji, ka oga atak njul aga amulok,

¹⁶ ka oga ndar ngga anung asal, ka oga mbol ayer mbotbot, ka oga afu nzhi ngga asal agbai va gang nshatding oza, nkpaktak oza mma bam ka akun ban ka akum ba chu oga mbol ayer, kang oga mbol ayer va ta mma nem ka oga mbol,

¹⁷ ka apal anung nzhi, wa nna ta kpa afu nzhi ngga ashe, kang ka asal agbai. Kang ka apal nkpaktak oga akamselang, ka ashe ka agbai te, mma memal.

¹⁸ Mma cha alakan oga akerup ka oga ikun akulom, ncha ikun akulom ka ishimshe akerup ka akerup. Nza akerup nggo nna ka asal awu pa parem,

¹⁹ asal awu aji anem lebber ka nder ncha ikun akulom ka ngbak nro, kang asal awu aga iya ilir ka nder ncha ikun akulom iga ngbak nzengteng. Wa

nnà ta mmá cha ka izər nzhi Inan nchumchum pa kpaktak.

²⁰ Bàn ka akùm ba chu apal anung nzhi te, mmá cha oga alaḱan oga akerup ká oga ikún akulom, kang wa nnà ta kpa ka izər nzhi Inan nchumchum.

²¹ Oga ndar ngga anung nzhi Inan nchumchum va ta, mbəbal ká nwuwang mál izər, kang kà mpyal Atak Ayéryər va ta, iyaṃ iro nna yà fa izər

²² ka mpyal atak nshì iyaṃ awop aga akun, nrurup ashar pa tukun ká abubo, nwuwang ashar pa shatding ká abubo. Oga nggulyang-gugulyanggu, ká ijilijili, ká izəzər mmá nəm ká akun. Te uza là á mi pa, <<Atebəl va ta nna kà mpyal àYawe.>>

²³ Nzhi Inan nchumchum ká Atak Ayéryər òma yà ká oga anung nzhi mbol pa mparəm.

²⁴ Nza anung nzhi nggo te, nna yà ká atak nkuk pa mparəm, nva i bol nsəm ká ashe.

²⁵ Ka apal oga anung nzhi ngga nzhi Inan nchumchum te, mmá cha alaḱan oga akerup ká oga ikún akulom wa nva mmá cha ka izər nzhi á. Kang aghal nna yà ava mmá pak ká akun kà mpyal atak njul ngga asal agbai.

²⁶ Oga mbol ayər nzhi nna yà mbotbot ká oga alaḱan ikún akulom kà nza ngbak nggo, ká ngbak oga izər nzhi aga atak njul, kang ka apal anung oga afu nzhi ngga ngbak aga nzhi Inan nchumchum.

42

Oga afu nzhi kaḱul onəm oga mpyal awop

¹ Te uza ga ká mi ka agəlan va dər asal mpal, kang uza ba ká mi kà nzhi va mál ikwoksok ká agbagba ká nzhi ngga asal mpal.

² Nwang nzhi va anunung dər asal mpal te, ashar igbal ká isəm pa ifangshat aman pa tukun, kang mbəbal ashar isəm pa inanne aman pa fangshat.

³ Ka asal mpyal amulok aga ashe te, ashar isəm pa ishatding aman pa tukun, kà mpyal agəlan agbagbap va ka agbai te, nzhi nna yà dāt nkyén pa nshatshat.

⁴ Kà mpyal afu oga nzhi va ta, asal nna yà ka ashe, mbəbal ashar pa gbapchi aman pa fangshat, kang nwuwang ashar igbal ká isəm pa ifangshat aman pa tukun. Oga anung oza dər asal mpal.

⁵ Kang oga afu nzhi va ka apal á bot ji nvəngva ji kà ishimshe kà nvəngva ka avəng.

⁶ Kakul nna yà ká nkyén pa nshat, kang oza yà ká oga nggwan wa oga nggwan ngga agəlan kat. Kang oga nzhi va ka apal rup chu oga nvəngva ka avəng ká ishimshe kat.

⁷ Kang akamsəlang nna yà ka agbai dát ká oga afu nzhi va dər asal agəlan, kang à mál ikwoksok ká oga afu nzhi, nwuwang ashar isəm pa inanne aman pa fangshat.

⁸ Nwang oga afu nzhi va ka agəlan te, ashar isəm pa inanne aman pa fangshat. Kang oga nro va dər asal nzhi Inan nchumchum te, nwang oza ashar igbal ká isəm pa ifangshat aman pa tukun.

⁹ Ka avəng oga afu nzhi va ta te, anung aga ntar nna yà kà ngbak asal nfa alum, a va mí tar kà ka

agəlan.

¹⁰ Kà mbal akamsəlang aga agəlan va dər asal nfa alum, kà mpyal agbagba, kà mpyal nzhi te, oga afu nzhi nna yà ka ta,

¹¹ ká asal kà mpyal oza. Wa oga afu nzhi va ka asal mpal, nwang oza ká mbal oza, ka asal aga nfa va mmá damshi, ká oga anung nzhi pa kpaktak iyam izəngtəng.

¹² Wa oga anung asal aga ntar oga afu nzhi va ka asal nkwandal te, wa nnà ta kpa anung asal aga ntar nna ga ka asal va kà mpyal akamsəlang ka asal nfa alum, wa avəngva á tar ka ashe oza.

¹³ Te uza là á mi pa, <<Oga afu nzhi va ka asal mpal, ká nva ka asal nkwandal kà mpyal agbagba te, nnà oga afu nzhi nyéryər, atak va onəm oga mpyal awop va i ba dát ká uYawe, i ri iyam inana iyéryər va ji pa kpaktak. Ka ta na oza i nak iyam inana iyéryər iga ipir ikùr, ká iyam inana nnap mbəngbəng, ká iyam inana mpat, kakul atak va ta ayéryər.

¹⁴ Awalang va onəm oga mpyal awop i táng Atak Ayéryər te, oza i fa ka ashishe i ga ashe agəlan kat, ya oza i zəp ilukwán inok oza kang, kakul ilukwán va ta iyéryər. Oza i mwàk ilukwán iro kang oza i fa ka atak va onəm kà.>>

¹⁵ Awalang va uza gbal ká mmàl ashe agəlan nzhi Inan nchumchum te, uza fa ká mi ka anung nkəlang ava dər asal nfa alum, kang uza mál nkpaktak agbagba va gáng na.

¹⁶ Uza mál ngbak ngga asal nfa alum ká azáng aga mmàl iyam, ashar igbal pa inanne ká isəm pa ifangshat aman pa tukun.

¹⁷ Uza màl ngbak ngga asal mpal ká azáng aga mmàl iyam, igbàl pà inanne ká isəm pà ifangshat aman pà tukun.

¹⁸ Kang uza màl ngbak ngga asal nkwandal, ashar igbàl pà inanne ká isəm pà ifangshat aman pà tukun.

¹⁹ Te uza gaban ngbak ngga asal ntar alum, uza màl ashar igbàl pà inanne ká isəm pà ifangshat aman pà tukun.

²⁰ Uza màl nkpaktak oga ngbak ngga nneding va ta. Akamsəlang nna yà gáng na, nwuwang ashar igbàl pà inanne ká isəm pà ifangshat aman pà tukun, kang mbəbal ashar igbàl pà inanne ká isəm pà ifangshat aman pà tukun, kakul na á kap ishimshe atak ayéryər ká atak ayéryər kat.

43

Izhàn àYawe le ba ka ashe Nzhi Inan nchum-chum

¹ Te uza ga ká mi ka anung nkəlang va dər asal nfa alum.

² Kang ka ta te, izhàn Inan oIsarila kà mba ka asal nfa alum. Kang ndufum wa ndum oga iwá, kang apambin ghan ká izhəzhan.

³ Alár va ka n ya te, wa alár va ka n ya ka awalang va uza zhì itong va ta,* wa nva ka n ya ka anung awang aKebär. Te n ru n zəp ká afu.

⁴ Kang izhàn àYawe tar ashe nzhi ka anung nkəlang va dər asal nfa alum,

* **43:3 43.3** Itong va ta te, aUrushelima.

⁵ aRuhu ghaṗ mi wong kang à ga ká mi ka ashe amulok, ka ta byet te, ìzhàn àYawe yél ashe nzhi Inan nchumchum.

⁶ Nva unəm uwa kà ntal kà ngbaḵ mi te, n fe unəm kà nlà nnàṗ ká mi ka ashe nzhi Inan nchumchum.

⁷ Uza là á mi pa, <<Á ya anəm, atak va ta na itok iponzhi mi ká atak ntòng ashar mi, atak va mi təm kà, kà ìshimshe onəm oIsarila mbyet. Kang nzhi àIsarila ká oponzhi oza, i yà ká nvyap adin mi ayəryər lap kaṭ, ka atak nnəm mmai oza, kaṭ te ka atak oga akúm oponzhi oza kà oga atak achumchum oza kaṭ.

⁸ Awalang va oza nak akun aga anung nzhi aga avəng dát ká akun aga anung nzhi njem, kang oza pak ndar ngga anung nzhi oza dát ká njem, akamsəlang na chwət kap ìshimshe yi. Oza vyap adin mi ayəryər ka atak oga ajan oza, kaḵul nva ta te n zhi oza kaḵul oza lak igwak á mi.

⁹ Nyangmata te, oza á re nnəm mmai oza, oza á swang oga akúm oponzhi oza á gbàng ká mi, te mi təm ka ashe oza mbyet.

¹⁰ <<Kang mmaḅu, á ya anəm, nyám nzhi va ta ônəm oIsarila, na iwuswa á nəm oza kaḵul nnap mbángbàng oza, te nak oza á mál mmàm nzhi Inan nchumchum va ta.

¹¹ Kang a yà pa oza nəm iwuswa nkpaṭtak iyam va oza nəm te, wa nyám mmàm nzhi Inan nchumchum ôza, ká asal aga mmime, ká oga asəsaḷ aga nfa, ká oga asəsaḷ aga ntar, ká asal aga mmime pa kpaṭtak. Nyám ká oga nnap nkpaḵpaḵpaḵpaḵpaḵ ká oga nnap mpaḵpaḵpaḵ-

pak pa kpaktak, lir kà mpyal oza kakul na oza á kpak nkpaktak oga nnap mpakpakpakpak ká oga nnap nkpakkpakkpakpak.

¹² Iyam va ta nnà nnap mpakpak ngga nzhi Inan nchumchum, nkpaktak agbagba va gáng ka apal abam va ta te, i tøm Atak Ayéryər va ji pa kpaktak. Dər, iyam va ta nnap mpakpak ngga nzhi Inan nchumchum.

Atak nshì iyam awop

¹³ <<Mmá màl atak nshì iyam awop wa nva mmá màl nzhi Inan nchumchum. Ìjilijili, irurup ashar pa zəng ká abubo, kang mbəbal ashar pa zəng ká abubo, ká idər gáng nggulyang-gugulyangu abo ashar.

¹⁴ A bən kà ijili kà mbin ga chu atak nggwang mbwakan ashar pa shatding ká abubo, mbəbal ashar pa zəng ká abubo, kang à bən kà nggwang mbwakan ga chu nnənan ashar pa fangshat, mbəbal nnyi te, ashar pa zəng ká abubo.

¹⁵ Atak apər aga nshì iyam awop i yà ashar pa fangshat, kang nggúnggúng nna yà pa nneďing ka apal atak nshì iyam awop.

¹⁶ Kang atak apər aga nshì iyam awop va ta mmogo, nwuwang ashar isəm pa iparəm aman pa zəng kang mbəbal ashar isəm pa iparəm aman pa zəng.

¹⁷ Nggugwang mmogo na kpa, nwuwang ashar isəm pa iparəm aman pa neďing, kang mbəbal ashar isəm pa iparəm aman pa neďing, ká idər gáng na mbal abo ashar, kang ijilijili ashar pa zəng ká abubo gáng pa kpaktak. Oga atak ntòng

nkyén aga atak nshì iyām awop va ta dər asal nfa alum.>>

¹⁸ Te uza là á mi pa, << Á ya anəm, unəm uga nzhi uYawe là pa, iyām va ta na oga nnap nkpakpak kakul atak aga nshì iyām awop. Kà nra va mí me na kakul òyichi iyām inana iga nshì pa dwot ká nsháng nchər ka apəpal,

¹⁹ te bu na ôLawi onəm oga mpyal awop, omà ka akum aZadok, ova ba dát ká mi, pa ó nəm inok á mi, mí na òya akut ka ashe iyām nkang kakul iyām inana iga nnap mbángbàng, unəm uga nzhi uYawe à là.

²⁰ Kang bu pá nchìchər bu zuk ka izər oga nggúnggúng ngga nnedíng va ta ká oga nggulyanggu ngga nnedíng va ta ngga atak nggugwang, kang ka apal nkpaktak idər. Ka asal va ta bu nál atak aga mpyal awop kang bu mwa ishishi ká.

²¹ Te bu yar òya akut kpa kakul iyām inana nnap mbángbàng, kang bu shì ka atak va mmá nak ka nzhi Inan nchumchum, kà nsəm Atak Ayéryər.

²² Kà nra ngga mparəm te, bu yichi mbit nva yà ká mbyet kat kakul iyām inana iga nshì kakul nnap mbángbàng. Te atak nshì iyām awop i nál, wa nva mmá nál na ká òya akut á.

²³ Ka nvang va ú gbał ka nnənal chit te, bu yichi òya akut ká inagàm ka ashe iyām nkang iva yà ka mbyet kat.

²⁴ <<Kang bu ba ká oza kà mpyal àYawe, te onəm oga mpyal awop i wung mmàn ka apal oza, kang oza i yichi oza iyām inana iga nshì pa dwot ûYawe.

²⁵ Ka apal nra pa nfangshat, bu ba ká mbit kakul iyam inana nnap mbángbáng, kang bu yichi nya akut ká inagám ka ashe iyam nkang iva yà ká mbyet kat.

²⁶ <<Ka apal nra pa nfangshat, oza i mwa ishi kakul atak nshì iyam awop va ta kang oza i nà na, i gar na.

²⁷ Kang awalang va oza gbal oga nra va ta chit, i bàn kà nra ngga nnañne i ga mpyal te, onəm oga mpyal awop i yichi oga iyam inana bu iga nshì pa dwot, ká iyam inana bu iga ntəm ikángkáng ka apal atak aga nshì iyam awop, nna chit te, mi kam bu dak, unəm uga nzhi uYawe à là.>>

44

Mmá le ka onəm oga mpyal awop ka inok oza

¹ Te uza le ká mi ka anung nkəlang ngga agbai ngga Atak Ayéryər va dər asal nfa alum te, a gugún.

² Kang uYawe là á mi pa, <<Anung nkəlang va ta mí re ká nkuk wa nnà ta, mí bol na kat, kang unəm uro yà i tar kà kat, kakul uYawe, Inan oIsarila á tar chit kà, kakul nva ta te, mí re i təm ká nkuk wa nnà ta.

³ Ya i yà uponzhi chwat, kang i təm ka ashishe i ri iyam-nrì kà mpyal àYawe. Uza i tar ka asal igəlan iga anung nkəlang va ta, te uza i fa ka ta na kpa.>>

⁴ Kang uza ba ká mi kà mpyal nzhi ka asal anung nkəlang aga asal mpal. N dər te, n ya izhàn àYawe yəl ashe nzhi va ta, te n ru, n zəp ká afu.

⁵ Te uYawe là á mi pa, <<Á ya anəm, nak ishi pa dakdak, dər ká iwú bu, kang bù fe ká achwang bu, nkpaktak iyam va mi là á bu ka apal oga nnap mpakpak ngga nzhi àYawe nchumchum va ta ká nkpaktak oga nnap nkpakpakpakpakpak. Nak ishi pa dakdak ká asal aga ntar nzhi va ta, ká nkpaktak oga asal aga nfa Atak Ayéryər va ta.

⁶ Te là onəm oga nfa iyamkak, oIsarila, <ÁIsarila, unəm uga nzhi uYawe là pa, oga nnap nnəm bu ngga ajan á kúr chit.

⁷ Kakul mmawó ká nvyap nzhi mi nchumchum ka atak ntáng ká onəmchən oga nlang nna nnandər, oga achè amulur, ka awalang va ó yichi iyam-nri mi á mi, mpip ká nchər á, kakul nva ta te, ó bəkchi nsar nnap-nlà mi chit, ka atak nkpaktak oga nnap nnəm wó ngga ajan.

⁸ Kang ó nak ishi ká oga inok mi iyéryər kat, ó nak onəm okak pa á nak ishi ká inok iga Atak Ayéryər mi ka dər wó.>

⁹ <<UNəm uga nzhi uYawe là pa, <UNəmchən uro yà uga nlang nna nnandər, uga achè amulur ka ashe nkpaktak onəmchən va omà ka ashe onəm oIsarila, i tar ka ashe nzhi mi nchumchum kat.

¹⁰ OLawi va omà gbàng ká mi, oza kap ká mi kakul ichər oza, awalang va oIsarila a lyp a re asal te, oza i yar nsur nnap mbángbang oza.

¹¹ Oza i tong onəm oga inok ka ashe atak mi ayéryər, oza i nak ishi ká oga anung nkəlang ngga nzhi Inan nchumchum va ta, kang i nəm inok kà nzhi va ta. Oza i pà iyam inana iga nshì pa dwot ká iyam inana kakul onəm, kang oza i tong ka

mpyal onəm va ta, oza i nəm inok ôza.

¹² Kakul oza nəm inok oza kà mpyal ichər oza, te oza sat iyam iga nləp ifang ibángbang ka atak nzhi àlsarila, kakul nva ta te n sòng anung chit ka apal oza, unəm uga nzhi uYawe à là, kang oza i kam nsur iyam ibángbang oza.

¹³ Oza i yà ká mba dát ká mi, na ó nəm inok wa onəm oga mpyal awop kat. Oza i yà ká mba dát ká iyam iyéryər mi, kat te iva yər ji pa kpaktak kat, kang oza i yar iwuswa kakul oga ajan va na oza nəm á.

¹⁴ Ká nnà te, mi nak oza i nak ishi ká inok iga nzhi Inan nchumchum, oza i nəm nkpaktak oga inok va mí nəm ka ashishe.

¹⁵ << <Kang oLawi omà onəm oga mpyal awop, ova oga akum aZadok, kà nnak ishi ká Atak Ayéryər mi ka awalang va onəm oIsarila lyep re asal mi, te omà i ba i dát ká mi na ó nəm inok á mi. Te oza i tong kà mpyal mi kakul na ó yichi iyam inana iga mpip ká nchər á mi, unəm uga nzhi uYawe à là.

¹⁶ Oza i táng ka ashe Atak Ayéryər mi, kang oza i ba dát ká atebəl mi, oza i nak ishi ká inok mi.

¹⁷ Awalang va oza i táng oga anung nkəlang ngga mmulok va ta, te oza i mwàk ilukwán alinin. Oza i yà ká mmwàk iyam va mmá nəm ká awulu kat, nva oza kà nnəm inok ka oga anung nkəlang ngga ashe amulok va ta kat te ka ashe nzhi Inan nchumchum.

¹⁸ Oza i chəp oga iyam ishi iga alinin ka ishi oza, kang oza i mwàk iyam ijili iga alinin. Oza i yà ká mmwàk iyam va i nak atak sur ôza lap kat.

¹⁹ Kang awalang va oza a wong pa ó fa agəlan ka atak onəm, te oza á zəp ilukwán va oza nəm inok ká, oza á nak oza á ra ka ashe oga atak ayéryər, te oza á mwàk ilukwán iro le kang oza a gar onəm ka atak oga ilukwán oza iyéryər kat.

²⁰ Oza i kpat akpap ishi oza kat, oza i yà ká nré akpap oza i wang kat, nkpak pa oza a gbáng akpap ishi oza.

²¹ Kang unəm uga mpyal awop uro a wá ndəng ibangbang va sam chit kat, ka awalang va uza a tar ashe amulok á.

²² Oza i kam uchar va ukpələng kat, kat te uchar va le ivang, ya uyen byen va uwa nyi ununggwan chit kat, uva ka akum nzhi əlsəřila, kat te ya uchar ukpələng ənəm uga mpyal awop chwat.

²³ Kang oza i dyáng onəm mi ndongdong iyam va inənan ká iyam va inənan kat, oza i nyám ôza asal va oza i kap یشimshe iyéryər ká iva iyéryər kat.

²⁴ << <Oza i yà onəm oga nnáp akwali ka apal ndap izər, oza i náp akwali ka apal nnáp akwali mi. Oza i kpak oga nnap mpakpak ká nkpaktak oga ndyáng mi, ká oga ilum mi inaknak, kang oza i kpak oga aSati mi ayéryər kpa.

²⁵ Oza i ga i dát ká akúm kat, le kang oza a vyap ishi oza. Nnyi te, ya i yà unang kat te upon, uyen ununggwan kat te uchar, ugənan ununggwan kat te ugənan uyen uchar uva uwa váng chit kat, kakul oza te oza i vyap ishi oza vyap.

²⁶ Kà nvang va uza nəl chit, te oza i kung oga nra á na pa nfangshat.

²⁷ Kánda va uza i tar ashe Atak Ayéryər, ka ashe

mmulok na ô nəm inok ka ashe Atak Ayéryər
va ta, te uza i yichi iyam inana wò iga nnap
mbángbàng, unəm uga nzhi uYawe à là.

²⁸ << <Mi yà iyam akup oza, mmami na iyam
akup oza. Ó yà ká nná iyam ôza ka ashe aIsarila
ka, mmami na iyam oza.

²⁹ Oza i ri iyam inana iga ipirkur, ká iyam inana
nnap mbángbàng, ká iyam inana mpat, ká nza
iyam igorgor nggo ka ashe aIsarila uYawe, te i yà
iji oza.

³⁰ Kang nkpaktak oga iyam mbən iga nggəshi,
ká nkpaktak nza iyam inana ka ashe iyam inana
wó, i yà iji onəm oga mpyal awop. Ó na onəm
oga mpyal awop mmaḱ wó ngga nggəshi, kaḱul
na nnap nnənan á yà ka ashe nzhi wó.

³¹ Onəm oga mpyal awop, i ri iyam ikuku ka,
inyil ka te iyam nkang, iva kú ká ishi wò ka te
izhe iga anyin à gba.

45

Nkap Mbin va mmá gor uYawe

¹ << <Ka awalang va ó kap mbin va ta iyam
akup te, ó nak atak aro kaḱul áYawe i təm atak
ayéryər, nwuwang i yà ashar ikalong isəm pa
ishatding aman pa fangshat ká igbal pa itukun,
mbəbal ashar ikalong isəm pa ishatding. Nkpak-
tak mbin va mmá gəl te, i sat atak ayéryər.

² Ka ashishe te, atak aro mmogo nwuwang
ashar igbal pa ifangshat ká isəm pa itukun, mbəbal
ashar igbal pa ifangshat ká isəm pa itukun, i yà
kaḱul atak ayéryər, kang agbagba mbəbal i yà

ashar ìsəm pa ìfangshat amān pa tukun, i gáng atak ayéryər va ta.

³ Kā ashe mbin ngga atak ayéryər va mmá gəl te, bu māl nwang ashar ìkalong ìsəm pa ishātđing amān pa fangshat ká ìgbāl pa ìtukun, kang mbəbal ashar ìkalong pa ìgbāpchi amān pa tukun, ashe atak va ta i yà Atak Ayéryər va ji pa kpaktak.

⁴ Nggəl mbin va ta nna i yà atak ayéryər aga mbin va ta. I yà nji onəm oga mpyal awop, ova kà nnəm inok kà ashe Atak Ayéryər va ta, ova i dát ká uYawe kākul na ó nəm inok á na. Atak ayéryər va ta i yà atak kākul oga nzhi oza ká atak ayéryər kākul nzhi Inan.

⁵ Nggbāk nro, nwuwang ashar ìkalong ìsəm pa ishātđing amān pa fangshat ká ìgbāl pa ìtukun, kang mbəbal ashar ìkalong pa ìgbāpchi amān pa tukun, i yà nji oLawi, omà i nəm inok kà ashe nzhi Inan nchumchum, i tal atak aji oza, kākul oga itong va oza i tēm kà ashishe.

⁶ << Kā ngbak atak va ó na kākul Atak Ayéryər te, ó na atak á yà iyām ìtong va ta, ashar ìkalong pa ìfangshat ká ìgbāl pa ìtukun, kang nwuwang ashar ìkalong ìsəm pa ishātđing amān pa fangshat ká ìgbāl pa ìtukun. Atak va ta i yà kākul nkpaktak nzhi àlsarila.

⁷ << <Kang mbin va kà ngbak Atak Ayéryər va mmá gəl, ká atak va kākul ìtong te, i yà nji aponzhi i māl ìkwoksok ká Atak Ayéryər ká atak oga ìtong, kà asal ntar alum kang kà asal nfa alum, nwuwang i yà iyām izəngtəng kà nkap ngga oga akum. I bān kà aswari aga asal ntar alum i ga i chu aswari aga asal nfa alum

⁸ aga mbin va ta. I yà mbibin ka ashe aIsarila, kang oponzhi mi i yà ka nkar onəm mi lap kat, ñnyi te, oza i re oga abo mbin va ta nkpaktak akum oIsarila.

⁹ << <UNəm uga nzhi uYawe là pa, óponzhi oIsarila, ó re nnəm ifan ká nkar onəm va mmawó kà nnənəm, na ó náp akwali ka apal nnandər. Ó re nvyat mbin onəm mi, unəm uga nzhi uYawe à là.

¹⁰ Re ó nəm inok ká iyam iga mma iyam iga nnandər, wa ikpáng iga mma iyam ká ikpáng iga ndəng iga mma iyam iga nnandər.

¹¹ Ikpáng iga mma iyam ká ikpáng iga ndəng iga mma iyam va ta irup oza i yà iyam pa izəngtəng. Ikpáng iga ndəng va ta pa igbapchi te, isar pa izəng, kang ikpáng iga mma iyam va ta pa igbapchi te, anap pa zəng. Anap kat te isar va ta i tal iyam iga mmàl iyam iga nnandər.

¹² AShekel i yà agera isəm pa iparəm. Ashekel isəm pa ikpading te, i yà azhal a wó pa zəng.

Oga iyam inana

¹³ << <Iyam inana va ta ó na. Ó na nkap pa nzəng ka ashe akpading iga ikpáng pa izəng iga izangzəng, kang nkap pa nzəng ka ashe akpading iga ikpáng pa izəng iga ibəshi ka ashe nza anap nggo.

¹⁴ Ka apal nnap mmì te, ó na nkap pa nzəng ka ashe agbapchi iga afal mmì pa nzəng ka ashe nza isar nggo. Afal mmì pa gbapchi te, isar pa izəng.

¹⁵ Kang ó na itam pa izəng ka ashe nggatək iyam nkang igbal pa iparəm, ka ashe mbin nnənan ngga nkpak iyam nkang oIsarila. Nna ta mi nəm

inok ká kakul oga iyam inana iga ipirkur, ká iga nshì pa òwot, ká iga ntəm ikángkáng, kakul nyar mpat onəm, unəm uga nzhi uYawe à là.

¹⁶ Nkpaktak onəm vā ká mbin vā ta oza i na oga iyam inana vā ta kakul aponzhi uga aIsarila.

¹⁷ Uponzhi uwà ká òdèk iga nna oga iyam inana iga nshì pa òwot, ká iga ipirkur, ká iga nwá ka awalang aga nchang izèr, ká nfa ape ká oga aSati, nkpaktak oga nchang izèr vā ta aga mbin oIsarila. Uza i na oga iyam inana vā ta iga nnap mbángbàng, ká iga ipirkur, ká iga nshì pa òwot, ká iga ntəm ikángkáng, na mmá yar mpat oIsarila ká.

¹⁸ << <Iyam vā ta unəm uga nzhi uYawe là pa, ká nra ngga nggèshi ká apye aga nggèshi te, bu yar nya akut ava yà ká mbyèt kat kang bu gòr Atak Ayéryer vā ta ká.

¹⁹ Te unəm uga mpyal awop i pá nchèr iyam inana iga nnap mbángbàng vā ta, i sháng ka izèr oga ndar ngga anung nzhi awop vā ta, ká nggulyanggu ngga nneding ngga atak mpyal awop vā ta, ká oga ndar ngga anung nkèlang ngga mmulok vā ta.

²⁰ Bu nəm wā nnà ta ká nra ngga nfangshat ngga ape vā ta kakul anəm vā nəm nnap mbángbàng ká avyal kat, kat te ká ashe nnyi wò kat. Wā nnà ta bu gor nzhi awop vā ta.

²¹ << <Ká apye aga nggèshi, ká nra ngga ngbapchi aman pa neding te, ó nəm nchang izèr ngga nggantál ká apal nra pa nfangshat, kang ó rí nzèngkèng ngga nya ká anyer kat ká awalang ga nnəm nchang izèr vā ta.

²² Ká nda vā ta te, uponzhi i na nya akut kakul

ishì wò ká nkpaktak onəm oga mbin va ta, kakul iyam inana nnap mbángbàng.

²³ Kà nza nra ka ashe oga nra pa nfangshat ngga nchang izər va ta te, uza i na oga avan akut pa fangshat ká inagam pa ifangshat iva yà ká mbyèt kat, kakul iyam inana iga nshì pa dwot ûYawe. Kà nza nra ngga nfangshat nggo te, mbìt pa nzəng kakul iyam inana iga nnap mbángbàng.

²⁴ Kang uza i na iyam inana iga ipirkur ikpáng iga mma iyam pa izəng kakul nza nya akut nggo, ká ikpáng iga mma iyam pa izəng kakul nza inagam nggo, ká nya afal mmì kakul nza ikpáng iga mma iyam nggo.

²⁵ << <Kà awalang aga nra pa nfangshat ngga nchang izər va i ban ka ashe apye aga fangshat kà nra ngga ngbapchi aman pa tukun te, uza i na oga iyam inana iyam izəngtəng, kakul iga nnap mbángbàng, ká iga nshì pa dwot, ká iga ipirkur, ká mmì.

46

¹ << <Te unəm uga nzhi uYawe là pa, anung nkəlang ngga mmulok va dər asal nfa alum te, i gún ka ashe oga nra ngga nkpađing ngga inok, kang i bol kà ilum iga aSati ka ilum iga nfa ape apipè.

² Uponzhi i tar ka asal agbai i ga atak njul ngga anung nkəlang te, uza i tal datkulung ká ndar ngga anung nkəlang va ta. Te onəm oga mpyal awop i yichi iyam inananana iga nshì pa dwot, ká iyam inananana iga ntəm ikánkáng. Uza i kuchi i nəm awop ka anung asal aga anung nkəlang va

ta, kang uza i fa, ònyi te, anung nkəlang va ta mí gún kat, ya arurong i nəm kang.

³ Kang onəm oga mbin va ta i kuchi i nəm awop ũYawe ka anung asal aga ntar anung nkəlang va ta kà ìlum oga aSati ká ìlum iga nfa oga ape apipè.

⁴ Iyam inana iga nshì pa ðwot va uponzhi i ba ká ũYawe kà ìlum aSati te, ivan itám pa ìkpading ká inagam pa ìzəng, nkpaktak oza i yà ká mbyèt kat.

⁵ Iyam inana ìpirkur ká inagam va ta, i yà ìkpáng iga mma iyam pa ìzəng, kang iyam inana ìpirkur ká ivan itám va ta, uza i na ka atak ìkam wò, ká nya afal mmì kakul nza ìkpáng iga mma iyam nggo.

⁶ Ka nra ngga nfa ape apipe, uza i ná nya akut ká ivan itám pa ìkpading, ká inagàm, nkpaktak oza i yà ká mbyèt kat.

⁷ Uza i na iyam inana ìpirkur ìkpáng iga mma iyam pa ìzəng ká nya akut, ká ìkpáng iga mma iyam pa ìzəng ká inagam, kakul ivan itám te, uza i na ìpirkur ka atak ìkam wò, nzəng ká nya afal mmì kakul nza ìkpáng iga mma iyam nggo.

⁸ Awalang va uponzhi i tar, uza i tar ka anung asal aga atak njul ngga anung nkəlang va ta, kang uza i le i fa ka ta na kpa.

⁹ << <Awalang va onəm oga mbin va ta i ba kà mpyal àYawe pa ó nəm awop ka awalang aga nchang izər va mmá nak te, unəm va i tar ka anung nkəlang ngga asal mpal pa ô nəm awop te, uza i le i fa ka anung nkəlang ngga asal nkwal. Ònyi te, a yà pa uza a tar ka anung nkəlang ngga asal nkwal te, uza i le i fa ka anung nkəlang ngga asal mpal. Unəm uro i yà ká nfa ka anung

asal nkəlang va uza tar kà kat, ya uza i le i fa ka asal akak paḏi.

¹⁰ Awalang va oza i táng te, uponzhi i tar nzəng ká oza, kang awalang va oza i fa te, uza i fa nzəng ká oza.

¹¹ << <Ka awalang aga nchang izər ká abo awalang va mmá nak kakul nnəm nchang izər te, iyam inana ipirkur i yà ikpáng iga mma iyam ká nya akut, kang ikpáng iga mma iyam ká inagam, kakul ivan itám te, uza i na ipirkur ka atak ikam wò, ká nya afal mmì kakul nza ikpáng iga mma iyam nggo.

¹² Awalang va uponzhi i ba ká iyam inana iga mman igwak, iga nshì pa ḏwot kat te iga ntəm ikángkáng ũYawe te, anung nkəlang va ḏər asal nfa alum te, mí bol á na. Uza i ba ká iyam inana wò iga nshì pa ḏwot kat te iga ntəm ikángkáng wa nva uza mà nəm kà nra aSati á. Te uza i fa agbai, nvaṅg va uza fa chit, te mí gún anung nkəlang va ta.

¹³ << <Nza ipin nggo te, bu ba ká iya itam iga izun pa izəng iva yà ká mbyèt kat, kakul iyam inana iga nshì pa ḏwot ũYawe pa ḏəkər.

¹⁴ Bu na iyam inana iga ipirkur kpa nzəng ká iya itam nza ipin nggo, uzəng ka ashe akpaḏíng iga ikpáng iga mma iyam, ká uzəng ka ashe ashatḏíng iga nya afal mmì kakul nnuk mmaḱ. Asal va ta mmá pak aga nna iyam inana ipirkur ũYawe pa ḏəkər.

¹⁵ Mí na iya itam va ta, ká iyam inana iga ipirkur, ká mmì nza ipin nggo, kakul iyam inana iga nshì pa ḏwot pa ḏəkər.

16 << <Unəm uga nzhi uYawe là pa, a yà pa uponzhi nəm imwa ũro ka ashe ovan wò onung-gwan ka ashe iyam wò te, i yà iji ayiyen. I sat iyam akup ayen va ta ká ovəvan.

17 Kang a yà pa uza nəm imwa ũzwal wò uro ka ashe iyam wò te, i təm iji azwal va ta i ga i chu izun iga nfən ka ashe izwal kang. Nnà chit te, imwa va ta i le ka ashe awó áponzhi káđi. Kákul iyəyam, i yà iji ovəvan na ká nkukwa.

18 Uponzhi i vyat iyam onəm kat le kang a bák onəm ka apal iyam va iji oza kat. Uza i kap iyam ôvan wò onung-gwan ka ashe iyam va iji na, na kang mmá kap onəm mi ká iyam va iji oza kat.>>

19 Te unəm va ta ba ká mi ka asal aga ntar aga ngbak anung nkəlang, ga chu afu oga nzhi nyéryər va dər asal mpal, va aji onəm oga mpyal awop, kang à nyám atak á mi, kà nkur asal aga ntar alum.

20 Te uza là á mi pa, <<Atak va ta na onəm oga mpyal awop i pək iyam inana iga mwa mpat, ká iyam inana iga nyar nnap mbáŋgbəŋ, kang ka ta na kpa oza i wəŋg iyam inana iga ipirkur, le kang oza a ga ká oza ka ashe agəlan kang i nak ndaktak ônəm kat.>>

21 Te uza ga ká mi ka ashe agəlan, kang uza ranggang ká mi kà nggulyanggu ngga nneding ngga agəlan va ta, kang ka nza nggulyanggu ngga agəlan nggo te, nna ká agəlan.

22 Kà nza avan agəlan nggo te, nwuwang ashar isəm pa ikpađing, kang mbəbal ashar isəm pa ineding aman pa tukun.

²³ Kà nza avan agəlan ngga nneding va ta nggo te, ipáng nna yà dàt, mmá təp oga achər gang akum ipáng idátdàt va ta.

²⁴ Uza là á mi pa, <<Oga nzhi ngga mpók iyam-nrì va ta, nnà atak va onəm oga nnəm inok kà nzhi Inan i pək iyam nləfər va onəm ba ká kà.>>

47

Awang va fa kà nzhi Inan nchumchum

¹ Unəm va ta le ká mi kàđi ga ká kà anung asal nzhi Inan kang n ya ndəng i nang kà avəng akun aga avəng anung nzhi Inan va ta i ga asal nfa alum, kakul nzhi Inan va ta dər asal nfa alum. Ndəng va ta kà nnang i fa kà avəng kà ngbak asal nkwalandal nzhi Inan, kà nkwalandal atak nshì iyam awop.

² Te uza fa ká mi kà anung nkəlang ngga asal mpal, kang uza gəban ká mi kà asal agbai aga anung nkəlang va dər asal nfa alum, kang kà ta ndəng i nang kà ngbak asal nkwalandal anung nkəlang.

³ Unəm va ta wòl asal nfa alum ká asang aga mmàl iyam kà awó wò, kang uza mál ashar ìkalong ká igbal pa ifangshat kà isəm pa itukun, te uza chen ká mi kà ashe ndəng va ta, nggbəng ndəng va ta kpán mi kà ishangshar.

⁴ Te uza mal ashar ìkalong ká igbal pa ifangshat kà isəm pa itukun kàđi, kang uza chen ká mi kà ashe ndəng va ta, nggbəng kpán mi kà irəng. Kang uza le mál ashar ìkalong ká igbal pa ifangshat kà isəm pa itukun kàđi, te uza chen ká

mi ka ashe ndəng va ta, nggbəgbəng kpán mi ka adək.

⁵ Uza le mál ashar ikalong ká igba pa ifangshat kà isəm pa itukun kàdī, ònyi te, òyangmata a yà awang chit va mi pa lap kaṭ, kakul ndədəng mak chit kang à gbəng kúr nkwa kúr. Awang va unəm uro yà i paṭ kaṭ.

⁶ Uza là á mi pa, <<Á ya anəm, u ya iyam va ta ya dò?>>

Te uza le nvaṅ ká mi ga ká ka anung akòngkòng awang va ta.

⁷ Awalang va n chu anung akòngkòng te, n ya ikún pa makmak kà nza nggbak nggo ngga awang va ta.

⁸ Te uza là á mi pa, <<Ndəng va ta kà nnang kà ngga atak aga asal nfa alum, kang i kwangtal i ga ka ashe aAraba, ka atak va i tar İwa Mman. Awalang va i tar ashe İwa, te ndəng ngga mman va ta i le i byen.

⁹ Atak va awang va ta nang wòl ka kap te, nza iyam iga iriri nggo te, i lár. Igwali na i yà ka ashishe pa makmak, kakul ndəng va ta nang ka ta kang a nak İwa mman byen. Atak va kpaktak ndəng va ta i wòl kà te, nza iyam iga iriri nggo i lár.

¹⁰ Onəm oga nwur igwali i tong ka anung akòngkòng. Ban ka aEngedi i ga i chu aEneglayim oga atak na i yà ka ta kakul mpəl oga icha. Igwali i yà ka ashishe apir pa đongđong, wa igwali iga İwa aMeditereniya.

¹¹ Ònyi te, oga nshənggət ka oga apyap i yà ká mbyen kaṭ, mí re oza i təm atak mmàn.

¹² Ka nza anung akòngkòng awang nggo te, apir ikún pa dongdong iga awár i rup ka ta. Oga agwal oza i wom kaṭ, ikukun i kap ká nwár awár kaṭ. Oza i wár awár nza ape nggo, kakul ndəng nji oza i nang i fa ka Atak Ayéryər. Awár oza kakul iyam nrí, kang agwal oza kakul ikun.>>

Aswari mbin

¹³ Te unəm uga nzhi uYawe là pa, <<Oga atak va ta i yà aswari mbin iyam akup va akum aIsarila aga agbapchi aman pa parəm va ta i kap. UYusufu te, i ya nji wò nkap pa mparəm.

¹⁴ Kang ó kap i mal iyam zəngtəng kà ishimshe wó. Ka n sòng anung chit, pa mi na mbin va ta ôkəka wó, i təm iyam akup wó.

¹⁵ <<Ka asal mpal te, aswari i bàn kà ìwa aMeditereniya wòl ka asal aHetlon i watar aLebo Hamat i ga i chu aZedat,

¹⁶ ká aHamat, aBerota, aSiprayim va ka aswari aDamatkut ká aHamat, ga chu aHaza Hatikon va ka aswari aHawuran.

¹⁷ Aswari va ta i bàn kà ìwa aMeditereniya, i ga aHazar Enan ka asal mpal aswari aDamatkut, ká aswari aHamat i ga asal mpal va ta. Nnà ta i yà aswari aga asal mpal.

¹⁸ <<Ka asal nfa alum te, aswari i bàn kà ishimshe aHawuran ká aDamatkut, ka asal aWang aUrdun ka ishimshe aGileyat ká mbin aIsarila ga Ìwa Mman ga chu aTamar. Nnà ta i yà aswari aga asal nfa alum.

¹⁹ <<Aswari aga asal nkwandal i bàn ka aTamar i ga i chu ndəng ngga aMeribat Kadet, ka asal

aWang aMasar ga chu ìwa aMeditereniya. Nnà ta i yà aswari aga asal nkwalandal.

²⁰ <<Nggbak ngga asal ntar alum te, ìwa aMeditereniya i yà aswari i ga chu atak va mal ìkwoksok ká aLebo Hamat. Nnà ta i yà aswari aga asal ntar alum.

²¹ <<Ó kap mbin va ta kà ìshimshe wó ka atak oga akum aIsarila.

²² Ó kap ka atak mmàng ayàk iyam akup kà ìshimshe wó nzəng ká ođyanəm va kà ntəm nzəng ká wó, ova mar ovan ka ashe wó. Óza i təm wa ovan omarmar oga aIsarila, oza i ya iyam akup nzəng ká wó ka ashe akum oIsarila.

²³ Ka ashe akum va uđyanəm va ta kà ntəm ka ashishe te, ka ata na ó na iyam akup ijini á na,>> unəm uga nzhi uYawe à là.

48

Nkap mbin

¹ <<Adin oga akum va òmà ta. Á bàn kà ngbak asal mpal wól ka aHetlon ga aHamat, lyam ga chu aHazar Enan va kà nkur aswari aga asal mpal aDamatkut dát ká aHamat. Aswari va ta lyam ka ngbak ngga asal nfa alum á ga chu ngbak ngga asal ntar alum. Nna i yà nkap nji aDan.

² <<Ka aswari aDan, á bàn kà ngbak asal nfa alum á ga asal ntar alum, te nnà i yà nkap nji aAsher.

³ <<Ka aswari aAsher, á bàn kà ngbak asal nfa alum á ga asal ntar alum, te nnà i yà nkap nji aNaftali.

⁴ <<Ka aswari aNaftali, á bàn kà ngbak asal nfa alum á ga asal ntar alum, te nnà i yà nkap nji aManase.

⁵ <<Ka aswari aManase, á bàn kà ngbak asal nfa alum á ga asal ntar alum, te nnà i yà nkap nji aEfrayim.

⁶ <<Ka aswari aEfrayim, á bàn kà ngbak asal nfa alum á ga asal ntar alum, te nnà i yà nkap nji aRuben.

⁷ <<Ka aswari aRuben, á bàn kà ngbak asal nfa alum á ga asal ntar alum, te nnà i yà nkap nji àYahuda.

⁸ <<Ka aswari aYahuda á bàn kà ngbak asal nfa alum á ga asal ntar alum, te i yà nkap nva ó gor. Kang mbəbal ashar ikalong isəm pa ishatding aman pa fangshat ká igbəl pa itukun, nwuwang i mal dakdak ká nwang nkap akum pa zəng, i bàn ka asal nfa alum i ga asal ntar alum, kang atak ayéryər i yà kà ishimsheshimshe.

⁹ <<Atak va ó gor kakul áYawe, te nwuwang i yà ashar ikalong isəm pa ishatding aman pa fangshat ká igbəl pa itukun, kang mbəbal ashar ikalong pa igbapchi aman pa tukun.

¹⁰ Atak va ta i yà atak ayéryər kakul onəm oga mpyal awop. Nwuwang ka asal mpal te, i yà ashar ikalong isəm pa ishatding aman pa fangshat ká igbəl pa itukun, kang mbəbal ka asal ntar alum, te i yà ashar ikalong pa igbapchi aman pa tukun, ka asal nfa alum, te nwuwang i yà ashar ikalong pa igbapchi aman pa tukun, ka asal nkwandal, te nwuwang i yà ashar ikalong isəm pa ishatding aman pa fangshat ká igbəl pa itukun, kang Atak Ayéryər áYawe i yà kà ishimsheshimshe.

¹¹ I yà kakul onəm oga mpyal awop ogorgor oga akum aZadok, ova kpak nnap mpakpak mi, kang à gaḃan wa nva oLawi nəm ka awalang va onəm oIsarila ka gaḃan kaṭ.

¹² I yà nji oza nggorgor ka ashe atak ayéryər, nnà i yà nkap nyéryər va ji pa kpaktak, ká aswari mbin oLawi.

¹³ <<Kà ngbak aswari onəm oga mpyal awop te, oLawi i ya nji oza, nwuwang ashar ikalong isəm pa ishatding aman pa fangshat ká igbal pa itukun, kang mbəbal i yà ashar ikalong pa igbapchi aman pa tukun. Nkpaktak nwuwang i yà ashar ikalong isəm pa ishatding aman pa fangshat ká igbal pa itukun, kang mbəbal i yà ashar ikalong pa igbapchi aman pa tukun.

¹⁴ Oza i yáp ká kaṭ, kaṭ te oza i na i kam iyaṃ iro ka anununḡ kaṭ. Oza i yà ká nna atak a nənnaṃ aga mbin va ta ka awo anəm uro kaṭ, kakul atak ayéryər ũYawe.

¹⁵ <<Abuḃo va re, mbəbal ashar ikalong pa ifangshat ká igbal pa itukun, kang nwuwang ashar ikalong isəm pa ishatding aman pa fangshat ká igbal pa itukun te, i yà atak na pa kakul itong, kakul nra oga nzhi ká agbagba kakul nkpak iyaṃ nkang. Itong i yà ká ishimsheshimshe,

¹⁶ kang nnà ta i yà mməmal, ká ngbak asal mpal te, ashar ikalong pa ikpading ká igbal pa fangshat ká isəm pa itukun, ká ngbak asal nkwandal te, ashar ikalong pa ikpading ká igbal pa fangshat ká isəm pa itukun, kang ngbak ngga asal nfa alum te, ashar ikalong pa ikpading ká igbal pa fangshat ká isəm pa itukun, ká ngbak asal ntar alum te, ashar

ìkalong pa ìkpāding ká ìgbal pa fangshat ká ìsəm pa ìtukun.

¹⁷ Agbagba aga nkpak iyam nkang va ta kakul itong i ya ashar, ìgbal pa ishatding ká ìsəm pa ifangshat aman pa tukun ka asal mpal, ashar ìgbal pa ishatding ká ìsəm pa ifangshat aman pa tukun ka asal nkwandal, ashar ìgbal pa ishatding ká ìsəm pa ifangshat aman pa tukun ka asal nfa alum, kang ashar ìgbal pa ishatding ká ìsəm pa ifangshat aman pa tukun asal ntar alum.

¹⁸ Abo atak va re nəm aswari ká atak ayéryər te, nwuwang i ya ashar ìkalong pa ìgbapchi aman pa tukun ka asal nfa alum, kang asal ntar alum te, i ya ashar ìkalong pa ìgbapchi aman pa tukun. Iyam irəram i na iyam-nri kakul onəm oga nnəm inok kà itong va ta.

¹⁹ Onəm oga nnəm inok kà itong va ta, ova i wap iram te, i ya ka ashe nkpaktak oga akum aIsarila.

²⁰ Nkpaktak nkap va bu gor te, i ya mmogo nva mbəbal ká nwuwang i mal izər, ashar ìkalong ìsəm pa ishatding aman pa fangshat ká ìgbal pa ìtukun, nnà i ya nkap nyéryər nzəng ká mbin itong va ta.

²¹ <<Iyam va re kà nza ngbak ngga mparəm nggo ngga nkap nyéryər ká mbin itong va ta te, i ya iji aponzhi. I ga asal nfa alum, ashar ìkalong ìsəm pa ishatding aman pa fangshat ká ìgbal pa ìtukun aga nkap nyéryər i ga i chu aswari ka asal nfa alum. Kang i ga asal ntar alum ashar ìkalong ìsəm pa ishatding aman pa fangshat ká ìgbal pa ìtukun, i ga i chu aswari aga asal ntar alum. Nkpaktak oga nkap ngga mparəm va ta i

mal ká nkap oga akum te, i yà iji aponzhi, kang atak ayéryər ká nzhi Inan nchumchum va ta i yà kà ìshimshe oza.

²² Kà asal va ta mbin oLawi ká mbin ìtong va ta, i yà kà ìshimshe nkap va nji àponzhi. Nkap nji àponzhi i yà kà ìshimshe aswari aYahuda ká aswari aBenjamin.

²³ <<Aboshi oga akum, i bàn kà asal nfa alum i ga asal ntar alum te, uBenjamin i ya nkap pa nzəng.

²⁴ <<Kà aswari aBenjamin, i bàn kà asal nfa alum i ga asal ntar alum te, nnà i yà nkap nji uSimeyon.

²⁵ <<Kà aswari aSimeyon, i bàn kà asal nfa alum i ga asal ntar alum, te nnà i yà nkap nji aIsakar.

²⁶ <<Kà aswari aIsakar, i bàn kà asal nfa alum i ga asal ntar alum, te nnà i yà nkap nji aZebulun.

²⁷ <<Kà aswari aZebulun, i bàn kà asal nfa alum i ga asal ntar alum, te nnà i yà nkap nji aGat.

²⁸ <<Kà asal nkandal nkap aGat, te aswari i wòl kà aTamar i ga ndəng ngga aMeribat Kadet, kang i wòl awang aMasar i ga chu iwa aMeditereniya.

²⁹ <<Mbin va ta ó kap iyam akup ôga akum aIsarila ká, kang nnà ta i yà oga nkap oza,>> uNəm uga nzhi uYawe à là.

Oga anung asal ìtong

³⁰ <<Nnà ta i yà oga atak nfa ìtong va ta. Mmàl ngga ngbak asal mpal te, ashar ìkalong pa ìkpading ká ìgbal pa ìfangshat ká ìsəm pa ìtukun.

³¹ Mí wór adin oga anung asal oga ìtong va ta ká adin oga akum oIsarila. Oga anung asal nnà i yà

pa nshatding ka asal mpal, anung asal aRuben, ka anung asal aYahuda, ka anung asal aLawi.

³² <<Ka ngbak asal nfa alum, i ya ashar ikalong pa ikpadding ka igbal pa ifangshat ka isem pa itukun. Oga anung asal nnà i ya pa nshatding, anung asal aYusufu, ka anung asal aBenjamin, ka anung asal aDan.

³³ <<Ka ngbak ngga asal nkwandal, i ya ashar ikalong pa ikpadding ka igbal pa ifangshat ka isem pa itukun. Oga anung asal nnà i ya pa nshatding, anung asal aSimeyon, ka anung asal aIsakar, ka anung asal aZebulun.

³⁴ <<Ka ngbak ngga asal ntar alum, i ya ashar ikalong pa ikpadding ka igbal pa ifangshat ka isem pa itukun. Oga anung asal nnà i ya pa nshatding, anung asal aGat, ka anung asal aAsher, ka anung asal aNaftali.

³⁵ <<Nggang itong va ta i ya ashar ikalong isem pa iparem aman pa fangshat. Kang adin itong va ta ban ka ilum va ta te, i ya pa, <UYawe uwa ka ta.>
>>

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Jul 2025 from source files dated 10 Jul 2025

501af3c5-12fd-5965-ade7-9600b2d02717